


حیات فاجعه لریندن

(حکایه لر)

گنجعلی صباحی



حیات فاجعه‌لریندن

یازانی - گنجعلی صباحی

۱۳۵۹

فروردین

کتابین ایچینده کیلر :

- ۱- حیات فاجعه لریندن ۳ - ۶۵
- ۲- خائن ۱۰۰۰! ۶۶ - ۷۷
- ۳- اووچو ۷۸ - ۸۶
- ۴- شرفلی اولوم ۸۷ - ۹۵
- ۵- لغت ۹۶



آتمارات دنیا

حیات فاجعه لریندن

چاپ اول

حقوق چاپ و نشر محفوظ دور.

جلدین اوزرینده کی طرح - واحد خاکدان داندیر.

۱۳۲۸ — نجی ایل بهمن آیین اوچو ایدی . محکمه سالونو — تماشاچیلارلا دولموشدو . غلیظ سیغار توستوسوسئیرهك بیر دومان کیمی سالونا یایلمیشدی . ازدهام سونسوز بیر هیجان ایچریسینده ، محکمه‌نین قرارینی گوزله یردی . کئشیکچیلر متهمین ساغ — سولونو آلمیشدیلا . وکیل ناراحت بیر حالدا قدم ووروردو . دادستان اوز موفقیتینه امیدوار بیر حالدا ، غرورلا سیغارینی چکیب توستوسونو هوا یا بوراخیردی . متهم صندلینی — یاخینلیغیندا بیر خانم قورو دوشمه‌نین اوزرینده اوتوروب ، کهنه چادر — سینی امیزدیرمکده اولدوغو بیر یاشار کوریه‌سینین باشی اوزرینه چکیب اونو کیریمه یه چالیشیردی . آلتی یاشیندا بیر اوغلان اوشاغیدا بوینونو بوروب ، گاه مقصره — گاهدا آناسینا باخیردی . خانم تئز — تئز متهمه باخییر ، دولغون گوزلرینی سیخدیقجا ، یاش مروارید دانه‌لری کیمی ، یاناغیندا ن دیغیرلا نیب کوریه‌نین اوزونه توکولوردو . بو مقصرین آروادی ایدی . اری‌آدام اولدورموشدو . اونون و اوشاقلارینین مقدراتی محکمه‌نین قرارینه باغلی ایدی . محکمه هیئتی داخل اولاجاغی خبر وئریلدی . هامی آياغا دوردو . سس — کوی کسیددی . محکمه صدری عئینگینی گوزونه ووروب حکمو اوخوماغا باشلادی :

— متهم علی میرزا مهدی اوغلو شهرت احمدی ، اوز گناهینی بوینونا

آلمایاراق ، گوستیر : گویا ، دی آیین اونوندا گنجه ساعت بیرده ، کفلی
 حالدا کوجه دن کچیرکن ، بیردن آیاغی مقتولا ایلشیر . دایانیب اونا
 باخیر . غیری ارادی اولاراق ، یئرده دوشموش قانلی پیچاغی الینه آلیر . بو
 تصادف اونو مستلیکن آیلدیر . سس — کوی سالیب جماعتی کومه یه چا —
 غیریر . اونون سهسینه کئشیکچی پلیس و بیر نئجه نفر حادثه باش وئرمیش
 یئرله گلیب اونو دوتورلار . متهم اوزونو تبرئه ائتمه یه چالیشسادا ، کئشیکچینین
 و باشقا شاهد لرین شهادتیندن ، ائله جده مرحوم چنگیزخانین قتله
 یئتیریلدیگی پیچاق اوزرینده آپارلمیش آزمایش نتیجه سینده ، ضاربین
 ال نشانه لری مشاهده اولونموشدور . محکمه هیئتی گوستریلن دلیل لری
 اساس دوتاراق ، علی میرزا مهدی اوغلو شهرتی احمدینی چنگیزخانسی
 قتله یئتیردیگی اوچون مقصر تانییب ، ج . ۱۰ م . ۱۰ م . — — — ماده سی
 اساسیندا ، اعدام محکوم ائدیر . قرار قطعیدیر . دئییب ، حکم قورتا —
 ردیقا متهمین اوزونه اولوم توزو قوندو . باشی گیلدی . گوزلرینه —
 قارانلیق چوکیدو . یخیلماق اوچون محجردن یاپیشدی . قادینی اوره ک
 یاندیرجی بیر نوا ایله آغلاماغا باشلادی . اوغلودا اونون سهسینه — سس
 وئردی . تماشاچیلار آراسیندا بیر هیجان وجوده گلدی . محکمه هیئتی
 پرونده نی گوتوروب اوبیری اوطاغا کچمک ایستدیکده بیردن ، — دایانین !
 . . . دئییه گورولتولو بیر سس سالونو دولدوردو . هامی سه سه طرف
 دوندو . سه سی اوجالان ، آداملاری یارا — یارا محکمه هیئتی قرار دوتا
 یئرله دغرو ایره لیلدی . بوتون گوزلر اونا زیللنمیشدی . محکمه هیئتینین
 قاباغیندا دایاناراق ،

— عدالتی حاکملر ! اعدام حکم وئردیگیز بو بد بختین هئچ
 بیر شئیدن خبری یوخدور . چنگیزخانسی من اولدور موشم ! دئدیکده
 جماعت آراسیندا یئنه بیر قارشیقلیق عمله گلدی . محکمه

صد رینین قاشلاری چاتیلدی . زنگی چالاراق ، تماشاچیلاری ساکت ائتدی .
عئینگینی گوزونه تاخیب ، دقتله قدرته باخدی . دوداقلاری اسه — اسه
دئدی :

— اوغلان ! هئج بیلیرسن نه دانی شیرسان ؟ دادستان دوتو —
لموش بیر حالدا ،

— حتما " دلیدیر ! دئییه ، محکمه صد رینین سوزونون آراسینا سوز
آتدی . وکیل ایسه مراقلا قدرتین سوزلرینی دینلمیر ، گوزلرینده امی —
قیغیلجیملاری اوینایردی . قدرت قاضینین سوالینا جواب اولاراق ،
— بلی ، جناب حاکم ! من یاخشی بیلیرم نه دانی شیرام ، عقلمده
باشیمدادیر . من اوز انتقامیمی آلمیشام . دئییه ، جواب وئردیکده ، وکیل
اونا یاخینلاشدی .

— دئیرسن ، سن اولدورموسن ؟ !

— بلی ، من اولدورموشم ! دئییب مقصری نشان وئردی . — او بیچاره
رهنین اعدام حکمو اوخوناندا ، خانیمینین ناله سهسی بیر اود پارچاسی
کیمی اورمیی پارچالادی . اوز قادینینم ، اوشاقلاریم یادیمادوشدو .
گوردوم منیم گوردویوم ایش اوچون باشقاسینی دار آغاجینا تابشیریرلار
داها دایانا بیلمدیم . یئنیه دئیرم ، چنگیز خانی من اولدورموشم !

— احسن ! . . . دئییه آغیزلاردان قویان سسلر بیر — بیرینه قار —

یشدی . محکمه هیئتینین کیچیک بیر مشاوره سیندن سونرا قدرتین حبس
اولونماغینا حکم یازیلدی . علی غافل اولومدن قورتاردیغی اوچون ، خانیمی
همده اوزو ، بیلیردی لر آغلا سینلار یوخسا گولسونلر .

قدرتین داستانی دیلدن — دیله دوشدو . او ، چنگیز خان —
اولدورمیی نین علتینی یوخوکی می ، هره بیر یئره یوزوردو . روزنامه لر اوچون
یئنی موزوع تاپیلیمشدی . رنگ و بویالارلا قدرتین حقینده کی می " بی —

انسان کامل " بعضیلری ، " مرموز قاتل " ، " ظلمون مکافاتى " و الا . . .
جور به جور عنوانلارلا قلمه گتیریب ، گاه تبرئه ائدی ، بعضاده دارآغاجینا
تابشیردیلار .

یئنیدن باشلانمیش تحقیقات ، سرعتله قورتاردی . بهمن آیین
اون بئشینده محکمه سالونوندا ایینه سالماغا یئریوخ ایدی . قدرت متهم
صندهلینده اوتورموشدو . هامی مراقلا اونا باخیر ، حقینده جوربه جور
قضاوتلر یورودولوردو . نهایت ، محکمه رسمیت تاپدی . دانیشیقلا ، سو-
رغوسواللار قورتاردیقدا ان سونرا اوزوندن دفاع ائتمک اوچون ، سوز قدرته
وئریلدی . اونون صاقتالینی توك باسمیشدی . رنگی آغارمیش ، گوزلری
چوخورا دوشموشدو . اولدوقجا آرام و خونسرد نظره گلیردی .

— من اونو تعقیب ائدیردیم . نهایت دی آیین اونوندا ، آخشام
اوستو اونون قمارخانایا گیردیینی گوردوم . گوزلدیم ، چوخ گوزلدیم . گنجه
یاریدان کئچمیشدی . او کتفلی بیر حالدا قمارخانادان چیخدی . من
اونون دالینجا دوشدوم . اوز کوجه لرینده قاباغینی کسدم . او منیم
زندگانلیغیمی ، حیاتی می الیمدن آلمیشدی . اوغلومون اولومونه ، خانیمیمین
دیوانه اولماغینا باعث اولموشدو . او ، بیر تک منه ظلم ائتمه میشدی . منیم
کیمی یوزلرجه عائله لرین فلاکت و اولومونه سبب اولموشدو . آنجا ، بو
جنایتلری اوچون هئج کس اوندان حساب ایسته میردی . بونا گورمه ، من
اوزوم اوندان انتقامیمی آلدیم . من اوزومو مقصر بیلمیرم . چونکه ، قان
ایچن بیر ظلمکاری اولدورموشم . من اوز وکیلیمدن خواهش ائدیرم چنگیز
خانلاریمین داستانیمی ، داها دغروسو ، منیم باشیما گتیردیگی فاجعه نی
اولدوغو کیمی سویله سین . امید و ارام که ، واقعیت آیدینلاشدیقدا ، بوایشه ،
هامی منه حق وئرهمک . دیئب ، اوز یئرینده اوتوردو . وکیلی همسان
" گناهسیر محکوم " احمدینین وکیلی ایدی . او ، قدرتین مردانه لیک صفتینه

گۆزه، گونوللو اولاراق، اوندان دفاع ائتمیی عهد هسینه گوتورموشد و . او، سوزه بئله باشلادی :

— محترم حاکم! قدرت اؤز گناهینی بوینونا آلاقلا، گناهسیز بیر انسانی دار آغاجیندان قورتاردی . اونون عائله سینی حتمی بیر سقوتدان نجات وئردی . بونولا او، بیر جانی دگیل، قلبی مهر— محبتله دولوان شرفلی بیر انسان اولدوغونو ثبوت ائتدی . بیز اونو بوجنایته سوق ائدهن علتلی آیدینلاشدیرما میش اونون حقینده دوزگون قضاوت ائده بیلیمز . بونا گورده اجازه وئرسه نیز، جنگیز خانلا — قدرتین، داهای دغروسو بیر اربابلا، رعیتین احوالاتینی سیزه سویلهرم . امیدوارام که، صحبتیم قدرتین حقنده دوزگون قضاوت اوچون د میرلی بیرسند اولسون . محکمه صدری باشی ایله اؤز راضیلیغینی بیلدیردی . وکیل سوزه بئله باشلادی :

قوراخلیق ایلی

— ۱۳۲۷ — نجی ایلی خرمین وقتی ایدی . ایلیک محصول توپلا—

نیب، تاخیللار دیولوب، سوورولموش، هر طرفده سامان تومپالاری و اولارین یاخینلیغیندا سوپورولوب تمیزلنمیش یئرلرده آریا، بوغدا وچودار یغینلاری گورونود . یاین یوروجو آغیر ایشیندن یاخا قورتارمیش ایش ماللاری خرمه نین اطرافیندا یایلانیب گوشمیر، بعضیلریده اشتهایه گلیب رنگلی سارالمیش قورو اوتلاردان اوتلایردیلار . هر طرفده آرواد، اوشاق قایناشیردی . کند لیلر اؤز محصوللارینین دوره سینه توپلانمیشدیلار . معمولاً؛ محصول وقتی کندلرده هیجان، شادلیق، چالماق — اویناماق گورونر . آنجاق بوردا بوغوجو بیر سکوت حکم سورمکده ایدی . قاشلارچاتیلیمیش، قیافه لر دوتغون، گوزلردن اضطراب و امید سیزلیک لپه لنیردی . چونکه اکین یاخشی بیتمه میشدی . محصول بول اولاندا ارباب پایی آپارار .

مباشیرین جیبی دولا ر، سیدہ، ملایا، کندلینین اوزونہ دہ چاتار۔ آنجاق
 بو ایل قوراخلیق اولموشدو۔ چوخلاری سپدیگینی دہ گوتورہ بیلیمیردی۔
 آجلیق و فلاکت کندی ہدہ لمیرایدی۔ توپلانیلیمیش بو آزمحصولودا اربابین
 کهنہ حق۔ حسابلارینی تمیزلہمک اوچون مباشر ایکی آیاغینی بیر باشماغا
 یئرلشدیریب کیمیسینی دیور، کیمیسینی توهین ائدیر، سوپوردو۔ کند
 اہلی لاپ جاناد ویموشدو۔ خرمنہ یغیلانلارین آراسیندا پیچ۔ پیچ ایلہ
 باشلانان اعتراض سسلری اوجالماقدایدی۔ قدرت گونہشین حرارہتیندن
 آلنیدا قاباران تر دانهلرینی ایلہ سیلہرک سوزہ باشلادی۔

۔ قوراخلیغی کہ اوزون گوردون۔ خرمنہ کی تاخیللاری مباشرہ
 نشان وئریب،۔ بودا بیزیم ایللیک محصولوموزدور۔ ارباب اوزودہ گلیب
 گوردو۔ داہا بیزی نیہدارا قیسنایرسان؟ قدرتین بوسوزوندن جرئتلهنن
 کند لیلر سسلرینی اوجالتماغا، اورمکلرینی بوشالتماغا باشلادیلار۔

۔ یاغمدی، بیتمدی۔ بونا بندہ نئیلہسین؟

۔ بیزکہ اولمہلی دگیلیک!

۔ آلتیمیزین پالازینیدا چکیب آپاردیز۔ داہا بیزدن نہ ایستیر۔

سیر؟

۔ یوخدور، یوخ! یوخدان نہ وئرهک؟ دئیہ، ہرطرفدن
 اوجالان سسلردن حد تلنمیش مباشر بورنونیئردن قالدیردی۔ سرت ایت
 کیمی، یانلارینی قاپاراق،

۔ هامیز آجیزدان اولون، قیریلین! منہ نہ؟ من آغانین حقینی
 آلاجاغام! دئییب، سوزونو قورتارما میش، قارشیق بیر حالدا اوجالان
 سسلرین آراسیندا،

۔ اکندہ یوخ، بیچندہ یوخ، یئیندہ اور تاق قارداش! یوخدان

نہ وئرهک؟

— خیر آغا ! بونلار دئیر ، ارکک سنده دوغ، دیشیسنده دوغ !

— گونون — برگونو ائویمده بیر تیکه چورهم یوخدور .

— یوخدان آلله دا بئزاردی .

— یوخدور ، یوخ ! یوخ نه اولدوغونو آنلایرسانمی ؟

دئییه ، هر طرفدن یاغدی — ریلان اعتراضلاری — ایچریسینده ،
همت کیشی اوزونو آرایغا آتاراق ، بیر طرفدن جماعتی ساکت
ائتمیه ، اوبیری طرفدن ، اوزوندن چیخیش مباحیرین گونلونی
آلماغا چالیشیردی .

— بیزیم سوزوموز یوخدور . آلله اربابین کولگه سینی بیزیم باشیمیزدا

اسکیک ائله مه سین . ائله بیز ایندییه کیمی اونون سایه سینده بیر تیکه
چوره ک یئمیشیک . دئییب ، یاستی — یاستی سوزونو دوام ائتدیردی —
قدرت تاب گتیره بیلمدی . سوزونو آغزیندا قویاراق ،

— نه دئمیرسن اربابین سایه سینده همیشه یازا کینچی ، قیش
دیلنچی اولموشوق . همت کیشی قدرتین سوزلرینی ائشیتسه ده ، اوزونو
اوندا قویمایب ، قانی سویوقلوقلا ،

— آغای مباشر ! دئدی ، — بونلار جواندیر ، دوشونمورلر . ائله
سن نجه بویورسان ائله ده — ائله ریک . وئرمیب نه دئییه جمیک ؟ دئدی —
مباحیرین دوز قاباغیندا ، الینده کی دمه نه سوکه نیب دوران احمد دایی
بوغونوق ، یوغون بیر سسله ،

— سن وئره رسن . توخون آجدان نه خبری ؟ . . . دئییه ، همت

کیشینین سوزونو کسدی . سسلر کسيلمیردی .

— هئج بیر شئی وئره بیلمه ریک !

— بیزه نه وئرمیسیز ، آلا بیلیمیرسیز ؟

— پیشگی دارا قیسنا سان ، قاییدار اوزونو جیرار . بو سوزودئینده

احمد دایی ایدی . اونون سوزلری مباشری آلیشدیردی . اوزونو ساخلایا بیللمه —
یب الینده کی شاللاغی هوادا اویناد اراق ،

— گل اوزومو جیر گوروم ، نجه جیریرسان ؟ ! دئییب ، قوجانی —
کله سیندن اندیردی . کیشی گیجه لیب ، یئره یخیلدی . اونسوزدا جما —
عین صبری توکنمیشدی .

— اده نه دورموسوز ؟ !

— وورون بو آنلامازی ! دئین کیمی ، هامی حرکتی گلدی . مباشری
دویه — دویه قووب کندن چیخارتدیلار . خرمنه یغیلیمیش تاخیل — لاری
اؤلرینه داشیدیلار . البتده ، کند لیلر بیلیردیلرکه ، " قانونسوز " ایش
گورورلر . بو عمل لری مکافاتسیز قالمیاجاق . آنجاق ، چاره لری یوخ ایدی .
اگر خرمنه یغیلیمیش بو آرزو محصولالدن وئرسه لر ، ایندیدن آجلیق و
یخسوللوق ایله اله — یاخا اولمالی ایدیلر . انسان هر چتینلییه دوزه
بیلسمده ، اوشاغینین آجلیغینا دوزه بیلمز .

قد رتین چنگیز خانلا اوز — اوزه گلمیمی

دان یئری یئنیجه سوکولوردو . قدرت یوخودان آیلدی . گوزلرینی
اروشدوروب ، ساغ — سولونا باخدی . لاله نین یئری بوش ایدی . او ، ها —
بدان تنزدوروب اینگی ساغار ، اوجاغی قالار ایدی . آنجاق ، سکزیاشلی
قیزی مارال ایله اوندورت آیلیق اوغلو عیوض هله یاتیردی . او دالغین
باخیشلارلا اونلاری سوزدو . عیوضین اوستو آچیلیمیشدی . کنار آخیمیش
یورغانی آستاجا اونون اوستونه چکدی . اگیلب یاوا شجادان دوداقلارینی
اونون گول رنگینه بنزمین اوزونه یاپیشدیردی . دیزی اوسته اوتور اراق ، اونلارا
ناشا ائتمیه باشلادی . سانکه ، او ، بوگناهسیز فرشته لرین گله جگینی
، وشنوردو . درین بیر آه چکره ک ، آرخاسی اوسته یئرینه اوزان — دی .

بدەنەندە بىر سويۇق كىزىلتى حسائتى . گۈزلىرىنى اوطاغىن تاوانىندە
صىراايله دوزولموش چىپلاق دىرەكلەرە ذىللەدى . كئچن گۈن خرمندە باش
وئرمىش حادىثە بىر آندا گۈزۈنۈن اۋنۈندن كئچدى . او ، ايلان چالمىش
آدام كىمى ، بىردن يئرىندن سىچرادى .

— يۈخ ! بوبارەدە فكرائتمىه جگم . ھرنە اولاجاق ، قۈى اولسون .
دئىب ، پالتارلارنى كئىدى . قەرتىن وار — دولت آدىنا چى كرىچىدن
دوزلمىش ايكى اوطاقلى كىچىك بىر حىطى وار ايدى . بو اوطاقلار بىر بىرىندە
اۋزۈ اولور ، اوبىرىندە ايسە ، بىراىنك و اوچ باش كئچى سىنى ساخلاىردى
او ، داىانمادان اىنگى ناخىرا قاتدى . كئچىلرىدە دوشە اۋتوردۇ . لالە
خانم ھلە دۈندۈن ائۈدە چۈرەك پىشىرمىھە اون اولمادىغىنى ائشىتدىر —
مىشدى . تىزە بوغدادان كىسەھە دۈلدۈرۈپ ، چىگىنە آتدى . اۋزۈنۈ كندىن
شمالىندا اولان ياخىن دگىرمانا يئتىردى . شارىلتى ايله آخىب گۈزلىرىنى
دۈلدۈران سۈيۈن گۈجۈقارشىسىندا تاب كئىرە بىلمەپ ، سىرەتلە فىرلانان
ايرى چىخ اۋز گۈجۈنۈن آغىر دگىرمان داشىنا گۈستىرەك ، اونۇ رقصە مجبور
اىدىردى . داشدا آجىغىنى آستا — آستا بوغازىنا تۈكۈلن دىلرە تۈكۈپ ،
گۈرۈلتۈ قوپارپ ، تىلاشلا ازىپ يۈمۈشاق اونا دۈندۈرپ ، ائشىيە وئىپ تۈز —
دۈمان قالدىرىردى . ائلەبىل كە ، دگىرمانا يىغىلانلار بىر دىنى بىلىر ، تئز
يولا سالماغا جان آتىردى . گۈن اورتا چاغى قەرتىن نوبتى چاتدى . او ،
دەننى دگىرمانىن بوغازىنا تۈكمۈشدۇ . چىخان اونۇ اۋز كىسە سىنە دۈلد —
وزوردۇ . بىردن ائشىكە سس — كۈى قوپدۇ .

— گلدىلر داغىتدىلار ! ۰۰۰ ووردولار ! ۰۰۰ ارباب ، امنىھ سۈزلى
دالغالا نارا ، دىرمان داشلار بىن خاىرلىتىسى — گۈرۈلتۈسۈ اىچرىسىندە
ايتىردى . قەرت ايسە اۋز ايشىندە ايدى . گۈنەشىن قارشىسىنى ھردەن
دۈتۈپ ، اۋتن سئىرەك بولۇدلا ركىمى ، قاپىدان اىچرى دۈشن ايشىغىن

قاباغی د الیادال د وتولوب آچیلماغی قدرتین نظرینی جلب ائندی . او ،
 باشینی قالدیریپ باخاندا ، بیر نچه نفرین آراسیندا قیزی مارالی گوردو .
 او . هونگورتوایله آغلایردی . قاچا — قاچا گلدیگیندن ، آلتیندان آخان
 تر دانهلری گوز یاشینا قاریشمیشدی . قدرت الینده کی کورهیی یئره آتیپ ،
 تئز قیزا د وغروپوگوردو .

— نهوار ، نیه آغلایرسان؟! مارال آراسی کسيلمهین ایشقیریقلا ر
 ایچریسینده ،

— امنیهلر توکولوب ائویمیزی داغیتدیلار . آنامی ووردولار . تا —
 خیلاریمیزی یغیب آپاردیلار . دئدیکه ، غافل ضربه دن گیجه لن آداملار
 کیمی ، قدرتین گوزلرینه قارانیلق چوکیدو . دیزی اوسته چوکرهک ، مارالی
 قوجاقلایب ، باشینی کوگسونه سیخدی . یاناغیندان اوپهرهک ، دوتغون
 سله ،

— آغلاما ! . . . دئدی . من بیلیردیم جانا واردان مرحمت اوماق
 اولماز . دئییب ، آیاغا دوردو . اوزونده آجی بیر تبسم قیملداندی . اویو —
 تمکه اولدوغو دهنی دهرمانچیا تابشیردی . مارالین الیندن دوتسوب
 اوردان چیخدی . ایری — اوپرو ، داشلی ، دارکوچه لردن کئچیپ ، کسمه
 یول ایله اوزونو میدانا یئتیردی . آرواد — اوشاق قاریشقلی ، جماعت
 مسجدین قاباغینا توپلانمیشدی . ارباب کوکره میش آت کیمی ، بورن —
 یئلنمیشدی . گرده نینی شوش دوتاراق ، هامینی هده له میر ، تهدید ائد —
 یردی . نوکرلر ایله امنیهلر هله ده ائولره سوخولوب ، آرواد — اوشاقلارلا
 البه — یاخا اول — اول ، تاخیللاری چکیب مسجدین قاباغینا توکوردولر .
 اوناقلار قورخودان آغلاشیر ، ایتلر هوروشور ، کند ی وحشت بوروموشدو .
 بو حال ، حرج — مرجلیک د ورونده کی قولدور د سته لرینین کده باسغینینی
 یادا سالیردی . اوزلرده غضب ، گوزلرده نفرت شعله چکیر ، هامینین دیشی

باغارساغینی کسیردی . علاجلاری اولسا ، اربابی باشیندا کیلارلا ، دیدیب
پارچالاردیلار . آنجاق ، نهائده بیلردیلر ؟ امنیهلر دولت نمایند -
هسی ایدی . دولته طرف اولماق ساده بیر ایش دگیل ایدی . بوآرالیقد ا
همت کیشی دوشونوقاباغا وئریب ،

— جانم ! من دئیرم گمیده اوتوروب ، گمیچی ایله دعوا ائتمک اولماز .
دیئرلر ، اولار . بویورون ! ایندی قدرت قوی گلیب جوابلارینی وئرسین .
دئییب ، چوبوغونو تنبکی ایله دولدوردو . اود ووروب درین بیر نفس آلدی .
ائله بوآندا آرخادان ،

— یالتاق ! دئییه ، بیر سس ائشیدیلدی . بو قدرتین سهسی ایدی .
هر سوز یئرینده ، ایشله دیلسه ، دهیرلی اولار . بو سوزده ایته دهمیش بیر
کوسووه اوخشادی .

قدرت اوتوز ایکی یاشیندا ، اورتا بویلو ، انلی کورهک ، قارا بنیز ،
خوش اخلاق بیر آدام ایدی . همیشه اوز — گوزونده تبسم اویناردی .
اونونلا اوز — اوزه گلن نه قدر دوتغون و یا عصبانی اولسادا ، ایستر —
ایسته مزدو اقلاری قییلدار ، اوزو گولردی . آنجاق ، باش وئرمیش بو
حادثه اونو بوسبوتون عوض ائتمیشدی . قاشلاری چاتیلیمیش ، گوزلری
قورخونج بیر حال آلمیشدی . پالتارینا ، اوزونه و پوزغون تئللرینه چوکموش
د میرمان توزو ، اونو اوزاق سفردن ترمجه یئتیشمیش بیر آداما ، داهـا
دوغروسو ، بیرده یرمانچییا اوخشادی . آغیر آد دیملارلا اربابا دوغـرو
ایره لیلهدی . اوزوند من چیخمیش ارباب ، آغزی کوپوکلمیه — کوپوکلمیه داش
دگمیش دونوز کیمی د ونقولدانیردی . او ، قدرته اوز — اوز گلدیکده بیردن
دایاندی . قیزارمیش ایری ، چیخیخ گوزلرینی اونا زیللهدی . قالین ، اتلی
دود اقلاری دائرهوی بیر شکل آلدی .

سانکه ، بو تصادف اونونچون گوزله نیلمز ایدی . نطق کیلیمیشدی .

گوزلری باخسادا ، خیالی اوزاقلاردا سئیر ائتدیگی آیدین گورونوردو . او ،
 اشتباه ائتمیردی . دوداقلاری ترپندی . ائشیدیلمز بیر حالدا ،
 — اودور ، اوزودور . . . دئدی . او ، اون ایل بوندان قاباق
 قدرته اوز — اوزه گلیمشدی . انسان حیاتیندا چوخ حادثه لرله قارشیلان
 بیلر . لکن ، وقت گئچدیکجه یاواش — یاواش یاددان چیخاردار ، اونون
 آنجاق ، اربابلا — قدرتین آراسیندا باش وئرمیش اتفاق اونونچون اونو —
 دولماز خاطره لر دن ایدی . اوگوندن دوز اون ایل کیچیردی . بوقارشیلان
 اونون آجی خاطره سینى تمام وحشتیله گوزونون اونونده جانلاندیردی .

ایلك گوروش

۱۳۱۷ — نجی ایلین یایی ایدی . چنگیز خان اوز عائله سی ایله
 کند ، یایلاغا گلیمشدی . کند لیلرینه قوناق ایدی . هر گون اوچ ائو نوبه
 ایله آغانین ائوینه لازم اولان : تویوق ، جوجه ، یومورتا ، بال ، کره ، ات و الا . . .
 هر نه یه احتیاجلاری اولسایئتیرهر اربابی راضی سالماغا چالیشاردیلار .
 آغا اوزونو مشغول ائتمک اوچون ، چوخ وقتلرینی اووا چیخماقلا کئچیره دی .
 بعضا ده ، یئیپ هارینلامیش آت کیمی ، کندین آراسیندا قدم ووراراق ،
 گوزلر سئیرینه چیخاردی . اونون شور گوزلولویونو هامی بیلیردی . کندین
 گوزلری همیشه اوزلرینی اوندان قورویاردیلار .

بیر گون آخشام چاغی او ، خلوت کوچه لر دن ، یاشیل آغا جلارین
 کولگه سی آلتیندان ، الینده سیغارقدم وورا — وورا ، اوز-اوزونه میزید —
 انیر ، هر دنده بیر فشقراق چالماقلا ، قوشلارین جه — جه هینه جواب
 وئرمک ایستمیردی . غفلتا ، جوان بیر قیز اونون قاباغینا چیخدی . ارباب
 گوزلرینی اونا زیلله دی . ائله بیل که ، اونو اووسونلایا جاغیدی . قیز اربابین
 بو اداسیندان دوتولدو . باشینی آشاغا سالیب ، اونون یانیندان اوتدو .

او، قیرمیزی گوللو چیتدن تزه بیر بلوز و تومان گئیمیشدی. قارا، هورمه ساچلاری ایلان کیمی، کورمیندن آشاغی سالانیردی. یاناقلاری پاییز آلماسی کیمی، آل قیرمیزی، قاشلاری قارا، گوزلری آلا، باخیشلاری جان آلان، دوداقلاری تزه آچیلیمیش قیزیل گول غنچهسی کیمی لطیف و گوزل ایدی. قیز اؤز گوزللیگی ایله اربابی اووسونلامیشدی.

— به به! دئییه، یئرینده جه قورویوب قالمیشدی. کللیک یئریشیله اوندان اوزاقلاشماقدا اولان دلبرین دالینجا باخیردی. قیز دونگه‌نی دوندو. بو حالدا ائله بیل که، "نیه دورموسان احمق؟!" دئییه، اربابی دوسوکلهدیلر. او، تلقین اولونموش آدم کیمی، اراده‌سیز بیر حالدا، قیزین دالینجا دوشدو. قیز آرخاسینا باخمادان، کندین شرق طرفینه دوغرو گئدیردی. گونش اوزونو اوجا داغلاریسن دالینا یئتیرمه‌یه جان آتیردی. گوی اوزونده سئیره‌ک بولودلار اوچو شور، سرچه‌لر بو داقدان — بو داغا سیچرایاراق، جیک — جیکلرینی اوجالدير، آرابیر اؤتمکده اولان آلاقار — غالار، قارپلدا اشاراق، سانکه بیر طوفاندان خبر وئرمک ایستهمیردی‌لز قیز ایسه، اؤز هدفینه دوغرو قاناد چالان آزاد بیر قوش کیمی اوچوردو. نهایت، کند دهن چیخدی.

ارباب ماهر بیر اووچو کیمی، اوزاووونو گوزدن قویموردو. کولگه کیمی اونون دالینجا سورونوردو. کندین شرق طرفینده دوشموش اوزون بیردره وارایدی. قالین، سیخ آغاجلیغی بورانی مئشمیه بنزه‌دیردی. دره‌نین تکیندن آخیب گئدهن سویون شارپلتنسی داغ — درمیه سس سالمیشدی. قیز درمیه اندی. اربابین حریص گوزلری ایشیق‌لاندی. مقصدینه چاتماقدا اولان بیر آدم کیمی، آغزی آچیلیمیش، گوزلری گولور، اورمی شدتله دویو-نوردو. هردن بیریان — یوره‌سینه باخیر، احتیاطینیدا الدن وئرمیردی. — آله یاخشی یئتیریب. دئییه، هردن دوداقلارینی یالاییب،

دیشلرینی ایتیدیردی . قیز اوزونو د رهنین د وشوندن چیخان سرین بولا —
 غین باشینا یئتیردی . سوپود آغاجی اوز یاشیل ساچاقلارینی بولاغین —
 اوزرینه سالمیشدی . گوزلرینی دولا ندیریب ، یان — یوره سینه باخدی . صونرا ،
 بولاغین باشیندا اوتوروب ال — اوزونو یودو . اووونو د ولد وروب ، سو
 ایچدی . بوفرصدن استفاده ائدن ارباب ، اوزونو اونا یئتیردی . آلیجی
 قوش کیمی ، قیزین باشینین اوستونو آلدی . لاله اللرینی اتگیله قورولویورکن
 گوزلری دورو بولا ق سوپوندا بیر هیکله دوشدو . اول ائله بیلدی که اودور ،
 اوز نشانلیسیدیر . دقتله باخدیقدا ، قورخموش بیر حالدا یئریندن
 سیچرادی . ارباب دیشلرینی آغاردا — آغاردا دیاندی . قیزین قورخد —
 وغونو گورد وکده ،

— قورخما ، جیرانیم ! منم . دئییه ، اونا طرف آد دیملادی . لاله
 اوزونو ایتیرمیشدی . نه ائده جگینی بیلیمیردی . اوزونو قورتولماز بیر تلهده
 گورد وکده ، دیلی دولاشا — دولاشا ،

— ارباب ، ارباب ! نه ایستهیرسن ؟ !

— نه ایستیه جگم ، سنی ایستهیرم . بیر باخیشدا عقلیمی باشیمدا
 آلدین . منی دیوانه ائتدین . دئییه ، احتیاط و قیسا آد دیملارلا قیزا
 دغرو ایره لیلهدی . قیرغی کیمی ، اونون اوستونو آلمیشدی . قیز اللرینی
 قاپاقدا قالخان ائده رک ، او یاخینلاشدیقجا ، گئری چکیلیردی . اربابین
 قارا فکرینی آنلامیشدی . بیردن سیچرایب ، قاجماق ایستدی . آنجاق ،
 گنج ایدی . ارباب بیر سیچرایشدا اونو قارمالادی . لاله تورا دوشمشوش
 جیران کیمی چابالایر ، ال — قول آتیر ، یالواریردی . شهوت احتراصیله
 قانی جوشماقدا اولان ارباب ، یرتیجی بیر جاناوارا دوشموشدو . قیزی سینه
 سینه سیخاراق ، قالین اتلی دوداقلارینی اونون بوخاغینا یاپیشدیردی .
 لاله وار گوجو ایله ،

— قدرت! ۰۰۰ دئیه، باغیردی. ۰ اونون نه هارای — دادینیننده

تلاشینین ارباب اوچون تاثیر یوخ ایدی. ۰ بو آندا اونون گوزلری قیزمیشدی. فقط، اوز آتشین سوندورمک، کام آلماق ایستیردی. ۰ قیز ایسه، وارگوجو ایله اونون اوز — گوزونو جیریر، سیللهلایب، الیندن قورتارماغا جان آتیر. دی. ۰ لاله‌نین مقاومتی اوزون سورمادی. ۰ ارباب بیر پهلوان کیمی، قیزی — قوللارینی دالیندا بند ائدیپ قوش کیمی گوتوروب یئر قویدو. ۰ قیز بیرده،

— قدرت! ۰۰۰ دئیه، سسلدی. ۰ یئننده اوزوندن دفاع ائتمیه

چالیشیردی. ۰ آنجاق، قوه‌سی توکنمیشدی. ۰ امیدسیزلیک هیولا کیمی، اورهینه چوكموشدو. ۰ گوزلری قارالیر، باشی گیجه‌لیر، ال — قولو سوسدا — لیردی. ۰ بو آندا اربابا دمین دوتارلی بیر یومروق صحنه‌نی دگیشدی. ۰ لاله نین ایلک فریادی قدرتین قولاغینا چاتمیشدی. ۰ قاچا — قاچا اوزونو اونون هاراینا یئتیرمیشدی.

بولاغین باشی لاله ایله قدرتین گوروش و راز نیاز یئری ایدی. ۰ بو گونده لاله اونا گوره گلیمیشدی. ۰ قدرتین ووردوغو یومروق اربابی گیجلمیشدی. ۰ قیزی غافلگیر ائدیگی کیمی، اوزوده تلمیه دوشدو یونو دویو. ۰ لاله چالاغان پنجه‌سیندن قورتارمیش جوجه کیمی، ایدی. ۰ تئز سیچرایب دوردو. ۰ بدنی تیتیرمیر، گوزلری نین یاشی، یاز یاغیشی کیمی توکولوردو. ۰ ارباب اوزونو دوغرولدوب، دوردو. ۰ اوز خطاسینی آنلاسادا، بیر رعیت قارشیسیندا اوزونو سیندیرماق عارینا گلدی. ۰ قابارمیش بیر حالدا، دوروب قدرتینن قاباغیندا دیکلدی.

— منی وورورسان، احق! دئیه، قدرته بیر سیلله ووردو. ۰ قدر —

تین گوزلری قیزارمیش، قان بئینینه وورموشدو. ۰ اگر بیر آزدا گنجیکسه، ناموسو لکه‌لنمکده اولان آرزو و امیدلری، سولاجاق، لعنت دامغاسی همیشه‌لیک اولاراق آنینا یاپیشاجاق ایدی. ۰ اوندان صونرا او،

آدام ایچینه چیخا بیلردیمی ؟ یاشایشین ، اونون اوچون نه معناسی اولما
بیلردی ؟ ناموس لکەسینی نه ایله یویا بیلردی ؟ قدرت یارالانمیش قاپلان
کیمی ، مغرور آد دیملارلا اربابین قاباغیندا دایاندی .

— ارباب ، رعیتین آغاسی ، آتاسی ، سروریدیر . احترامی عزیزدیر .
آنجا ، باشقاسینین ناموسونا ال آتسا ، اولومو واجیب دیر . دئییب ، اونونلا
البه یاخا اولدو . بیری نازایله بویوموش ، یئیب یایلانمیش قوی هیکل ،
قاباغیندا ان یئممین . اوبیری ، بدنی ایشده برکیمیش ، الی قابارلی ، پولاد
قوللو بیر جوان ایدی . دوشدولر بیر — بیرینین جانینا . لاله ایسه ، صو —
نسوز بیر هیجان و اورهك چیرپینتیسی ایله ایکی قوچون دویوشونه تماشا
ائدیر ، آلاها یالواریردی . اونلارین ووروشو چوخ اوزون چکمدی . ارباب
یاواش — یاواش لهلهمهیه باشلادی . قدرتین ضربه لرینین قاباغیندا
قاجماقدا ، اونا آغیر گلیردی . وار قوه سینی توپلایب ، قدرتین اوزرینه
شیغیددی . آنجا ، بو دفعه قدرتن یئدیگی ضربه اونو سوسدالتدی .
باشی گجه لرهك ، یئره سریلدی . قدرت خشم ایله یئردن ایری بیر داش
قالدیردی . ارباب گوزلرینی آچمیشدی . آنجا ، دورماغا ، اوزوندن دفاع
ائتمیه قدرتی یوخ ایدی . او ، داشی هوادا ، قدرتین الینده گوردو کده
اولومونو گوزونون قاباغینا گتیردی . اللرینی بیر آزیوخاری قالدیراراق ، یا —
لوارماغا باشلادی .

— منی اولدورمه ، آماندیر ! آنلامامیشام ، غلط ائله میشم . ایگید
باسدیغینی کسمز . دئییب ، امید سیز بیر حالدا گوزلرینی یومدو . او ،
اوزوندن گئتمیشدی . بوآندا لاله نینده

— آماندیر ! اولدورمه ! دئییه ، اوجالان سسیندن ، داش بییر
آلیغا قدرتین اللری آراسیندا قالدی . ائله بیل قوللارینی دوتدولار .
دئییه سن ، ” ایگید باسدیغینی کسمز . ” سوزلری ایله لاله نین سسی اوزجادو

ند رتینی گوسترمیشدی . اوزونه مسلط اولدو . بوجنایتین صونو ایلدیریم
 سرعتیله خاطریندن کئچدی . خشم ایله گویه قالدیردیغی داشی اربابین
 باشی اوستوندن اوطرفه آتدی . بونو عقل اونا حکم ائتمیشدی . اللرینی
 بئلبنه ووراراق ، بیر فاتح کیمی ، لاله‌نین یانینا گلدی . اونو قوجوب ، گوز-
 لرینین یاشینی سیلدی . هرایکیسی سرعتله اوردان اوزاقلاشدی .

ارباب گوزلرینی آچدی . ترپنمک ایستدیکده ، یئدیگی ضربه‌لردن .
 ازیلمیش بدن سیزیلدادی . قارانلیق چوکموشدو . قورباغالارین قورولتوسو،
 جیر-جیر امالارین آراسی کسيلمیهن یوروجو ماهنیلاری آخشامین سکوتینی
 پوزوردو . اوغور سوزلوقلاری یوخو کیمی . خیالیندن کئچدی . قدرت داشی
 هوادان ، اونون کلله‌سینه چیرپماق ایستدیگی گوزونون اؤنونده جانلاندی .
 داش کلله‌سینه دگسه داغیلمالی ایدی . بس نجه اولوب که ، دیری قالیب؟
 دئییه ، بیر آز فکره گئتدی . اوزونو یغیشدیرب ، یانینداکی آغاچا سوکندی .
 قورخا - قورخا الینی باشینا چکدی . باشی سلامت ایدی .

- گورونور که ، معجزه اولوب . دئییه اؤز ساغلیغینا سؤیندی .
 دوروب اوزونو بولاغین باشینا سالدی . ال - اوزونو یویورکن ، گوزونون
 آلتیندا شیش حس ائتدی . بیر آز سواچیب ، حالا گلدی . بیر کندلی
 اوغلونون سر رعیتین قاراشیسیندا بئله بیابرجاسینا سینماغی اونون روحینی
 ازیمیش ، منلیگینی ، غرورینی اورتادان آپارمیشدی . سولک بیر ایت قدر
 کیچیلتمیشدی . دوشوندو که اوزونو حقیر ، کیچیک حس ائدیردی . او ، اؤز
 رعیتینه یالوارمیش ، آمان ایسته‌میشدی . دره‌نین قارانلیغیندا ، باشینی
 قالدیریب اطرافینا باخدی . اونا ائله گلیردی که ، هر طرفدن اونو هایا
 باسیب ، آغیز اگیر ناموس اوغروسو ! " دئییه ، هده‌له‌میرلر . او ، روحی بیر
 بهرانا دوتولموشدو . ده‌لی کیمی ، یئریندن دوردو . ایری آدیم‌لارلا
 اوردان اوزاقلاشدی . گنجه ایله شهره یوللاندی . هئچ کس بو حادثه‌دن

بیر شئی بیلمدی . چونکه ، هر ایکی طرفین مصلحتیده بوندا ایدی . بو
بیر سر اولاراق ، چنگیز خانلا ، قدرتین آراسیندا قالدی . بو حادثه دن
صونرا ، ارباب اوزو بوکنده آز — آز گلهر ، قدرته اونون گوزونه گورونمز ،
اوندان کنار گزردی .

قدرتین دوتولماغی

بویله لیکله ، ارباب — قدرته اوز — اوزه گلدیکده ، نه اوچون
حیرت و وحشت اونا اوز وئردیگی ، بوتون وجودینی سارستدیغینی آنلاماق
چنین دگیل . قدرت مبارز خوروز کیمی ، بیردن اونون قاباغیندا دیکلمیی ،
چنگیز خانین کهنه یارالارینی تزهله میشدی . اونا ائله گلیردی که ، ایندیجه
قدرت هجوم ائده رک ، اونو دیدیب — پارچالایاجاق دیر . دوره سینی
آلمیش امنیهلری بئله اونوتموشدو . بیردن اوزونه گلدی . امنیهلره دونه رک ،
غضبله ،

— نه دورموسوز ؟! دوتون بونو ! دئییه ، باغیردی . امنیهلر جلد
دوتوب قدرتین قوللارینی باغلادیلار . ارباب دوشونوقاباغا وئره رک ، اونا
دوغرو ایره لیلهدی .

— ایندی سوزونو دئی . اربابین بورتاری جماعته عجیب گلسه ده ، قدرت
اوچون گوزله نیلمز دگیل ایدی . اربابین الینده اسیر اولسادا ، اوز وقارینی ،
غرورینی حفظ ائتمکده ایدی . جدی باخیشلارینی چنگیز خانین گوزلریندن
آیرمیردی .

— دئیرم ، " ایگید باسدیغینی کسمز ! " قدرتین بو سوزو زهرلی
پیچاق کیمی ، اربابا دگدی .

— من که سنین جانینی آلمیرام ، حقیقی ایسته یرم .
— سن بو آز محصولو بیزدن آلاقلار . بیر تک منیم یوخ ، بوتون

کندین جانینی آلیرسان .

— من اوز حقیمدن کچمه رم .

— انصاف ائت ! بو دیاردان قاجاق دوشدویون گونلری یادینا

سال .

قدرتین بو سوزلری ۱۳۲۴ — د ونجو ایل ایگیرمی بیرى آذر انقلا —

بينا اشاره ایدی . غصبکارلارین غارت و تالانلاریندان، اربابلارین ظلموندن،

ژاندارملارین شاللاغیندان جانان د ویموش خلق ، عصیان ائده رک ، ظلم —

ستمه صون قوید و . چنگیز خانلار ، غارتگرلر باش گوتوروب قاجمیشدی یلار .

تمام بیر ایل خلق آزاد نفس آلدی . اوزو- اوز ائوینین آغاسی اولدو . آزادلیق

گولشنینین چیچکلری آجیب ، اوز عطریله اولکهنی بورودویو زمان غصبکارلار

یئنیدن باسغین ائدیپ ، آزادلیغی بوغدولار . چنگیز خانلاریئنه گئری

دوندولر . آج قورت کیمی ، خلقین جانینا دوشدولر . نمونه سی گوزوموزون

قاباغیندا دیر .

قدرت سوزونه دوام ائده رک ،

— بوایل گوردویوز کیمی ، قوراخلیق اولدو ، بیتمدی . گلن ایل

عوضینی وئره رک . دئدیکی زمان ، مباشر اگیلیب اربابین قولاغینا ،

— قربان ! هامینی یولدان چیخاردان ائله بودور . دئیسه ،

پیچیلدادی .

— بس بئله ! . . . دئیپ ، امنیهره — آپارین بونو ! دئدی .

امنیهرلریکی طرفدن اونون قوللاریندان دوتوب آپارماق ایستدیکده ، قدرت

بوتون قوه سینی توپلاپ ، امنیهرلری کنارآتدی .

— اونوتماکه ، قودورغانلیغین ، ظلمونده بیرصونو وار ! دئیپ ،

چنگیزخان د وغروایره لیلهدی . سانکه ، بوساده لیکله امنیهره تسلیم اولوب ،

قوللارینین باغلانماغینا پشیمان اولموشدو . آنجاق ، گئج ایدی . امنیهر

اونو قارمالايب زندان عوضينه تعين اولونموش كيچيك بير تولميه سالد ييلار .
 قانونسوزلوق — بودور دره بگليك دورونون حكمو . قانون اربا بلارين
 اراديسي ، امنيه لرین شاللاغيدير . ايستديكلري كيمي ، ائولره سوخولوب ،
 تالاسينلار . دويوب ، سويوب ، تحقير ائتسينلر . باشقاسينين ناموسونا ال
 آتسينلار . بوتون بويارامازليقلاري اوچون ، هئچ كس اونلاردان حساب
 ايستميه جكدير . نه وقت بونلارا صون قويولا جاقدير ؟ ! . . .

لالسه

دان يئري سوكولوردو . خوروزلار اوز آوازيله ياتانلارا سحر مژده —
 سيني وئيردiler . آرابير جان اوار هجوملاريني سووموش كوپكلرين هوسله سيز ،
 يورغون هوروشلري ائشيد يليردى . سحريئلى خزان وورموش ياپراقلاري بو
 داقلاردان قوپار اراق ، يئره سريردى . كندين كناري ايله آخيپ گئدن سو ،
 اوزونو چاي داشلارينا ، چالا چوخورا چيرياراق ، اوزونه مخصوص بير آهنگ
 ياراديردى . ياتميش كند ايسه ، ياواش — ياواش يوخودان اويانيردى .
 شهره دغرو اوزانان اگري — اويرو يولدا بير قارالتى گورونوردو . او ،
 لاله ايدى . قدرت زندانا دوشندن صونرا ، لاله نين گونو قارا اولموشدو . او ،
 عمرونده ايلك دفعه آيريليق اودونا دوشموشدو . بو آيريليق اونو شمع كيمي
 اريديردى . بيلميردى دولا نيشيق فكرينده اولسون يوخسا ، قدرتين د ردينى
 چكسين . هر اوج هفته ده ، آيدا بير دفعه شهره — زندانا ، قدرتين
 گوروشونه گئديردى . ايلك دفعه او ، يولا — ايزه بلد اولما ديغيندان ،
 قدرتين دايسى صفر كيشي ايله گئتميشدى . جمعه گونلري گوروشه اجازه
 وئريلديگي اوچون ، بو دفعه عيوضيده دالينا چاليب ، گوروش اميديله يولا
 دوشدو . ساغ الينده سالالا — سالالا ياپارديغي دستمالدا بيرنجه ياغلى
 چورهك ، يومورتا و سوزمه وار ايدى . يول اوزونو اوز — اوزونه دانيشير ، بضاده ،

شام یانار یاغدا اریر ، قار یاغار داغدا اریر ،
 من دوشن درد ه دوشسه ، موم اولایاغدا اریر ،
 بو کیمی یانغیلی بایاتیلاردان اوخویوب ، آغلیر ، گوز یاشینی توکمکه
 اورمینین آلووونو سوند ورورد و . ساعت اونا یاخین یورغون ، ازگین بییر
 حالدا زندانین قاپیسینا چاتدی . قدرته گوروش اوچون آدینی یازدیرب ،
 بیر کناردا دیوارین دیبینه چکیلیب ، الینده کی دستمالی یئره قویبدو .
 عیوضی دالیندان آچدی . یولون ناراحتلیغیندان اوشاق ازیمیشدی .
 اونی نوازش ائده رک اوخشاماغا — ایندیجه دهن گلهجک . دئییب ، اونی
 اوپه — اوپه یئره قوید و . اوزوده یانیندا اوتوروب گوزله ممیه باشلادی . نهایت
 ” قدرتین آدمی ” دئییه ، اونی سسلدیلر .

قدرت ایکی آیایدی که اوشاقلاریندان آیری دوشموشد و . لاله ایله
 عیوضی گورد و کده ، اورهی کوورلدی ، عیوضی قوجاغینا آلیب ، باغرینا باسدی
 دونه — دونه اوپدو .

قدرتین رنگی آغارمیش ، گوزلری بیر آز چوخورا دوشموش ایدی .
 لاله نین اوره کدن ، هونگورتو ایله آغلاماگی ، گوروشه گلنلریده متأثر ائتمیش
 ایدی . قدرت اونا توخداقلیق وئره رک ،

— آغلاما ، آغلاما ! مگر نه اولوب ؟ ایش آدام باشینا گلهر . اوزو —
 ندن ، اوشاقلاردان دانیش . آغلاما ! دئییه ، اونا تسلی وئریب ، اورهینی
 توخدا تماغا چالیشیردی . اونلار آزدا اولسا ، درد له شه بیلدیلر . لاله
 صحبت آراسی ،

— منه دئیرلر ، گئت اربابین قاپیسینا . دوش آیاقلارینا ، یالوار .
 بلکه ، رحمه گلیب قدرتی بورا خدیرا . دئدی که ، قدرت بیردن آلیندی .
 دوتغون یاز بولود و کیمی ، گورولد ایاراق ،

— یوخ ، یوخ ! . . . سن غلط ائدرسن ! اونون قاپیسینا گئدرسن !

من بوتون عمرومو زنداندا قالا رام . آنجاق ، سن اونون قاپسینا گئتمینه
 دوزه بیلرم . هیجانلا اضافه ائدی . — آنلایرسانمی نه دئیرم ؟ ! لاله
 اونون داریلدیغینی گورد وکده ، اوز دئدیگینه پشیمان اولدو . باشینسی
 آشاغا سالیب ، دها دینمدی . اونون اوزو ، گوزلری ، دوداقلاری بئله ،
 قلبیندهکی کدردن دانیشیردی . قدرت تنز یومشالیدی . یاخشی یلیردی که ،
 او هر نه ائتسه ، قدرتین خاطرینه ائتمک ایستهیر .

— داریخما ! ائوده هر نه وارسات . قویما اوشاقلار کورلوق چکسین .
 آله کریمدیر . دئدی . وقت تمام اولموشدو . کئشیکچینین ،
 — وقت تمام اولدو ، قورتارین ! دئییه ، سهسی اوجالیدی . قدرت
 ائوده ایکن ، عیوضه چوخ محبت ائدهردی . اونونلا اوینار ، آتیب — دوتار ،
 سئوهر ، ساعتلرله اونو اگلندیرهردی . قدرت زندانا دوشندن صورنا ، بیر
 مدت اونون شیلتاقلیغینی ائلهدی . یازیق لالهنی لاپ یوروب ، دیلدن
 سالدی . ایندی او ، گوجه آتاسینی تاپمیشدی . اوندان آیریلماق ایسته-
 میردی .

— دهده ! دئییب ، کیچیک قوللارینی اونون بوینونا سالیب ، باشینی
 برک — برک سینه سینه دایامیشدی .

اونون ، گوجلور ایل — گوجسوزلر ، مطیع لر ایل — آمیرلر آراسیندا —
 اکی اوچرومدان هله خبری یوخ ایدی . او ، نه قانون نده اوزوندن گوجلور
 بیر حاکم تانییردی . او ، اوز آتاسینی ایستمیردی . اونون سیجاق ، قوینو-
 ندا خومارلانماق ، مهر و محبتله دولو آتای قلینین دیونتوسونه قولا قاسماق
 ایستمیردی . آیریلیق وقتی چاتدی . اونو زور ایل ، آخان ذولال گوز
 یاشلاری ایل — آیردی . اونو چکیب آتاسینین قوجاغیندان آلیرکن ، آزاد —
 لیغی الیندن آلینمیش ، غروری تاپدالانمیش کیمی ، اوره کدن آغلاماغا
 باشلادی . نهایت ، دوداقلارینی بوزوب ، گوزلرینی یومدو . باشینسی

آناسینین سینه سینه سیخدی . داهای آتاسینیندا اوزونه باخمیردی . سانکه قوجاغیندان وئردیگی اوچون ، اونداندا کوسموشد و قدرت اوره‌ینده وولغان ، گوزلرینده حسرت ، اونلاردان آیریلدی .

زندانیان محیطینده

قدرت‌عمرونده برنجی دفعه زنداندا دوشد و یوندن ، ایلک گونلر زندان محیطی اونو چوخ سیخدی . قفسه سالیتمیش وحشی حیوان کیمی ، راحتلیگی ، آرامی یوخ ایدی . داریخدیغیندان ، چوخ وقت دیزلرینی قوجاقلایب اوز ایچی ، اوز دردلری ایله الله‌شردی . اونونلا بیر اوطاقد اولان محبوسلارین فکرسیز ، لاقید حرکتلری و دانیشیق‌لاری ، قهقهه‌لری اونا آجیق گله‌ردی . اوز – اوزونه ،

– ائله بیل ، بختورلری آنالاری ائله بورداجا دوغوب . دئیهر ، حسود باخیشلارلا اونلاری سوزهردی . هئج کسله دانیشمازا ، ائله بیل ، هامیدان وحشت‌اندیردی . اونا وئریلن سواللارا گونولسوز ، دیل اوجو جواب وئر-هردی . او ، زندانین آشاغی طبقه‌سینده بویوک آنجاق ، گون گورمز و طوبتلی بیر اوطاقد ایدی . بورانین پنجره عوضینه ایکی مربع شکلینده د میر بارما-قلیغی وارایدی . جرگه ایله دوشمیه سالیتمیش خلچه ، پتو ، کیلیم و سائره . . . محبوسلارین یاتاق یئرلرینی ، داهای دغروسو ، بیه‌لنمیش اولدوقلاری یئری نشان وئیردی . بوردا چهارشنبه یئمیشی کیمی ، هر جور آدم وار ایدی .

گوجلورلرین منلیگی هر یئرده اوز چیرکین صفتینی ، قابا دیشلرینی نشان وئردیگی کیمی ، زندان محیطینده داهای آرتیق اوزونو گوستره‌بیلیر لاپ یوخاری باشدا کئچل یحیا اگلشمیشدی . او ، سابقه‌لی ، کهنه بییر اغرو ایدی . گونلرینین چوخونو زنداندا کئچیردیگیندن بورا ، اونون اوچون ،

اۈز ئۆي كىمى ايدى . دوشلرېندىن آسېلىمىش مدالارىنا افتخار ائىدىن بېر قېرىمان كىمى ، اودا بدەنېندە ، قوللارېندا دويولموش خاللارىلەشېشىردى . اونون گوزوشونە گلن چوخ اولوردى . او ، كىتېرىلمىش شىلېرى هېچ وقت اۈزۈ تىك يېتمەيدى . گوزو گونلو تۈخ ، الى آچىق ، اۈزۈندىن ضعيفلەر زورگۈسترمەين ، حقيقى بېر لوطو ايدى . او ، بواوطاغىن آغصاقتالى ايدى . دورەسىنى آلمىش جوانلاردا اۈز سېلىكىندىن ايدى . اكثرا ، بونلارېن وقتلىرى قمار اوينا ماقلا كىچىردى . اويونون كىدىشىندە سويوشلر ، بىخىلر ، بەضا "دە بو - غوشما - چىرىشمالار ، داها صونرا ، كىچىل يحيانين آراچىلىغى ايلە ، اۈپۈشمە - بارىشمالارلا قورتاراردى . هېچ كىس اونلارلا گوزون اۈستە قاشىن وار . دئىە بىلمەيدى . اۈز يورغونلوقلارېنى چىخارتماق اوچون ، هردەندە بېر نىشە وئىرىجى زەرلى ماددەلردىن استفادە ائىدەردىلر .

سادە بېر جوان بونلارېن ايچىنە دوشسە ، چوخ آسانلىقلا فساد باتلاغىندا اۈزىمى اۈئىرنە بىلردى . يئردە قالانلارايىسە ، اوطاغىن آياق طرفىندە يئىرلشمىشىدىلر . بونلار اۈز گونلرېنى اضطراب ، قورخو اۈچىرىسىندە اۈز دىلرېنى بېر - بېرىنە سۈيلەمەك ويا خود سۈيلەنيلن ناغىللارلا قولاق آسماقلا كىچىرەردىلر . عمر آدىنا اۈتمەكە اولان بو آغىر گونلرى بېر - بېر يولا سالىردىلار .

اىلك گونلر قىرتىن هاميدان اولكەمى ، حدىندىن آرتىق دوزومسو - زلويو ، ساعىتلەرە دىزلرېنى قوجا قلايب ، آمازار ائىتمەي لوطولارېن نظردىقتىنى اۈزۈنە جلب ائىدى . ياۋاش - ياۋاش اونا مەلك دئىب ساتاشماغا ، شىط ظرافىلر ائىدىب گولمەيە ، داها دۈغروسو ، اۈزلرېنە تفرىح اوچون بېردىلخەبە دۈندىرمەيە باشلادىلار . شېبەسىز ، اونون قلىبىنە آغىرلىق ائىدىب سىخان غم ، كىدلىرىندىن خېرىسىز ايدىلر . اونلارېن بو - بىر كىرلىرى قىد رتە آغىر گلەندە ، سۈسۈردۈ . بوردى اۈزۈنۈ ياد ، غرىب حس ائىدىردى . جواب وئىرمىردى .

آنجا ، چاتيلميش قاشلارى ، نفرت ساچان باخيشلاريندان اورمىندى .
 كئچنلرى هامى اوخويا بيلردى . قاپينين يانيندا جا قدرته يئر وئرميشدىلر .
 اونون بويورونده اميد آدلى قارا بنيز ، اورتا بويلو ، آغير طبيعتلى ، ساغلام
 بدن و آزدانيشان بير اوغلان وار ايدى . گئيمىندن و اللرينين قاپاريندان
 كارگر اولدوغونو آنلاماق چتتين دگيل ايدى . او ، بير هفته ايدى كه ، زندانا
 دوشموشدو . آنجا نه اوچون دوتولدوغونو هئچ كس بيلمىردى . ندنسه ،
 قدرتين قانى اونا قاينادى . اوزونه هاميدان ياخين ، درد آنلايان اونو
 گوردو .

گئجه ياخينلاشاندا مريضه داريخما اوز وئريب ، بدەنينين آغريلارى
 آرتديغى كيمي ، قدرتينده آخشاملار داريخماسى آتيردى . لاله ، مارال ،
 عيوض ياديندا دوشور ، آيرىلىق بير ديمر حلقمه دونوب ، اونو اوز آراسيندا
 سيخىردى . آخشام ايدى . او ، چومبەلتمە اوتوروب ديزلرينى قوجا قلايب ،
 غم دياسيندا ال — قول آتيردى . باشقا محبوسلاردا ايكي بير ، اوچ بير ،
 باش — باشا وئريب صحبت ائديرديلر . كئچل يحيانيندا دستهسى آراسى
 كسيلمىن چغير — باغىرتيلار ايچريسينده اوز ايشلرينده ايدىلر . احمدبى
 غمىن مرد مازارلىق دويغولارى قيميلىداندى . اليندهكى ورهقلىرى يئره قويوب
 آياغا دوردو .

ي
 — اوشاقلار ، حس ! . . . دئيه ، اللرينى دوداقلارينا ياپيشدىردى .
 بو حركتيله او ، اوز يولد اشلاريني سكوتە دعوت ائتدى . سيچرايب ، يونگول
 آد ديملارلا ايستكانى سرين سوايله دولدوردو . اوغرو آد ديملارلا قدرتين
 باشى اوزرينده دايندى . بيردن سويو اونون بوينونا جالادى . قدرت
 ديسگينميش ، دهلى كيمي يئرلرندن سيچرادى . لوطولار دسته سيني —
 وحشى گولوشلرى بوتون زندانا يايلىدى . احمدبى غم اوز گوردويو ايشدن
 لذت آلا راق ، بير اليله قارنينا دوتور ، اوبيرى اليله قدرتي نشان وئرهرك

گولورد و . گولوشونون شدتیندن آغزی آیریلازاق ، گوزلریندن یاش توکولوردو .
اوبیری زندانیلار ایسه ، ناراحت بیر حالدا ، گاه قدرته گاهدا دویغوسوز
یارامازلا را ، داها صونرا بیر- بیرلرینین اوزونه باخازاق ، باشلارینی آشاغی
سالدیلار . قدرت آغیر آد دیمازلار احمد بی غمه د و غرو ایره لیلله دی .
آجیغیندن ان گوزلری قیزارمیش ، قان بئینینه وورموشدو .

— آداما اوخشار ائششک ! دئدیکده ، احمد باشینا بوزل—
سو توکولموش مست آداملار کیمی ، آلیب اوزونو یغیشدیردی . آخی ، اودا
قاباغیندن ان یئممین بوینو یوغونلاردان ایدی . اونو توهین ائتمیه شیر
اورمی لازیم ایدی . گوزلرینی بره لئدی . دیشلرینی قیجیردی ،

— نه دئدین ؟ دئییه ، قدرتین قاباغیندا دایاندی . قدرت اونا
فرصت وئرمدن ، وار قوه سیله اونا بیر سیللمووردو . احمد بی غم فیرفیرا کیمی
فییرلانیب یئره دگدی . هامی آیاق اوسته قالخمیشدی . حیرت و هیجان
ایچریسینده گاه قدرته ، گاهدا احمده باخیردیلار . یولداشلاری اللرینده
هکی قمار ورقلرینی یئره آتیب ، قدرته هجوم ائتمک ایستدیکده ، امید اونلارین
قاباغینی کسدی .

— بیر نفره اون نفر اولماز ! دئدی . بو آندا احمد اوز شرور قیا—
فمینه گیرمیشدی . دوداقلاری قاجدی . اوز — گوزونده کنایمه اوخشار
آجی بیر تبسم اوینادی . یولداشلارینا ،

— دایانین ! دوز دئیر . بیر نفره اون نفر اولماز ! دئییب ، قدرته
طرف یئردی . امیدین آرخا دورماغی قدرتی اوره کلندیرمیشدی . اوزونده
احمد له ووروشا یئنیلمز بیر گوج حس ائدیردی . هر ایکسی ، کیشمیش ایله
بجریلمیش دویوش خوروزلاری کیمی ، بیر — بیرینه هجوم ائتدیلر . احمدین
ضربه لرینین قارشیسیندا ، قدرت جانانه مقاومت گوستیریر ، جواب ضربه لری
اوچون فرصت آختاریردی . بیردن قیزمیش پلنگ کیمی ، سوخولوب احمدی

يئردن قالد يردى . خشم ايله يئره چيريدى . آرا قارىشدى . اميد ايله بير
نچه نفر قدرت طرفده ، اوطرفدنده لوطولارد ستهسى بير — بيرينه هجوم
ايتمك ايستد يكه كئچل يحيانين اوجالان گورولتولو سهسى هامينى —
داياند يردى .

— هئچ كسين ال آچماغا حقى يوخدور ! تقصير احمدين ايدى .
قدرت كيشى كيمي اوزوندن دفاع ائتدى . دئيب ، هاميني ساكت ائتدى .
احمدى هوشا گتيرديلر . كئچل يحيا احمده ،

— اوغول ! تانيماديغين آتين دالينا كئچمه . آت تپيى يامان اولار .
دئيب ، قدرتين قولوندان دوتدو . گوله — گوله احمدين يانينا گتيردى .
احمد اوتوردوغو يئردجه ، چپ — چپ شرهري اغان باخيشلاريله رقيبينه
باخيردى . هامى نگران بير حالدا ، احمدين وئرجگى جوابى گوزل ميردى .
آنجا ، دئيه سن يحيانين شوخلوغو و قدرتين ايگيدليگى اونون خوشونا
گلميشدى . بيردن قيريشقلارى آچيلدى . اوزوندهكى كين و غضب تبسمه
چئوريلدى .

— دوغرو داند ، ” سويون لال آخانى ، آدامين يئره باخانى ” دئيب ،
قدرتين الينى سيخدى .

— منيم كيشى آدامدان خوشوم گلر . دئيب ، يوشاق قهقهه لرله ،
قوجا قلايب اونو اوپدو . كئچل يحيا آلولا نماقدا اولان اودون اوستونه سو
سپيب سوندورمى ، هامينين خوشونا گلدى . اوگوندن هئچ كسين قدرته
ايشى اولماز ايدى . هامى اونا احترام قويا ، خاطرينى ايستردى . او ،
اميد ايله بير دوست كيمي ، صميمي اولموشدو . اورميينى اونا آچار ، دردينى
دئير ، اونون وئردىگى تسلى و اميد لر ، قدرتين قليبينده توخداقليغا سبب
اولاردى .

بويله ليكله ، قدرت بير ايل تمام استنطاق آلتيندا ياتدى . اونا

استناد اولونان جرم ، اخلالگړليك و خلقی اربابین علیه تحريك ائتمك
ایدی . آنجاق ، اونو متهم ائتمیه دوتارلی بیر دلیل یوخ ایدی . اوز کند-
لیرلریندن هئچ کس گلیب اونون اوزونه دورما میشدی . بو بیر ایلی او ، چنگیز
خانین تابشیریغی ایله زنداندا قالمیشدی .
نهایت ، بیرگون آزاد لیغی اونا اعلام ائدیله . زندانین قارا ،
د میر قاپیسی اوزونه آچیلدی .

قدرت ائوینده

آخشام اولموشدو . گنجهنین قارانلیغی کندی قوینونا آلمیشدی .
چراغ ایشیقلاری اوز ضعیف نورلارینی حیطرله و دار کوجهلره سالمیشدی .
آرا بیر هورمن کوپکلرین سہسی ، کندین اطرافیندا و آرالاریندا اولان گولچه
و آرخ کنارلاریندا اقورولد اشان قورباغالارین و بیر - بیرینین بحثینه سسلر-
ینی داهادا اوجالدا ان جیرجیرالارین آوازینا قاریشاراق ، کندین سکوتینی
پوزوردو . لاله اوتوردوغو یئردمه ، آیاقلارینین اوستونه کیچیک بیر بالینج
قویوب ، عیوضی اونون اوزرینه اوزاتمیش ، بئشیک کیمی یرغالا یردی . اونا
لای لای دئییب ، یاتیرتماغا چالیشیر ، اللرینده کی یون ایپدن جوراب
توخویوردو . مارالدا اونون یانیندا اوتوروب ، آناسینین لایلا سہسینه
قولاق آسیردی . یوخو اونون گوز قاپاقلارینا آغیرلیق ائتسده ، یومولماقدان
اولان گوزلرینی اونون اوزوندن آیرمیردی . ندنسه ، بوگون حسرت ، آیر-
یلیق لالہنین اورمینه آغیرلیق ائدیله . قدرت یادینا دوشموشدو . قلبی
سیخیلدیغیندان ، بعضاً " لایلانی بایاتییا چئوپرہرک ،

د اغلار داغیمدی منیم ، غم اوولاغیمدی منیم ،

دیندیرمہین قان اغلارام یامان چاغیمدی منیم .

دئیہ ، اوخودوغو بایاتیلار کمانچا کیمی یانیقلی ایدی . اورمی نی

بوشالتماق اوچون ، آغلاماق ایستمیردی . آنجاق ، مارالین گوزلری اونون
اوزونده اولدوغوندان سینیریر ، گوزیاشلارینی ایچری اؤتوروردو .
بیردن کوچه ده ایتلرین یوروش — هوروشلری ائشیدیلدی . بیر آ ز
صونرا ، حیط قاپیسی دیولدی .

— قاپینی آچین ! منم . دئییه ، قدرتین سهسی ائشیدیلدی . لاله
آیاقلارینین اوزرینده یاریم یوخولو ، میزیدایاراق ، آناسینین سهسینه سس
وئریپ یاتماقدا اولان عیوضی نجه یئره آتیب ، قوش کیمی اوزونو قاپییائیتیر-
دیگینی اؤزوده بیلمدی . ایکی آیریلیق خسته سی ، سارماشیق کیمی ، بیر-
بیرینه ساریلدی . هر ایکیسینین گوزلری دولمشدو . کدرله — سئویج بیر-
بیرینه قاریشمیشدی . گئجه نین قوینوندا ، اولدوزلار پاریلدا اشاراق بیر —
بیرینه گوز ووروردولار . مارال ایله عیوض اوطاقدان چیخیب قاپینین آغز —
یندا جا اونلاری گوزله یردیله ر . مارال ،

— آتاجان ! . . . دئیهره ک ، اوزونو قدرتین قوللاری آراسینا آتدی .
عیوض ایسه ، اولکמוש قوزو کیمی ، اوزونو ائوه سوخدو . اونلار اوطاغ-
کئچدیله ر . عیوض قورخموش حالدا ، یوگوروب اوزونو آناسینین اوستونه آتدی .
لاله اونو قوجا قلایب ، سئوه — سئوه ،

— ندن قورخورسان ؟ ده ده یر ! دئییه ، اونو آرام ائتمیه باشلادی .
عیوض بیر بارماغینی آغزینا آلاراق ، اوغرو باخیشلارلا قدرتی سوزمه یه ، ائله
بیل کئچمیش گونلری یوخو کیمی ، یادینا سالماغا چالیشیردی . دئییه سن
بو آدم گوزونه تانیش گلیردی . بیردن دوداقلاریندا تبسم اوینادی . نازلانا
— نازلانا اوزونو قدرتین قوللاری آراسینا آخیتدی .

بیر ایلدن بری آه — زاردان بوغولموش ائو ، بیر آندا ایشیقلا ندی .
شادلیق و سئوینجه د ولدو .

اٺل — اوبادان آيرليق

سحر اولدو . قد رتين گللك خبرى كنده يايلىدى . ياد — قوه — موم
دسته — دسته اونون گوروشونه گلير ، آزاد ليغيني اونا تبريك ائديرديلر .
هامينين اوزونده شادليق گورونوردو .

— گوزلرين آيدين آقير !

— گوزلرين آيدين آلاله !

— دئمه ديمى ، قارا گونون عمرو آزا اولار . دئيه ، آردى — آراسى
كسيلمدن وئرلن گوز آيدينليقلارى لاله نين تبسمله دولودود اقلارينى ،
يئنى آچيلميش قيزيل گوله دوند ريمشدى . قوش كيمى قانات آچاراق ، هر
طرفه اوچور ، گلنلردن قدردانليق ائديردى . قاباقلارينا چاي قويوب ،
فير — فير فيريلد ايردى . بو گوروشلر قد رتين بوتون آجيليقلاريني ، آغريلار —
رينى ياديندان چيخارتميشدى . دئير ، گولور ، خوش حال گورونوردو . بو
گوروش بوتون گونو دوام ائتدى . آخشام اولدو . ياخين دوستلار ، قوهوملار
اونون دورمسينى آلميشديلار . سوز — سوزو گتيره — كئچميشدن ، گلجكدن ،
اكين — بيچيندن اولوب — ايتندن ، كئچن ايلكى قوراخليقدان ، كنددن
باش گوتوروب كئده نلردن ، نهايت بو ايلكى قوراخليقدان ، قحطليكدن
صحبتلر اولدو . كند ياغيشدان چيخيپ ، دولويا دوتولموشدو . بو ايل
وضع كئچن ايلدنده آغير ايدى . يئنه قوراخليق اولموش تاخيل بيتمه ميشدى .
كئچن ايل هئچ اولماسا كند ليلرين هر ميسينين اوزونه گوره ، قاپيسيندا مال
— قاراسى ، ائوينده كيليم ، گبه و باشقا درده دمين پولا كئدن شئيلرى
وارايدى . هر كس اوز اولوب — قالانينى ساتيب ، آجليغين قاباغينى آلا
بيليردى . اولمويانلاردا اوز اوشاغينين ايندن دوتوب ، ايشيق گلنه د و غرو
كئديردى . آنجا ، بو ايل قيطليغين قاباغيندا تاب گتيرمك چتين ايدى .
اينديدن آجليق اژدها كيمى آغزيني آچيب ، كندى هده لميردى . ارباب

ایسه ، اوز کئینده ایدی . نه کند ، نده رعیتین فکرنی چکیردی : کئچن
ایلکی کیمی ، الینه گلەنی یغیشدیریب اورتا دان چیخمیشدی .

قدرت ایکی هفته ائوده دینجلدی . کندین وضعینی ، اوز دوله -
نیشیغینی مطالعه ائدی . هر اوزونه ووروشدوردو . لاله اینگی کئچیلری ،
ائوینین فرشینە کیمی ساتیب - سووموشدو .

گونلر کئچدیکجه ، قدرتین نگرانلیغی آرتیردی . گله جگین فکری
اونو گوتوروردو . صون گونلر همیشه ، دوتغون فکری اولماغی ، لالده بیر
نگرانلیق دوغورموشدو . او ، قدرتی دالغین ، اوز ایچیلە اللەشن گوردوکجه ،
آجییر ، گوزلرینی اونون اوزوندن آیرمیردی . سانکه ، اونون سوزە گلەجگینی ،
اورەك سوزونو آچاغاغینی گوزلمیردی .

آخشام ایدی . اوتوروب شام یئیردیلر . لهنین اورمی داهایا تاب
گتیرمیب سوزو آچدی .

- آخی ، منیم اورهیم پاتلادی . سنه نه اولوب ؟ فکر - خیالدا
آیلیمیرسان . بیر دردینی دئسنه منده ییلیم . ائله بیل که ، قدرت اورمینی
آچماق اوچون بئله بیر سوالی گوزلمیرمیش . باشینی قالدیریب اونون
گوزلرینین ایچینه باخدی . باخیشلاریندا ، فکرینده کی تلاطم آیدین
دیولوردو . او ، اوز گلەجگینین نقشە سینی چکمیشدی . آنجا ، آجیب
دئمیه جرئت ائتمیردی .

- دوز دئرسن لاله ! دئدی . - بو گونلر فکرم چوخ قاریشیقدير
اوزون گورورسن . پایز گریب . بوگون - صباح قیش اپینی آلاجا . بیزیم
نه یئمیه چوریمیز ، نده گئیمیه پالتاریمیز وار . منه بئله گلیرکه ، بیزبوندان
صونرا کند ده دولانا بیلیمهچمیک . گورورسن که ، نه اوزوموزده وارنده کی
اوزگه لرده . هئچ اولماسا آلیب کئچینک . بیرده بوجور نامرد آداما رعیت
اولماقدانسا ، باش گوتوروب بوردان اوزاقلاشماق یاخشیدیر . دئدی که ،

لاله‌نین وجودینی گیزلی بیر قورخو بورود و .

— دئیرسن بوردان اوزاقلاشاق ؟ ! دئییب، غم اویناغینا د و نموش

گوزلرینی ازینه زیللدی .

— بلی ! گرهك بوردان اوزاقلاشاق . دئییه ، قدرت وئردیگی جوابی

سانکه ، لاله ائشیتدی . گوزلری اوطاغین بوشلوغوندا ، بیر نقطهده

دایاندی . اوزونوغم — کدر ، چیسگین ، دومان داغی بوروین کیمی ،

بورود و . آیریلیق ، غربت دهشتلی بیر اوچروم کیمی ، گوزونون اؤنونده

جانلاندی . ائله بیلکی ، اونو ایندیجه کامینا آلاجاغیدی . قدرتین گوزلری

هلهده لاله‌نین گوزلرینده ایدی . او ، اوز دوتدوغو تصمیمین لالمیه نجه تاتیر

باغیشلادیغینی اوخوماق ایسته‌یردی . او ، یاخشی آنلایردی که ، لاله‌نی

اؤز آتا — آناسیندان آیرماق ، ائل — اوباسیندان اوزاقلاشدیرماق ، سود

امر کوپه‌نی اؤز آناسیندان آیرماق قدر چتین و دوزولمزدير . آنجاق ، نه

ائده بیلردی ؟ بو حیاتین جبری ایدی . بیرده ، بوتک قدرتله ، لاله‌نین

باشیندا دگیل ایدی . فتودال شاللاغی اولکهمیزده حرکتک گلن گوندن ،

کندلینین اوزوگولمیب . حاکملرین حکمو ، گوجلورین تجاویزی ، اربابلارین

ظلموندن جانا د و نموش ، بعضا ده ، بیر پارچا چورهك اوچون اؤز ائل —

اوباسیندان ، وطنیندن باش گوتوروب دیار به دیار دوشن ، آتا — آنا ،

سئوگیلم ! دئییه ، غربت ائللرده حسرتله جان وئره‌نلر آزمی اولموش ؟ !

گوزو یولدا ، اوغول حسرتیله آغلاماقدان کور اولان آتا — آنالار ، وصال

امیدیه ، ایللر بویو اوتوروب انتظارلا باش آغاردان قیز و گلینلرین فاجعه.

لی خاطرهلری هلهده اونو دولما میشدیر .

الوداع

غرب طرفدن اسن حزین یئل آغاجلارداکی سارالمیش یارپاقلاری ،

اوزلره توکولموش قاراتئللری اوخشایردی . قارا بولودلار حرکتک گلرهک ، گو-
نهشین قارشیسینی دوتماغا جان آتیردی . چوللر ، داغلار ، دره‌لر ، باغلا-
ردان بئله ، داریخدیریجی پایز قوخوسو گلیردی . قدرت اوزعائله سیله
سفر بوخچاسینی دیونله میشدی . حیط ازدهاملا دولو ایدی . گوزلرده
یاش ، اوزلرده کدر ، اوره‌کلرده آتش آلوانیردی . آنا ، تلقین اولونموش
کیمی ، مات — مات قیزینا باخیر ، آغلماق ایستیر ، لکن هیجانینین شد-
تیندن ، گوزیاشی قوروموش ، آغلایا بیلیردی . او ، آغلما سادا ، کیرپیک
چالمادان ، گاه قیزینا گاهدا نوله‌رینه باخیب ، ”جان ، بالالاریم ! . . .“
دئییب ، الینی سینه‌سینه چالیر ، کدرله دولو باخیشلاریندان ، نه قدر روحی
عذاب چکدیگینی آیدین آنلاماق اولوردو . آیریلیق دردی آنانی بوغوردو .
اختیارینی الیندن آلمیشدی . صون دفعه اولاراق ، لاله‌نی باغرینا باسدی
— منیم لالم ! . . . دئییب ، قوروموش دوداقلارینی قیزینین اوزونه
یاپیشدیردی . آرتیق طاقتی اولمادیغیندان ، اورداجا لاله‌دن آیریلدی .
یولا سالماق اوچون توپلانمیش ائل — اوبا ، قوهوم ، قارداش کندیس-
کنارینا کیمی گلدیلر . آیریلیق دقیقه‌سی ایدی .

— آلاها تابشیردیم !

— اوغورلار اولسون !

— یاخشی یول !

— ساغلیقلا !

— الوداع ! دئییه ، آیریلدی‌لار .

مسافرلریمیزین یولو تبریزه ایدی . یول اوزونو قدرتین ائله جهده
لاله‌نین خیالیندا ، اونلاری گوزله‌مین یئنی حیات بیر بهارا اوخشاییب ،
ایلیق یاز گونه‌شی کیمی ، جانلارینی قیزدیریردی . امید و آرزولارین-
اوخشایردی . بعضا ”ده ، انتها سیز ، قیشلی — بورانلی چوله ، بیابان-

دونوب، اونلاری تیتره دیردی . مارال ایسه ، تزه قاناد آچمیش قوشجوغاز
کیمی - داغ، دره لره ، باشلارینین اوزرینده ن اوچوشان آزاد قوشلار اتماشا
اندیر . یورولمادان آد دیملایردی . هارا گئتسه ده آتا - آناسی یانیندا
ایدی . غمی یوخ ایدی .

گون باتماغا آزالیردی . قدرت اوز عائله سی ایله ازگین ، یورغون
بیر حالدا ، گلیب شهره چاتدی لار . لاله نین قارداشی حسین اوز اولقلاری
ایله اونلارین ، اسائیه لرینی گتیرمیشدی .

قیطلیق بیرجه قدرت گیلین کندینه دوشمه میشدی . بو بلا بوتون
آذربایجان کند لرینی دوشموشدو . هر طرفدن دسته - دسته کند لری
عائله لری شهرلره پناه گتیریردی . بونا گورده ، قدرتین عائله سی نین سینیق
قوشون کیمی . شهرده گورونه سی ، هئج کسین نظر دقتینی اوزونه جلب
اتمدی . اوشاقلار یورغون اولدوقلاریندا او ، چوخ گرمی یئرسیز گوروب ،
قاری کوریوسونون یاخینلیغیندا اولان بیر خرابه لیکده یئریمیر اولدو . اوز
فکرینده بئله ووروشدوردو : " هوالار هله چوخ سویومایب . اوزومه اییش
تاپانا کیمی بورداجا گئچینه ریک . ایش تاپیب ، مشغول اولندان صوردا ،
بیر یئر تاپیب کوچرم . " آیری جور فکر ائده ده بيلمزایدی . اوز جیبینه
باخیب ، دانیشیردی .

قدرت کندی بنده چیلیک حیاتیندا یاخا قورتاردیغی اوچون ،
اوزونو یونگول حس ائدیردی . سانکه ، داشیدیغی آغیر یوکون آلتیندا
یئنیجه قورتاریب ، راحت نفس آلیردی . گله جکده لاله خوش گونلر
وعدی وئر - وئر باش وئر آتیب ، یاتدی لار او گونون سحری حسین
خدا حافظله شیب . اوز اولقلاریله کنده قایتدی .

تله

ئولكەنن بھرانلى پير وقتى ايدى . خان - خانلىق دېدەبەلىرى كندلىرى
خراپە زارلىغا دوندردىكى كىمى ، استعمار سياستلىرى نتيجه سىندە دە
شەرلر چىخىلماز وضع ايله اوز - اوزه گلەشيدى . ايشىسىزلىك يوخسوللوق
پير آسمان بلاسى كىمى ، اولكەنى بوروموشدۇ .

قد رت هرگون سحر تئردن د وروب ایش د الینجا گئد یردی . ایش
عوضینه ، هرد ونگده ، اوزو کیمی ، کند لردن آخیب گلیمیش و کارخانالاردان
ائشیه توکولموش یوزلرجه الی قوینوند اقالمیش ایشسیزلرله اوز— اوزه گلیردی .
هردنده بیر گونه مزد، کیچیک ایشلرگیرینه د وشور، آز— چوخ آلیردی . بیر
گون فردوسی خیابانینین باشیندا ، اوج یول آیریمیندا دایانمیشدی . گون
یاواش — یاواش ، گون اورتا یئرینه یاخینلاشیردی . ایشدن خبر اولماد —
یغیندان ، مایوس گورونورد و . سانکه ، اوشاقلارینین یانینا الی —وش
قایتماغا اوتانیردی . گوزو یول چکن آدام کیمی ، بیر نقطه یه باخیب ،
دورورد و . بوآندا اوز قارشیسیندا بیر قارالتی دایاندیغینی حس ائتدی .
بو قارالتی اونون اوزونه باخیب گولومسه یردی . قد رتین فکری د اغینیق
اولدوغوندان ، قاباغینداکینی بیراوترگی سانیر ، اوزونده باخمیردی .

— قدرت! دئیہ او جالان سس اونو سیلکه لهدی . داداش! بس نیه دنوموسان ؟ نه خبر دیر ؟ دئدی کده ، قدرتین گوزلرینده سئویندج قیغیلجیملاری رقصه گلدی .

— امید ! . . . دئیہ اونونلا قوجاقلاشیب — اُپوشدولر . امید
آلتی آی بوندان قاباق زنداندان بوراخیلیمیش ایدی . قدرته راست
گلدیگندن چوخ شاد گورونوردو . او ، قدرتی یاخین بیرقهوه خانایا
چکدی . بیرکونجده اوتوروب یاواش — یاواش صحبت ائتمگه باشلادیلار .
قهوه چی کیچیک ایستکانلاردا ایکی دانه رنگلی چای گتیریب اونلاریمن

قاباغينا قويدو .

زنداند اقدرت ، اميددن محبت و صداقت گورد ويوندن ، اورهك سوزلريني اونا آچميش ، بوتون باشينا گلنلري اونا سويله ميشدي . اينديده ، زنداندان صورنا كنده قايتديغيني ، قحتليكدن و اوشاقلاري گسوتوروب تبريزه گلد يگندن اونا دانيشدي . او ، بير نفر تاپيب درديني سويلديگنه گوره ، اوزونده بير يونگوللوك حس ائتدي . قدرتين حالي اميدي چوخ متاثر ائتدي . او ، ايشسيز ، دورت باش عائلهني دولانديرماغين نه قدر چتين اولدوغونو ياخشي بيليردي . قدرته اميد وارليق وئريب ، اينسي جيبينه سالدی . بير آرزول چيخاديب اونون اووجونا باسدي . قدرت پولو آلاق ايسته ميردي . اميد اصرارلا پولو اونا وئردی .

— من بونو سنه بورج وئريرم . ايشه گيرندن صورنا ، قازانييب وئره رسن ، دئدي . هوا سرينده اولسا ، ايچرينين هوا سي ياي بوركوسو كيمي ، قدرته آغير و بوغوجو گلدی . اوتانديغيندان ، آليندا تر دانهلري گورونميه باشلادی . چايلاريني ايچيب ، قهوه خانادان چيخديلار . اميد ، قدرتي گتيريب اوز ايشله ديگي يئري نشان وئردی . او ، بير د ميرچي كارگاهيندا ، جوشكارليق ايشينده ايشله ميردي .

— هر دن بير بورا ، منيم يانيما باش وور . من سنه ايش تاپماغا چاليشا جاغام . دئدي . اميد ين رفتار و وعده سي قدرته بويوك داياق اولدو . اوره گيني ايشيقلانديردي . اميد دن آيريلاراق ، اوز اوشاقلارينين يانينا گلدی . آنجاق ، هاردا يئر به يئر اولدوغونو دوستوندا ن گيزلتميشدي . خرابه ده ياشاديغيني دئمك عارينا گل ميشدي . اميد وئرد يگي پولو سول اينده ، جيبينين ايچينده برك — برك سيخيپ ، ساخلايردي . آچيب باخماغا دا اورمي گل ميردي .

تئز قايتديغيندان ، لاله ده بير نگرانليق دويولوردو . آنجاق ،

ارینین قیریشیقلا رینی آچیق گورد و یوندن بیر سوز دئدی . قدرت پولس —
چیخادیب سایدی . اللی تومن ایدی . او ، لالهیه ،

— دنیا خالی دگیل ، یاخشی آداملاردا وار . دئدی . صونرا ،
امیدله زنداندا نجه تانیش اولدوغونو و بوگونکی گوروشونو ، ایش تاپاجا —
غینا سوز وئردی گینی ، بیر — بیر لالهیه سویلدی .

ایکی گون صونرا ، قدرت گزه — گزه امیدین یانینا گلدی . او ، ایشه
مشغول ایدی . قایریلمیش د میر قاپینین پارچالارینی اوکسزن ایله بیر —
بیرینه یاپیشدیریردی . گوزلرینی برق ایشغی اینجیتمه سین دئییه ، اوزونه
د میر ماسقا وورموشدو . الینده کی ایشه او قدر مشغول ایدی که ، قدرتین
بیاقدان بری ، اونون باشی اوزرینده دایانیب ، گوردو یو ایشه تماشا —
ائتدیگینه متوجه دگیل ایدی . نهایت ، الینده کی ایشی قورتاردی . آیا ق
اوسته دوروب ، ماسقانی اوزوندن گوتوردو کده ، قدرتی گوردو .

— او . . . سلام ، قدرت ! نه یاخشی که گلدین . دئییه ، اونونلا
ال وئردی . د میردن دوزلدیلیمیش بیر صندلی گتیریب ، اونو اوتورتدو .
اوزوده یانینی دزگاهین کنارینا قویوب ، اوتوردو . کارگاهدا امیددن باشقا
بیر نجه نفرده ایشلمیردی . خاریلتی — گورولتودان آغیز دئییه نی قـولاق
ائشیتیمیردی . امید ، — بیر تجارتخانادا سنه ایش تاپمیشام . ایش سنه
لایق اولماسادا ، هله لیکده . . . دئدی کده ، قدرت سئوینجیندن آز قالدی
قاناد آچسین .

— نه دانیشیرسان ؟ پیس — یاخشی ندیر ؟ منه ایش اولسون .
چوره ک چیخسین . دئییه ، امیدین سوزونو کسدی . امید تاپدیغی ایش ،
بیر تجارتخانادا حامللیق ایدی . او ، یوکلرین آچیلیب — باغلانماغینا کومک
ائده جک ، مشتریلر آلدیغی شئیلری ایستدی کلری یئره آپاریب مزد آلاجا —
غیدی . بویلملیکله ، امید قدرتی اوزو ایله آپاریب شرکتین مدیرینه تانیدیردی .

همین گوندن قدرت تجارت خانادا ایشلهمهیه باشلادی . قولدان گوجلو ، نزاکتلی و اوزو یولا اولدوغوندان ، چوخ تئز ، هامینین محبتینی قازانما بیلدی . فکری بیر آز راحتلندی . اونو اینجیدن بورجو ایدی . بورجلولوغا عادت ائتمه دیگندن ، اوزونه آغیر بیر یوک بیلیردی . چینگیندن آتماغا چالیشیردی . ایشی دوتدوغوندان ، آز بیر مدته ، امیدین پولونو دوزلدیب وئردی .

پایزین صون آبی ایدی . هاوالا رگتدیکجه سویوقلاشماقدایدی . ایندی ، قدرتین قارشیسیندا دوران ائو مسئلهسی ایدی . او ، بو باره ده امیدله دانیشمیشدی . صباح با هم ائو مسئله سینیده حل ائده جک ایدیلر . چهارشنبه گونو ایدی . هوا دوتولموش ، یئل شدتله اسیردن . آخشام طرفی مغازه ساتیجیلاریندان بیر قدرتی سسلدی . تزه جعبه ده ، ساتیلیمیش بویوک بیر رادیونو اونا نشان وئریب ، — بوخانملا گئده جکسن . دئدی . خانم دئدیگی اوندورت یاشیندا ، قارا بنیز ، بیر کندلی قیزی ایدی . گئیم و رفتاریندان کلفت اولدوغو گورونوردو . قدرت جعبه نی دالیندا آلیب ، یولا دوشدو . بازار شلوق ایدی . بیر — بیرینه توخونا — توخونا او طرف ، بو طرفه حرکتده اولان لاردان اوزونو قورویا — قورویا ، قیزی — دالینجا ، داش مغازه لره طرف یوللانندی . نهایت ، قیز بیر یئرده دایانیب ، قاپینی دویدو . چوخ چکمدی که ، دروازه آچیلدی . نوکر قاجیب ، خانیم خبر وئردی . قیز قایاقدای ، قدرته اونون دالینجا گئیش بیر حیطمه گیردی لر . حیطده کی آغا جلارین ، جرگه ایله دوزولموش قیزیل گل کوللا رینین ، خزان وورموش اولسادا ، بهاردا ، یایدا حیطه وئردیگی صفا و گوزللیگی نظرده جانلاندیرماق چتین دگیل ایدی . حیطین ایکی طرفینده ده ، صف چکیب دوزولموش شام آغا جلاری اوز اطلاس دونا لریله جلوه لئمکه ایدیلر . ظریف کاشیلارلا دوزهلیمیش حووزون اورتاسیندا فواره لر ،

کناریندا صنعتکارلیقلا دوزه‌لیمیش مجسمه‌لر جانلانماقدا ایدی .
 خانم ایوانا ، آلدیغی رادیوگرامین استقبالینا چیخمیشدی . اولدوقجا
 شاد گورونوردو . گوزلرینین ایچینه کیمی گولوردو . یاشی قیرخدا ن
 کئچمیش اولسادا ، هله اوز گوزللیگینی ایتیرمه‌میشدی . حاللی — دوللو
 بیر خانم ایدی . او ، رادیوگرامی یوخاری اوطاغا چیخارتماقلا رینیی
 تابشیریب ، نازلانا — نازلانا ارینین دالینجا ، اونو تماشا یا چاغیرماق
 اوچون یان اوطاغا کئچدی . قدرت یوکونو احتیاطلا قالدیریب ، ایکنجی
 طبقه ده ، گئیش بیر سالوندا یئره قویدو . صونرا چکیلیب قاپنین آغزیندا
 دایاناراق ، دوشه‌یه سالینمیش قیمتلی فرشله ، میزلین اوزرینده ائله —
 جهده ، شقابلارا دوزولموش عنتیق شئیلره دیوارلازدان آسیلمیش نفیس
 تابلولارا تماشا ائتمگه باشلادی . او ، غمرونده بئله طمطراقلی ائله
 گورمه‌میشدی . باشی تماشا یا ائله قیزیشمیشدی که ، آغا ایله خانیمین
 صنعی گولوشلره ،

— سن آلدیغین شئی کی پیس اولماز .

— باخ ، صونرا تعریفله . دئییه ، ایچری گیردیکلرینی بئله حس
 ائتمه‌میشدی . چنگیزخان آفرانه سسله ،

— اوغلان ! نه دورموسان ؟ بونون آغزینی آچسانا ! دئدیکه ،
 قدرت دیکسینمیش بیر حالدا ، سه طرف دوندو . بوسس اونا تانیش
 ایدی . بوسه‌سی او ، یوخودادا ائشیتسه قورخویا دوشر ، تیتیردی .
 چنگیزخانی قارشیسیندا گوردو . بو تصادف اونون اوچون گوزله‌نیلمزایدی .
 حیرت ایچریسینده دونوب قالدی . بو اعتناسیزلیغی گورن ارباب اونا طرف
 دوندو . گوزلری قدرته ساتاشاندا ، آچیلماقدا اولان آغزی آیریق قالدی .
 تعجبله ،

— سن هله ده ساغسان ؟ !

— بلی آغا !

— سن بوردا نه ائدیرسن ؟

— جعبه‌نی گتیرمیشم . ارباب استهزالی بیر تبسمله ، قالین واتلی

دود اقلارینی قاجیرتدی .

— هم حماللیق ائدیرسن ؟

— ایش عار دگیل . بنده چیلیکدن یاخشیدیر .

— بنده چیلیکدن یاخشیدیر ؟ کندی داغیتدین که ، بنده چیلیکدن

قورتاراسان ائله‌می ؟

— کند داغیدان اولسایدیم . منیمده جاه جلالیم اولاردی .

— گورونور که ، هله ده بورنون یاخشی اووولمایب .

— زندگانلیغیمی الیمدن آلدین . زندان کونجلیپنده یاتیرتدین .

چوللره سالیب حمالدا ائتدین . بوندان آرتیق نه ائتمک ایستمیردیسن ؟

قد رتین وئردیگی دیک جوابلار چنگیزخانا گولله کیمی دگیردی . خانیمین

یانیندا اونونلا بئله گوبود ، دانغا — دانغا دانیشماغی ، اونو تحقیق

ائتمک دئتمک ایدی . اودا ، کیم ؟ بیر رعیت . حرصیندن دود اقلارینی

گمیریردی . اگر گوجو چاتدیغینا اینانسا ، سیلله ، یومروق و تپیک آلتیندا

ازهر ، جانینی آلاردی . اما ، جرئت ائتمیردی . دئیرلر : ” گوز نده

قورخار ، گورد ویوندن ” خانم ، نوکر و کلفت بونلارین طعنه‌لی ، آتماجا

سوزلرینده بیر شئی آنلاما دیقلاریندان ، مات — مات باخیر ، حمالین

جرئت و بوزلوقونا تعجب ائدیردیلر .

— گئده بیلرسن .

— مزد و مو گوزلمیرم .

— گئت حیطده گوزله ، گتیره لر . دئدیکه ، قدرت داهادا پانمادی .

قاپیدان چیخیب ، پیلله لردن آشاقی دوشدو .

چنگیزخانین بئینینه قارا بیر فکر جولانا گلدی . تئز بارماغینداکی
اوزویونو چیخاردیب ، نوکره وئردی . نه ایسه اونا آنلاتدی . قدرت بـ
تصادفدن ناراحت ، کوسگون بیر حال آلمیشدی . ایتی آدیملار ایله ،
دالینا باخمادان حیطدن چیخدی . نوکر دالینجا یوگوروب ،
— حمال ، آی حمال ! دئییه اونو سسلدی . قدرت آیاق ساخلادی .
نوکر یئتیشیب الیندهکی بیر تومنی اونا اوزاتدی .

— بس نیه قاچیرسان ؟ پولووو آل . دئییب ، سورتونه — سورتونه
اونونلا کوچه باشینا کیمی گئتدی . بیردن ، — آزدان ، آزدان ! ... دئییه ،
باغیریب ، قدرتی برك — برك قوجاقلادی . اونون بوحرکتیندن قـ
آجیقلاندى . سیلکه لنیب ، نوکری اوزوندن کنارا آتدی . بونلارین سه سینه
پلیس اوزونو یئتیردی .

— نه وار ، نه اولوب ؟ نه خبردیر ؟ دئییه ، سوروشدوقدا ، نوکر
قدرتی نشان وئرهک ،

— اوغرودور ، اوغرو ! دوتون بونو ! دئدی . پلیس مسئله نی
آیدینلاشدیرماق اوچون ، قدرتی گئری قایتاردی . بو بهتان قدرتی
گیجلمیشدی . حیطه گیرنده چنگیزخان اونلارین قاباغینا چیخدی .
— گده ، اوتانماز ، سن حمالسان ، یوخسا اوغرو ؟ اوزویو هار
آپاریرسان ؟

— ارباب ! بونه سوزدور ، نه قره دیر منه یاخیرسان ؟ مگرمن اوغرویام ؟
— ایندی معلوم اولار . دئییب ، پولیسه دوندو . بونون جیب لرنی
آختارین . پلیس احتراملا ،

— چشم ، قربان ! دئییب ، قدرتی آختارماغا باشلادی . قدرت
رنگ وئریب ، رنگ آلیردی . اوزوندن آرخاین اولدوغو اوچون ، مقاومت
گوسترمیردی . پلیس اونون یان جیبیندن بیر آلماس اوزوک چیخاتدی .

اگرى — اگرى اونون اوزونه باخدى .

— اوغرو دگيلسن ، بس بوندير ؟ ارباب يالان دانيشار ؟ قدرت

جيبيندن چيخاريلميش اوزويو گورنده ، گوزلري بويودو .

— آلايه شاهيد دير ، منيم روحوموندا بوندان خبري يوخدور ! اونو

قصدا " منيم جيبيمه ساليبلار .

— جيب كسنلر هاميسي ائله سنين كيمي دئيرلر . دئيه ، جواب

وئرديكده ، قدرت اوزوندن دفاع ائتمگي يئرسيز گوردو . پليس اوزويو اونون

جيبيندن چيخارتميشدى . بوساده ليكله تلميه دوشدويوندن ، اوزونون —

اوزوندن آجيجي گلدى . بير آندا خرابهليك ، لاله و اوشاقلار گوزونون

اونوندن كئچدى . يازيqliق توزو اوزونه چوكدو . سسينده بير يالواريش ،

— ارباب ! اولان اولوب ، كئچن — كئچيب . هر نه اولوب منه اولوب

من كه سنه بير يمانليق ائتمه ميشم . مني زندانا گوندرسن ، اوشاقلاريم

شهرده باشسيز قالار . آجليقدان ، سويوقدان قيريلارلار . انصاف ائت ،

آماندير ! دئيه ، يالوارماغا باشلادى . ارباب اعتناسيز بير حالدا ،

— ايكي ايت كوچويو اسكيگ اولماغيان ، دنيا داغيلماز . دئدى .

بو جواب ائله بيل ايلدير ايدى ، قدرتين باشيندان شاخدى . اورمىي

اودلاندى .

— پس فترت ، وجدانسيز ! دئيب اونا د و غرو ايره ليلمك ايستد يكدده ،

پليس ايله نوكر اونو دوتوب ، چكه — چكه كلان ترييه آپارد يلار .

لاله نين دردى

كئجه اوز قارا چادريني قورموشدو . يئنيجه توختاميش كولك ، گوگ

اوزونو دوشموش قالين بولود يغي نلاريني داغيتميش ايدى . اوز دسته سيندن

آيري دوشموش دورنالار كيمي ، اوچوشان سئيرهك بولودلار ساووشدوقجا ،

آرالا ریندان اولدوزلار پاریلد! شیردی . خرابه لیکده اوجالان بايقوش
 سسی، آرا بیر اولماقدان اولان بیر آوارا ایتین سسینه قاریشاراق لپهلنه —
 لپهلنه شهرین قارانیلیغیندا بوغولوردو . خرابه لیگین قوینوندا ، بوستان
 چارداخلارینا بنزهر ، قورولموش کومادا یانان لامپا ایشیقی ، گوزلرینی
 قارانیلیغین دینلیکلریندن آیرمایان لاله نین دوتغون اوزونو ایشیقلااند —
 یرمیشدی . مارال ، اونون گوزلرینده دالغالانان اضطراب و نگرانلیغی
 سئیر ائدیر ، عیوضده ،

— من آجام ! دئییه — دئییه یوخویا گئتمیشدی . دیوارین دیبینده
 قورولموش اوجاغین اوستونده کیچیک بیر قازان چا گورونوردو . بو ، لاله نین
 شام اوچون پییدن دوزلتدیگی سوغانچا شورباسی ایدی . قازانچانی —
 آلتی کئچمیش ، اوزوده قایناردان دوشموشدو . اونلار قدرتی گوزلمیرد —
 یلرکی ، قدرت چوره ک گتیرسین ، بیرلیکده شاملارینی یئسینلر . آنجاق
 ندنسه ، قدرتن خبر یوخ ایدی . وقت کئچدیکجه ، لاله نین نگرانلیغی
 آرتیزدی . بیر سس ائشیدن کیمی ، یئریندهن سیچرایب باخیر ، ضعیف
 بیر فریادلا — یوخ ، گلمدی ! دئییه ، مایوس بیر حالدا اوتوروب ، اونون
 همیشه گلدیگی یولا طرف باخیردی . اونون نگران اولماغا حقیده وارایدی .
 چونکه قدرت همیشه ایشدن چیخان کیمی ، ایشیق گوزلوانوه قایداری مچوخ چکمدی
 که ، مارالیدا اوتوردوغو یئرده جه یوخو آپاردی . بوینو آغیرلیق ائسده رک ،
 چیگنینه دوشدو . وقت کئچدیکجه مبهم بیر قورخو لاله نین وجودینی بورویور ،
 اورمینده بیر وحشت دغروردو . دوروب یاتاق یئرلرینی دوزلتدی . اوشا —
 قلاری اوز یئرلرینه اوزاتدی . اوستلرینی باسیریب ، گونولسوز بیر حالدا اوز
 یئرینه اوزاندی . یورغان ، دوشگی بیر تیکانلیغا دونموش ، سانکه ، آتلی
 قاریشقالار بدنینه دارانیب اونو سانجیردی . میغ میغالا راؤز ویزیلتیلار یله
 اونو قوخویا سالیب ، یوخوسونو الیندن آیردیلار . فکرلشدیکجه هیجانینین

شدتی آرتیردی . هردنده ، بوگون ائو آختارماغا گئده جك ایدیلز بلکده
 ائله اونا گوره یوبانیب . دئییه ، اوزونه توخداقلیق وئریردی . آنجاق، گئجه
 یاریدان کئچدی . قدرت گلمدی . لاله‌نین قولاغی سسده ، گوزلری انتظا-
 ردا قالدی . خیالیندان کئچن قارا فکرلر صف چکیب وارلیغینی چیگنمیردی .
 اورهك چیرینتییسی صون درهمیه چاتمیشدی . دقیقه‌لر — ایله دونموشدو .
 گجه‌نین عمرو اونا سونسوز گورونوردو .

خوروزلارین ایلک بانى سحر مژده چیسى کیمی ، اونون اوره‌گینى
 بیر آرایشقلاندیردی . یونلری ائشیه چیخمیش یورغانینی باشینا چکیب ،
 گوزلرینی برک — برک یومدو . سانکه ، بونولا اوزونو ، اونا هجوم ائتمکده
 اولان خیال سئلیندن قورتارماق ، یوخویا گئدیب هر شئی اونوتماق
 ایستمیردی .

لاله ، طوفانا دوتولموش بیر گمیچی کیمی ، اوزون پایز گجه‌سینى
 اضطراب ، هیجان ایچریسینده ، بلکهده قیزدیرماسى صون دره جمیه
 قالخمیش بیر مریض حالیندا کئچیرتدی . نهایت ، دان یئری سوکولدو .
 او ، هله‌ده آیق ایدی . گوزلری یومولو ، خیال دریاسیندا اوزوردو . بیردن
 اوشاقلار آج یاتدیغی یادینا دوشدو . شوربا قازانچاسى هله‌ده اوجاغین
 اوستونده ایدی . دوروب اوجاغی یاندیردی . سفره‌نى آچیپ ، دونندن
 قالمیش قورو چورهك قیرینتیلارینی دوغرایب کاسایا توکدو . گون چیخمیش ،
 شوربا قازانچاسى تزه جه قاینارا دوشموشدو که ، مارال یوخودان آیلدی .
 گوزلرینی اوووشدوروب ، بیر شئی ایتیرمیش کیمی یان — یوره‌سینه باخدی .
 آتاسینین یئرینی بوش گوردوکه ، ناراحت بیر حالدا آناسینا دوندو .

— آناجان ! آغام گلمدی ؟ دئییه ، سوال وئردی . لاله ائشیتسه‌د،
 دوتولدوغوندان ، قیزنین سوالینا جواب وئره بیلمدی . عیوضین حوصله‌سیز ،
 — ماما ! . . . دئییه ، آغلاماغا اوخشار سسی اوجالدی . لاله ،

— جان ! دئيرمك — اوزونو اونا يئتيردى . كورپه سيني قوجاغينا —
 آلا راق ، نوازشله ال اوزونو يودو . مارال هر شئى آنلايردى . آج اولسادا
 اوزونه گتيرمير ، آناسينين دردينه شريك اولماغا چاليشيردى . آنجاق ،
 عيوض " آجام ! " دئيه ، آياغيني يئره دويوب ، يئمك ايستميردى . لاله ،
 — قربان اولارام ! بو ساعت . دئيپ ، قازانچانى اوجاغين لوستوندن
 گوتوردو . شوربانين سويونو ، دوغراميش اولدوغو چورهك قيرينتيلارينين
 اوستونه توكرهك ، كاسانى اوشاقلارين قاباغينا قويدو . اوزو ايسه ، يانلاريندا
 ديزلرينى قوجاقلايپ ، اوتوردو . اونلارين اشتها ايله يئمكلرينه
 تماشا ائتميه باشلادى . مارال آناسينين يئمديگينه متوجه اولدو . قاشيغى
 يئره قويوب ، معنالى بير باخيشلا آناسينين اوزونه باخماغا باشلادى . لاله
 تعجبيله ،

— نيه يئميرسن ، ماراليم ؟ ! دئيه ، سوروشدوقدا ، قيز كوسگون بير
 حال آلا راق ،

— بس ، سن نيه يئميرسن ؟ آج دگيلسن ؟ ! سن يئمەسن ، منده
 يئميه جگم . دئدى . قيزينين قايغيى آنا اورمىنى يومشالتدى . يـاز
 بولود و كيمي دولموش گوزلرينين ياشيني گيزلتمك اوچون ، قاشيق بهانهسى
 ايله آياغا دوردو .

— سيز يئين ، منده گليرم . دئيپ ، اوزونو كنارا چكدى . چرقتينين
 اوجو ايله گوزلرينى قورولايب ، اوشاقلارينين يانينا دوندو . آشين دورولوغو ،
 دهنين يوخلوندان ايسه ، شوربانين دورولوغودا چورمين يوخلوغوندا ن
 ايدى . صبهانهنى يئيپ ، قابلارى يودوقدان صورنا ، لاله چادراسينى
 باشينا اورتدو .

— من قايدانا كيمي قارداشين گوزله . بوردا جا اوپناين . دئيپ ،
 چرقتينين اوجونو آچدى . بير بئش قرانليق گوتوروب مارالا وئـردى .

— آجساز، چورهك آلا رسان . دئديكده ، مارال هيجانلا ،

— سن هارا گنديرسن ؟ !

— آتانيں دالينجا . آخى ، گورهك هاردا قالدى . دئيىب ، ساغ
اليله قيزينيں پوزغون تئللرينى سيغاللادى . اوزوندن اوئوب، يولادوشدو
لاله ، قدرتين ايشلديگى يئرى تانييردى . او ، تجارتخانه نيىن
قاباغينا چاتاندا ، دكانلار آچيلميشدى . هر كس اوز ايشينه مشغول ايدي
او ، سيخيلا — سيخيلا بير — ايكي نفر دن قدرتى سوروشدو . آنجاق ،
دوزگون جواب وئرهن اولمادى . نهايت ، بير ساتيجيا مراجعت ائتدى .

— آغا ! من قدرتين عيالييام . دئديكده ، ساتيجى دقتله اونبو

گوزدن كئچيرتدى .

— نه بويورورسوز ، خانم ؟ !

— آخى ، قدرت دونن ائودن چيخديغيدير . گئجه ده ائـوـه
قايتمايىب . دئديم گوروم باشينا نه بلا گليب . ساتيجى آغيز — بورنونو اگدى
— نه اولاجاق ؟ دونن شئى آپاردىغى ائودن اغورلوق ائديب .
دوتوب ساليبلار زندانا . دئديكده ، ائله بيل لاله نين باشيندان بيىر
قازان قاينار سوجالاديلار . شاشقين بير حالدا ،

— اغورلوق ائديب ؟ ! ائله بيل كه ، بو سوالى اوزو — اوزونـه
وئيردى . بيردن چيلغين بير حال آلدى . — يوخ ، يالاندير ! . . .
قدرت اغرو دگيل ، يالاندير ! دئيه ، ائله بركدن چيغيردى كه ، سهسى
بوتون تجارتخاناييادوشدو . هامى ، حتا يولدان اوتئلربئله ، دايانيىب
حيرت ايچريسينده اونا باخماغا باشلاديلار . لاله وحشى مارال كيىمى ،
دورت بير طرفينه بويلاندى . تانيش بير قيافه تاپمادى كه ، اورمىنى اونا
آچسين . درد دن آزاليردى كه ، اورمى پارتلاسين . اميد سيز بير حالدا ،
هونگورتو ايله ، آغلایا — آغلایا اوردان چيخدى .

لاله‌نین تورا دوشمیی

معلوم اولوغو کیمی، ۱۳۲۷- نجی و ۱۳۲۸- نجی ایللرده باش وئرمیش قوراخلیق نتیجه‌سینده آن‌ریایجان کندلری قحطلیگه دچار اولموشدو. آجلیق، رحمسیز بیر جلاد کیمی، اوز کرنیسینین حرکتی گتیریب، قاباغینا گلەنی اوت کیمی بیچیردی. بویله بیر شرایطده دایانیب باخماق، آداما اوزو - اوز کفنینی بیچمک کیمی ایدی. اجل کرنیسینین آغزیندن قورتارماق اوچون، باش گوتوروب قاچماق - اوزاقلاشماق لازیم ایدی. بونا گورده، ان اوزاق کندلردن بئله، شهرلره د و غرو بیر آخین باشلادی. متاسفانه، شهرلرده وضعیت یاخشی دگیل ایدی. اقتصاد ی بحران، ایشسیزلیک، گنجیه قارانلیغی کیمی شهرلره چوکموشدو. بونا گوره، چاغریلما میش قوناقلاردان پذیرالیق چتین ایدی. اوز زحمتلری ایله دنیانی بزمیب، دویوزدوران، الی قابرلی، وقارلی انسانلار، کوچه‌لره داغیلیمیش، یئرسیز - یورتسوز، آج و چپلاق، - "آغالار، آجام!" دئییه، بیر تیکه چوره‌ک اوچون، ال آچماغا مجبور اولموشدولار.

پایزین عمر و صونا چاتدیقجا، وقتسیز اولوم داهادا آرتیردی. هر گون سحر آچیلاندا، کوچه‌لرده پناه‌سیز انسان جسدلری گورونوردو. بو دوزلمز فاجعه دیلدن - دیله دوشدو. حکمدلارین - داقولاغینا چاتدی: "دیلمچی الیندن ترینمک اولمور" حیثیتیمیز لکه‌لنیر. "هر طرفدن اوجالان اعتراض سسلریندن وحشته دوشدولر. بویوک شهرلرده "ایستی‌خانا"لار دوزلدیلمه‌سی امری وئریلدی. مامور اولونموش پلیس دسته‌لری خیابانلارا دوشوب، کندلی عائله‌لرینی، آرواد، اوشاق، قوجا - جوان، هامیسینین بیر اسیر کیمی قاباقلارینا قاتیب، "ایستی‌خانا"لارا هایلایردیلار. بو "ایستی‌خانا"لاردان بیریده تیریزده ایدی. پلیس دسته‌سی قاباغینا گلەنی قویون سوروسو کیمی، "ایستی‌خانا" یا سوروردو.

د اغلار د الداسیند ان اوینایب قالخان بوز بولود لار گونه شین
 قارشیسینی د وتموشد و . گویده قاریلد اشاراق، دسته ایله اوچوشان قارغالار
 قارلی - بورانلی بیر گله جکدن خبر وئیردیلر . لکن ، بو طوفان ، طالعی
 سونموش لاله نین قلبینده . قوپان فیرتینانین دهشتی قدر گوجلودگیل
 ایدی . او ، تجارتخانادان یارالانمیش بیر آهو کیمی ، چیخدی . اوزونو
 اوشاقلارینین یانینا یئتیرمگه جان آتیردی . ببردن پلیس دسته سینه راست
 گلدی . او ، هر شئیدن خبر سیز ، قارا گونه آغلایرکن ، زنداندان
 قاچمیش بیر جانی کیمی ، اوزونو پلیس محاصره سینده گورد و بیر - بیرینین
 دالینجا ، باشیندان انن قضا یومروغو اونو گیجلمیشدی . ایتهلویه -
 ایتهلویه ، اونودا آپاردیقلاری کندلی عائله لرینه قاتدیلا . لاله بی -
 خطری د وید و . چیلغین بیر حالدا .

- من گتیمیرم ! . . . منی هارا آپاریرسیر ؟ ! دئیپ ، آداملاری ،
 یارا - یارا دسته دن قاچماق ایستدی . آنجاق ، ال - قول آتماقلا
 دوشد و یو توردان قورتولماغی ممکن دگیل ایدی . مامورلار یالوارماغا
 اونلاری اوز د ردیندن حالی ائتمگه چالیشدی . درد آنلایان ، دیل
 بیلن کیم ایدی ؟ . . . اونلار فقط ، اوز ماموریتلرینی یئرینه یئتیرمک ،
 کند لیلری " ایستی خانا " یا آپارماقدان باشقا آیری بیر شئی دوشونموردولر .
 مامورلارین سویوق قانلیلیغی و دیغوسوزلوقوندا لاله لاپ داریخدی .
 - آماندیر ، رحم ائدین ! بالالاریم قالدی ! . . . دئیپ ، قوپاردیغی
 فریاد بئله ، دادینا چاتمادی .

یالغیز مارال

لاله قدرتین دالینجا گتدیکدن صورنا ، مارال عیوضین باشینی
 اوینا ماقلا قاریشدیرماغا چالیشیردی . آنجاق ، وقت کئچدیکجه کوریه نی -

شيلتاقلينغى آرتير، مارال اوچون، دارىخد يريجي اولورد و . اوشاغين
د وزومسوزلويو، اوبيري طرفد نده، لالهين گنجيكمى مارالين اوزونده ده
بیر نگرانلىق و قورخو د غورموشد و . عيوضى دالينا آليب، يانلاريني باسا-
باسا، آناسى گدن طرفه چيخير، گوزلرينى يولا تيكمكدن يورولوب -
اوساناراق، اوزوده عيوضه قوشولور، زار - زار آغلایردى .

سحردن برى قارشيسينا بولود قاتلاريندان پرده چكيلميش گونش،
د اغلارين دالينا چكيلد يکجه، آجى يئل مارالين پوزغون تئللرينى اويناد-
اراق، آل ياناقلاريني داهادا بوزارد يردى . هوا ياواش - ياواش قارالير،
آرابير ايتلرين بوغونوق سسلرى ائشيد يليردى . مارال اميد سيز بير حالدا،
خرابيه دوند و . آغلاماقدان اوزگون دوشموش عيوضى يوخو آپاردى . تكلېك،
خرابهليک، گنجهنين قارائليغى و آتا - آنا نگرانليغى، ال - اله وئريب،
قودوز ايت كيمى، اونا ديش آغارد يردى . قورخو و هيچانيني آرتيريردى .
هر شئيدن اوزونو قوروماق، مد هس خياللاردان ياخا قورتارماق اوچون،
يئرینه گيريب يورغانيني باشينا چكدى .

سحرين سويغو اونو تئز اوياتدى . گوزلرينى آچان كيمى، آناسينين
يئرینی يوخلادى . دوداقلارى بوزولد و . گوز ياشى ياناقلاريني ايسلاتدى .
- من نه ائديم، آي آلاھ ! دئيه، اوز تانريسي ايله درد - ديل
ائتميه باشلادى . بو حالدا، عيوضين زاريلتيسي قولاغينا دگدى . تئز
دوروب اونا ياخينلاشدى . ندنسه، عيوضين ياناقلارى قيزارميشدى . گوزلرينى
آچيب،

- آنا ! . . . دئيپ، يئنه يومد و . مارال اونون يئنيدن ياتد -
يغيني گوروب، چورهك فكرينه دوشد و . دونن آناسى وئردىكى بئش قرانين
ايكى قرانينا چورهك آلميشدى . اوچ قرانى هله جيبينده ايدى .
تئز دوروب اوزونو چوركچيه يئتيردى . چورك آليب، سرعتله،

بویوک بنا ، آغزینا کیمی ، کندلی عائله‌لری ایله دولدورولموشدو . بسورا
 " ایستی خانا " ایدی . دمیر دروازه‌نین قاباغیندا ایکی نفر سلاحلی
 کئشیکچی دایانمیش ایدی . گئنیش حیطین منظره‌سی ، اسیردسته‌لرینین
 دوشرگه‌سینی گوز اونونده جانلاندیریردی . کیشیلر اللری قوینوندا ، باش-
 باشا وئریب ، دردله‌شیردیلر . " گوره جک گونلریمیز وارایمیش . " دئیسه ،
 طالعین اونلار اوچون آچدیغی اویونو ، داها نهلر توخویاجاغینی دوشونور ،
 اوز قارا گونلرینه آجییردی‌لار . آروادلار ، گلینلریودوقلاری کهنه اوشاق
 اسگیلرینی سریر ، اوشاقلار قیدسیز بیر حالدا اوینایردی‌لار . اوطاقلارین
 وضعینه گلدیکده ، دوزولمز ایدی . هر اوطاغا دورت - بئش عائله
 یئرلشدیریلیمیشدی . ایی - قوخدان باش گیجه‌لیردی . بیت ، قاریشقاکی ،
 قایناشیردی . هر طرفده مریضلرین زاریلتیسی ائشیدیلیردی . گونده
 بوردان نئچه - نئچه انسان جسدلری چیخاریلدیغیندان ، خلق آرا -
 سیندا بورا ، " ساللاه خانا " آدی وئریلمیشدی . آنجاق ، " ایستی خانا " ،
 " ساللاه خانا " دان داها آرتیق ، بیر زندانا اوخشایردی . چونکه ، بورا
 دوشنلر اوز آزادلیقلارینی تماما " الدن وئرمیش اولوردولار . بیر محبوس
 کیمی ، هئج کسین ائشییه چیخماغا حق یوخ ایدی .

بیزیم بختی دنوموش لاله‌نیده گتیریب بو " ایستی خانا " یاسالدی‌لار .
 او ، اووچو تورونا دوشموش مارال کیمی ، اوزونو هر طرفه آتیر ،

- بالالاریم قالدی ! . . . دئییه ، فریاد قوپاریب ، اسارتدن قور-
 تارماغا جان آتیردی . هر دفعه ، قاپیچیلارین تحقر ، بعضا " ده ، کوتکلرینه
 معروض قالیردی . بالاسینی ایتیرمیش آهو کیمی ، حیطده جولان ووروردو .
 اونون یادینا نه یئمک ، نده یاتماق دوشوردو . بوردا اولان قاریلار ، گلینلر
 اونون دوره‌سینی آلا راق ، مین دیل ایله اونا تسلی وئریب ، اوووندورماق
 ایستیرکن ، مات - مات اونلارین اوزونه باخیر ، درد آنلایان گوروب ، بیر

آز توختایردی . اما بیردن ، یئنه خرابه‌لیک ، باشسیز قالمیش اوشاقلارینی
خاطرلایردی . ائله بیل که ، بالالارینین آغلاماق سسی قولاغینا گلیـر ،
یئریندن سیجریایب ، یئنه فریاد قوپارماغا باشلایردی . او ، بوتون گونو
آغلادیغی کیمی ، گئجه نین لال قوینوندان انا له سی ، مریضلرین زاریلتسینی
بوغوردو .

لاله ایکی گون — ایکی گئجه بو منوال ایله کئچیندی . مامورلار
اونون سوزلرینه قولاق آسیب ، دردینه قالماق عوضینه ، " ده‌لی " آدی
وئردیلر . دوتولدوغونون اوچونجو گونو ایدی . سحر ساعت دوققوزا یاخین
ایدی . یوخوسوزلوق ، آه و ناله‌دن اوزولموش ، ازگین بیر حالدا ، ایکنجی
طبقه‌ده ، بنانین گون چیخان طرفینده ، پنجره‌نین قاباغیندا اوتورروب ،
معلول — معلول ، ملی میداندا دوغرو باخیردی . نچه گوندن بری ال
دگمه‌میش ، پوزغون تئللری اوزونه داغیلیمیش ایدی . بنزی سولموش ، ایری
آلا گوزلری ، اوزونو کول اورتמוש کؤز کیمی ، سونوک گورونوردو . آنجاق ،
روحی یئنه‌ده بالالارینین باشی اوزرینده قاناد چالیردی . بیردن گوزلری
بویومگه ، یاواش — یاواش یئریندن قالمیغا باشلادی . دوتغون چهره —
سینده سئویج اوینادی .

— اودور ، اودور ! منیم قیزیمدیر ! مارال‌دیر ! ... گلیـر . باخ ،
بو طرفه گلیـر . یانیم گلیـر . دئیـب ، دقتله اونا باخماغا باشلادی . بیرآندا
شادلیق جیزگیلری اوزوندن چکیلدی .

— گور نجمه‌ده پوزغوندور . آه ! آغلایـر . یوخ ، او ، دوندو
او طرفه ، دئیـب ، گوجو گلدیکجه ،

— مارال ! ... دئیـه ، باغریب ، یئره سریلدی .

بویله‌لیکله ، خد متجیلر اونون ده‌لی اولدوغونو ثابت ائتدیلر .
آنجاق ، لاله یانیلمایردی . اوگوردویو اوز قیزی ایدی . مارال قارداشینین

اؤلوموندن وحشته دوشوب، آناسینین دالینجا . گلیب بورا چیخمیشدی
 او . آناسینین " مارال " " دئییه جیغیراندا ، سمسینی ائشیدیب
 دایادی . آنجاق ، یوسس هاردان گلدیگینی و نیه کسیددیگینی بیلمدی .
 یکیدن ، پهلوی حیایانینا دلف یوللاندی .

امیدین تلاشی

قدرتله امید نههار وقتینه گوروش تعین ائتمیشدیله . بیرلیکده، قدرته
 اوطاق آختارماغا گنده جک ایدیله . گون اورتا آزانلی اوجالاندا ، امید
 تجارتخانانین قاباغیندا ایدی . تجارتخانا مدیری حاج خانلا اوز – اوزه
 گلدی . حاج خان اوجا بویلو، شیک گئیملی ، خوش قیافه و خوش اخلاق
 بیر آدام ایدی . امید گورن کیمی ، احتراملا اونون الینی سیخدی .
 احوالینی سوروشدوقدان صونرا ، دوستجاسینا گیلئی ائتمیه باشلادی .
 — من هئج گمان ائتمیردیم که ، سن معروفچولوق ائتدیگین آدام
 بئله چیخا . دئدیکه ، امید تعجبله اونون اوزونه باخدی .
 — مگر نه اولوب ؟ دئییه ، حقیقتی آنلاماق ایستدی .
 — دئیرلرکه ، دونن چنگیزخانین ائوپنه شئی آپاریب ایمیش . امید
 اونون سوزونو کسدی .

— دئدین چنگیزخانین ؟ . . . دئییه ، تعجبله سوال وئردیکده ،
 حاج خان ،

— بلی ، بلی ! چنگیزخانین . ائودن چیخاندادا بیر آلماس
 اوزوک چالیمیش ایمیش . گرفتار اولوب . دئییب سوزونو قورتاردیقدا ، امید
 تمام اعتمادلا ،

— جناب حاج خان ! اینانمایین ! قدرت تمیز بیر آدامدیر . ممکن
 دگیل اونون الی اوغورلوغا آچیلا .

— دئیرلر پلیس اوزو اوزویو اونون جیبیندن چیخادیب . بونا نجه اینانمایم ؟ دئدیکده ،

— چنگیز خانلا قدرتین دشمنچیلیگی وار . من یقین بیلیرمکه، قصدا^۱ بونا قره یاخیبلار . دئییه، وئردیگی جوابدان ، حاج خان فکره گئتدی .
— یعنی دئیرسن ایشده حيله وار ؟

— شبهه سیز !

— کاشکی ائله اولایدی . یاخشی اوغلان دیر . اونون لکه لنمیی بیز-
هده توخونور . دئییب ، امیددن آیریلدی . امید کئفلی آداملار کیمی ،
اوزونو کنارا چکیب ، بیر آرز فکره گئتدی . اورمی دوتولموش ، قاشلاری
چاتیلیمیش ، متفکر بیر قیافه آلمیشدی . اوز — اوزونه ،

— بیچاره قدرت ! یئنه ده اونون تورونا دوشدون ؟ . . . دئییب ،
سوسدو . گوزلری خیابانین بوشلوقوندا چیرپینیرکن ، قطعی بیر سسله ،
— یوخ ! من اونا کمک ائتمه لیم ! دئییب ، یولا دوشدو .

اونون یادینا اوز عمو اوغلو سو پرویز دوشموشدو . او ، شهربانیده
جنایت شعبه سینین رئسی ایدی . نهار وقتی اولدوغوندان ، شهربانسی
دهلیزینده و دفتر خانادا گئت — گل آز ایدی . امید قاپینی دویموب ،
ایچری گوردی .

— سلام ، پرویز خان ! دئدیکده ، پرویز باشینی ایشدن قالدیردی .
— علیکه سلام ! به به ، نه عجب ؟ دئییه آیاغا قالخیب ، گولر اوزله
اونو قارشیلادی . امید اوتوروب ، قدرتین باشینا گلنه اونا سویله دی . و
اضافه ائده رک ،

— من سنین یانینا گلمه میشم که ، منیم خاطریمه بیر اوغور لوغون
اوستونه پرده چکه سن . منیم سندن خواهشم بودور که ، حقیقتی روشن
ائده سن . بهتانان دوتولموش بیر بد بخته نجات وئره سن . دئدی . پرویز

د وروب یان اوطاغا کئچدی ، بیر آز کئچمه میش ، قدرتین پرونده سی الینده
 گئری دوندو . میزینین دالیندا اوتوروب ، پرونده نی گوزدن کئچیرتدی .
 صورنا زنگی چالیب ، کئشیکچییه قدرتی گتیرمه یی تابشیردی . پرویزیــــن
 رفتاری امیدین اورمینی ایشیقلا ندیرمیش ایدی . چوخ چکمدی که ، قدرتی
 گتیردیلر . بو بیرگونون تصادفی اونو ، او قدر سیندیرمیشدی که ، مریضخا-
 نادان چیخمیش ، بیر آداما اوخشایردی . او ، امید ی گورنده اوزوایشیقلا-
 ندی . اوز باشینین قضا سینامی ، یوقسا دوستونون وفاسینامی ، اختیارسیز
 گوزلری دولدو . پرویز ،

— اوتور . دئییه ، اونا یئر گوستردی .

قدرت چنگیزخانلا نجه اوزبه — اوز گلدیگینی ، آرا لاریندارد بدل
 اولان سوزلری ، صورنا نوکرین کوچه ده اونا چاتیپ ، پول وئرمگینی اونونلا
 کوچه باشینا قدر گتدیگینی ، ائله جه ده ، پلیس اوزویو جیبینــــــدن
 چیخاتدیغینی بیربه — بیر سویله دی . رئیس اونو دقتله دینلمیردی .
 — سن وورمادین ، من یخیلما دیم . بس اوزوک هاردان جیبیــــوه
 دوشدو ؟ دئییه ، سوال وئردیکده ، قدرت باشینی آشاغی تیکدی . سانکه ،
 بوسورغویا جوابی یوخ ایدی . رئیس ،

— نوکر سنینله کوچه باشینا کیمی گگدنده ، سنه چوخمو یاخینلا —

شیردی ؟

— لاپ یاناشی گئدیردی . هی منه سورتونوردو . دئییه ، قدرت
 جواب وئردی . رئیس اوتوردوغوئردن دوردو . اللرینی دومبوزو اوزرینده
 چاریازلایب ، اوطاقدایکی باش ، اوطرف — بوطرفه قدم ووردو . دایانیب ،
 بارماقلارینین آراسیندا اودو سونموش سیغارینا آتش ووردو . بیر نفــس
 چکدیکدن صورنا ،

— بس بئله . . . دئییب ، قدرته طرف دوندو . امیدوارام که ، اوز

د وغرولوغونو ثوب ائده بيلهسن .

— سنه قربان اولوم ! تولکو— تولکولویونو ثبوت ائدینجه ، دریسینی
بوغازیندان چیخاردیرلار . منیم اوشاقلاریم باشسیز قالیب . آماندیر !
دئدی . — رئیس !

— من اوز سیممی ائده جگم . دئییب ، زنگی چالیدی . کشیکچی
داخل اولوب ، قدرتی آپاردی . رئیس ،

— سن یقین بیلیرسن که ، بو آدام دوز آدمدیر ، اغورلوق ائتمز؟
دئییه ، امیده سوال وئردیکده ،

— من اونو پاک بیر انسان تانیمیشام . او آجیندان اولسهده ، الی
اغورلوقا آچیلماز . دئییه ، جواب وئردی . پرویز فکره گتدی . او ، چنگیز
خانین نفوزینی بیلیردی . اونونلا طرف اولماق ائلهده ساده بیر ایش
دگیل ایدی . هر یئرده سوزو قیلینجدان کسگین ایدی . اونون بیر قورو
سفارشی ایله چوخ قفلر باطل اولوب . جنایتکارلار ، گناهسیز قلمه وئرلیب .
او ، هر مسئلهنی آسانلیقلا اوز خیرینه حل ائده بیلر . عین زماندا ، اوز
عمو اغلوسونادا خدمت ائتمک ایستهیردی . آخی او ، هئچ وقت اونون
یانینا خواهشه گلمه میشدی . امید اونو فکده گورد وکده ،

— پرویز خان ! اونوماکه ، بو بهتانین اوستونو آچماقلا ، بییر
عائلهنی حتمی بیر سقوطدان قورتارمیش اولورسان . دئدیکده ، پرویز
هوسله سیزلیکله ،

— بیلیرم ، بیلیرم داداش ! دئییه ، امیده جواب وئردی . سانکه ،
وجدان صداسی ، اونون قورخو و محافظه کارلیغینا غلبه چالمیشدی .
— سن آرخابین اول . گئت . صباح ایشی آیدینلاشدیرارام .

— بس ، قدرتی منه ضامنه وئر .

— آید وارام که ، صباح زمانتسیر سنه تابشیرا بیلیم . دئییب ،

کولراوزله امیدین الینی سیخدی .

همین گونون آخشامی پرویز تحقیقاتا باشلادی . اول اوزویو قدرتین جیبیندن چیخاردان پلیسی دانیشدیردی . اثرتهسی گونو ، چنگیزخانین نوکرینی دانیشدیردی . او ، قدرتین سویله دیکلریندن و ایشین گلد — یشیندن آنلامیشدی که ، چنگیزخان اوزویو نوکرین الیه قدرتین جیبینه سالدیریب . آنجاق ، نوکر بوینونا آلمیردی . پرویز صنعی بیر صحنه دوزلدیب ، اوز ایشچیلریندن بیرینی ، نوکرله اوز — اوزه قویدو . بویله لیکله ، نوکر د روازادان چیخیب قدرتی سسلدیگینی ، اونونلایاناشی کوچه باشینا گئدیرکن ، اوزویو اونون جیبینه سالدیغینی گوردویونو دئدیکه ، نوکر وحشته دوشدو . پرویز اونو آغیر شکنجه و زندان جزالاریله هدهلدی . صونرا ، قیلیغینا گئریب ،

— دوزونو دئسن ، آزادسان . یوخسا ، زندانلاردا چوروده رم . دئدیکه ، نوکر آغلار بیر حال آلدی .

— واللاه ، منیم تقصیریم یوخدور . آغا بویوردو ، منده ائلدیم . دئیرهک ، یالوارماغا باشلادی . نوکر گناهینی بوینونا آلندا ، آخشام اولموشدو . اداره لر باغلانمیشدی . امید دهلیزده صبر سیزلیکله ، قدم ووروردو . او ، نوکرین اعتراف خبرینی ائشیتدیکه ، سئوینجیندن قوشکیمی قانات آچدی . بیر آز پنیر و چورهک آلیب ، قاپیچی ایله قدرته گوندردی . صبح آزاد اولوناجاغینی اونا یئتیردی . اوردان بیر باش حاج خانین یانینا قاچدی .

— من دئمدمی ، قدرت تمیز آدامدیر . دئییه ، جریانی اونا سویلهدی . البته ، حاج خانا خبر وئرمگی ، قدرتین ایشی الیندن چیخماماغی خاطرینه ایدی .

سولموش چيچك

سحر تئزدن امید رئیسین قاپیسینین آغزینی کسمیشدی . ساعت
دوققوزا آزالیردی . پرویز امید ی چاغیزیب ، قدرتین آزادلیق قرارینسی
اونا وئردی .

— موفق اولون ! دئییه ، اونویولا سالدی . بویلهلیکله ، قدرت
تلهدن قورتولدو . او ، امید ی قوجاقلایب اؤپدو .

— بیلیم سندن نجه راضیلیق ائدیم . سن منیم بوینوما قارداشلیق
حق ی قویدون . اولهنه کیمی بو یاخشیلیغینی اونوتمازام . دئییه ، امیددن
راضیلیق ائتمگه باشلادی .

— بو منیم وظیفم ایدی . آنجاق ، آتی اول که ، بیرده بئله تللییه
دوشمویهسن . دئییب ، گولدو . اونلار بیرلیکده خیابانا قدر گلدیلر . قدرت
اؤزونو اوشاقلارینا یئتیرمگه تلهسیردی . ال وئریب ، آیریلماق ایستدیکده ،
امید اونون الینی بوراخمادی .

— دایان ، دوستوم ! دئدی . — هوالار سویوبوب ، بوندان صورنا
آچیق هوادا یاشاماق اولماز . ائویمیز کیچیکده اولسا ، هلهلیکده کئچینه ریک
یاخشیزی بودورکه ، باهم گندیب اوشاقلاری یغیشدیریب بیزه آپاراق .
دئدیکده ، قدرت بیر آزار دوروخدو .

— سن منی حدیندن آرتیق اوتانديریرسان . آخی . . . امید
اونون سوزونو کسدی .

— هئچ دانیشمیا جاقسان . گئدهك ! دئییب ، اونون قولونندان
دوتوب ، یولا دوشدولر . اونلار قاری کورپوسونون اوستوندن کئچیب ، کوچ
سالدیقلاری خرابیه یاخینلاشاندا ، ” لاله ال الله ” لاله ال الله ” سسلی
اوجالیدی . چیگینلرینده تابوت ، کیچیک بیر ازدا هام ایله اوز — اوزه گلد .
یلر . قدرت هوپوخموش بیر حالدا ، دایانیب دقتله اونلارا باخسیدی .

قورخاق آد ديملارله ايره ليله يرك ،

— بوندير ؟ ! اولن كيمدير ؟ ! دئيه ، شاشقين بير حالدا ، سوال
وئرديكده ، ازدحام داياندى . تابوتى يئره قويد ولا ر . قدرت وورغون بير
حالدا ، شاشقين بير وضع آلد يغيندان ، هرشئى آنلاشيليردى . اونون
اورمى شد تله دويونور ، وجودىنى مد هش بير قورخو بوروموشد و . او ، اللرى
تيتريه — تيتريه ، جنازه نين اوزورينه چكىلميش آغ اورتويو كنارا وورد و قدا ،
ايلان چالميش آدام كيمى سارسيلدى .

— آه ! . . . ائديب ، گوزلرينى يومد و . — آمان ، اى بويوك تاترى !
دئيب ، آياق اوسته دورد و . يغينجاغا مراجعتله ، — بس بونون آناسى
هانى ؟ ! دئيه ، وئردىكى سوالا جواب آلماد يغيندان ، هيچانلا اوزونو
خرابيه آتدى . " لهله كوچوب ، يورد و قاليمشدى . " يئره سالينميش يورغان ،
دوشكدن و پوزغونلو قدان باشقا هئچ بير كس يوخ ايدى . باسقين اولو —
نموش بير يوردا د و نموشد و . يئنه گئرى دوند و . — آماندير ، منه رحم
ائدين ! دئين گوروم بونلارين باشينا نه گليب ؟ بس بونون آناسى —
باجيسى هانى ؟ دئيه ، سوال وئرديكده ، بير آغ صاققال كيشى قاباغلا
گليب ،

— اوغلام ! اوزووه توخداقلىق وئر . بيز بوكوريه نين جسد يند ن
باشقا هئچ كسى گورمه ميشيك . اوشاقلار گليب خبر وئرديلر . يوخسا ، هئچ
بونندان خبر يميز اولموياجاغيدي . قدرت اود لو بير آه چكرهك ، ديزى
اوسته تابوتون قاباغيندا يئره چوكد و . سانكه ، دوره سينه يغيلميش بـ
آداملار ، بويوك بنالار حتا ، اوزاقلاردا گويه باش قالد يرمىش داغلار بئله ،
اونون اوستونه گلير ، باشينا توكله جگيدى .

— منم عيوضيم ! سولموش چيچگيم ! دئيب ، دوداقلارنى اونون
سارالميش اوزونه ياپيشد يردى . يغينجاچا گئتديكجه آرتيردى . اميد

قدرتین باشینا گلهنی قیسا بیر صورتده اورد اکیلارا سویلدی . بیر جوان اوغلان ایرهلی گلیب ، اوچ گون بوندان قاباق " ایستی خانا " یا " آپاریلا — نلارین ایچینده بیر گلین " بالالاریم قالدی " دئییه ، فریاد ائتدیگینی و نشانلارینی سویلدی . صونرا ، اون ایکی — اون اوچ یاشلاریندا بییر اوغلان اوشاغیدا ، بوگون سحر تئزدن بیر قیزین آغلایا — آغلایا بوردان گئتدیگینی گوردوم . اونون او حالدا ، بوردان اوزاخلاشدیغینی گورنده ، من ماراقلانیب بورا گلدیم . بو اوشاغین اولوسونو گورنده ، قاجیب جماعته خبر وئردیم . " دئدی .

قدرتین باشینین قضاسی و بد بختلیگی هامینی متاثر ائتدی . جنازهنی گوتوردولر . بویلهلیکله ، او آچیلما میش غنچهنی آنا تورپاق اوز قوینونا آلدی .

انتقام

قبرستانلیقدان دونن کیمی ، امید بوتون ناحیهلره تلفون ائتدی . مارال بئشینجی کلانتیریده اولدوغونو اوگرندی . قدرتله بیرلیکده ناحیهه گلدیلر . مارال بیر طرفده اوتورموشدو . رنگی قاجمیش ، آغلاماقدان گوزلری شیشمیش ، گونلر — هفتهلر یورغونو کیمی ، سوست دوشموشدو . قدرتی گوردوکده ، جانا گلدی .

— آنا جان ! دئییب ، آغلایا — آغلایا اوزونون قوجاغینا آتدی . قدرت اونو باغرینا باسیب ، ساکت ائتمگه چالیشیردی . بوغازی قوروموشدو . غم و کدرین چوخلوغوندان ، نطقی کیسیلمیشدی . اودورکه ، اونون سولموش یاناقلارینی دونه — دونه اوپمکله ، توخدا تماغا چالیشیردی .

گون باتماغا آزالیردی . امید ایله قدرت مارالیدا گوتورروب ، " ایستی خانا " یا گلدیلر . لالهنین سوراغینی دوتدوقدا ، بوگون دهلی

خانایا گوند ریلدیگینی خبر وئردیلر . قدرت روزگارین د البادال اونا
 ایچیرتدیگی آجی شرابلاردان گیجلمیشدی . امید قدرته مارالی ائولرینه
 گتیردی . امیدین ائوی " دیک باشی " دئیلن محله ده اوج اوطاقلی کیچیک
 بیر حیط ایدی . قوناقلاری آناسینا تابشیریب ، اوزو قدرت کوچ سالمیش
 اولدوغو خرابیه قایتدی . اولوب — قالانلارینی بیر درشکمه دولدوروب ،
 ائوه گتیردی . شئیلری ، قدرت اوچون بوشالتدیغی اوطاغا یغدی .

تیما رستاندا گوروش ، جمعه گونلری ایدی . امید ایله قدرت چوخ
 گزدیکدن صونرا ، لاله‌نی خزان وورموش بیر بویوک چنار آغاجینین دیبینده
 تاپدیلار . او ، او قدر دگیشمیش ایدی که ، تانیماق چتین اولموشد و رنگی
 سولموش ، آریخلامیش ، تئللری پریشان بیر حالدا داغیلیمیشدی . او ، اوز
 — اوزونه دانیشیر ، گوزلری حیطین د رینلیکلرینده چیرپینیردی . قدرت
 اونا یاخینلاشدی .

— لاله ! . . . دئدیکه ، او دیسگیندی . قدرته طرف دوندو
 مات — مات اونون اوزونه باخاراق ، دوداقلاریندان آجی بیر تبسم قاجیر-
 تدی . صونرا ، یئنه قاباقجا باخدیغی طرفه دوندو . ایله نشان وئرهک ،
 — باخ ! منیم بالالاریمدیر . منیم مارالیم ، منیم عیوضیم ! دئییب ، آیاغا
 دوردو . چیلغین قهقهه لرله الینی اوزاتدیغی طرفه اوزاقلاشدی .

— لاله ! دایان ! منم ، قدرتم ! دئییه ، اونو دایان دیرماق ایستد
 آنجاق ، لاله اوز عالینده ایدی . هئج کسی تانیمیردی . قدرتین دیزلری
 سوسدالیدی . لاله یه طرف آچیلیمیش قوللاری یانینا دوشدو . لاله‌نی
 ایزلمین باخیشلاری یئره سانجیلدی . چهره سینده گوزلرینده امید سیزلیک
 بولود و حرکت گلدی . بو صحنه‌نی تماشا ائتمکده اولان امید ، هیکل کیمی
 دوردوغو یئرده جه ، قورویوب قالیمیشدی . ائله بیل قدرتین بوتون اضطراب
 و هیجانینی او کئچیریردی . اوز — اوزونه : — دغروندان دوزولمزدیر .

لعنت، بو فاجعه‌لری د و غوران دورانا ! لعنت ! ظلمه — ستمه . دئیب ،
قدرته د و غرو ایره‌لیلدی .

— عزیز دوستوم ! متاثرم . آنجاق نه ائتمک اولار ؟ دئدی که قدرت
باشینی قالدیردی .

— آرتیق ، هئج ! . . . ائویم داغیلدی . اوغلوم اولدو . بخت
اولد و زوم سوندو . دها نه ائده بیلرم ؟ بوندان صونرا منه اولوملا زیمدیز
دئدی که ، امید ،

— من سیزین دردینیزه شریکم . آنجاق ، اونوتما که ، بو بد بختلیک
بیر تک سنین و منیم باشیمداد گیل . بواجتماعی بیردرد دیز " ایستی خانا " یا ،
او بویوک محوطه‌یه د ولد و رولموش عائله‌لری گورم دینمی ؟ اونلارین هـ
بیرینین بیزیم کیمی فاجعه‌لی بیر سرگذشتی یوخد ورمو ؟ ! بیر اوووج رذیل
بوگئن د نیانی هامینین باشینا دار ائتمه‌یمی ؟ ! سن یا شامالیسان !
ساده بیر حیاتی سنه چوخ گورن اوزونون و عائله‌مین فلاکتینه باعث اولموش
آزغین ، قاری دشمندن انتقام آلمالیسان . امید دانیشد قجا ، قدرت
حالدان — حالا د و شور ، اوزونده چیرپینان مایوسلوق ، غصه چئوریلیدی .
سولموش یا ناقلا ریندا قان اویناماغا باشلایردی . او ، لاله اوزاقلاشدیغی
طرفه د و نرک ، — لاله ! آندایچیرم او ، پاک و مقدس عشقمزه ! غدار
دشمندن انتقامیمی آلا جاغام ! دئدی .

— باخ ، بئله ! . . . حیات اوزوانسانلاری قیرما جلایب ، آیلدیر .
ایرملی . مبارزمیه ! . . . دئییه ، حکم یازیر . — آنجاق ، اونوتما کی آلا جا .
غین انتقام ، بوتون ازیلنلرین انتقامی اولمالیدیر . استبداد ، ظلم — ستمه
قارشى اولمالیدیر ! دئدی .

وکیل سوزونو بویئرہ یئتیردی که ، خطابه میزینین اوزرینده اولان
سودان بیر لیوان د ولد وروب ایچدی . صونرا ، اوزونو د و غرولد اراق ، سو-

زونه بئله دوام ائتدی :

— قدرت چنگیز خانین الیله دالبادال دگن ضربه لردن سار —
سیلمیشدی . امیدین نه دئمک ایستدیگینی تحویل آلا بیلمیردی . بو آندا
اونون بئینینده ، اورمبند ه آلولانان اوز انتقامی ایدی . محترم حاکم —
بودور چنگیز خانلا قدرتین سرگذشتی . داها دوغروسو ، بیر رعیتله ،
اریابین فاجعه سی .

محترم حاکم ، چنگیز خانین اولومونده قدرته حق وئرمه سه لرده ،
اونو گناه سیز تانییا جاقلا رینا امید وارام . چونکه ، بوکیمی جنایتلری —
یارانماسیندا ، چنگیز خانلار اجتماعی مقصدیر . دئییب ، سوزونوقورتاردی .
سالوندا هل هله ، پوزغونلوق عمله گلدی .
— قدرت تبرئه اولونمالیدیر ! . . .

— تقصیر اولنده دیر ! و سائره ، . . . سوزلری سالونو دولسدوردو .
قدرتین سرگذشتی بیر تک تماشاچیلاری دگیل ، محکمه هیئیتینی ده متاثر
ائتدی . محکمه صدری آیاق اوسته دوراراق ،

— ساکت ! دئییه ، زنگی باسیب هامینی سکوته دعوت ائتدی . صونرا
تنفس اعلام ائده رک مشاوره اوطاغینا کئچدیلر . بویله لیکله ، قدرتی —
محاکمه سی قورتاردی . اونو اوج ایل زندانا محکوم ائتدیلر .

۱۳۲۹ شمسی

تبریز

هر طرفی آینابند ، مرمر دوشه ملی ، مجلل و بویوک سالوندا ، هر
 شئیدن اول ، ماهر رساملارین فرچاسیندان چیخمیش رومانتیق صحنه لر ،
 شهوت دویغولارینی قیدیخلایب اویادان عریان قادین تابلولاری نظرلری
 اوزونه جلب ائدی . پنچره لری ، رنگ به رنگ - ا لوان گوللر ، فواره لـر ،
 مجسمه لرایله بزنمیش ، گلزارلیغا آچیلیمیش بو ، بویوک سالونون یوخاری
 باشیندا ، قیزیل - گوموش ، داش - قاشلارلا بزنمیش قابلاردا ، اوزری
 جور به جور ایچگی و میوه لرله اورتولموش ده گرمی میزین دوره سینده ، ایکی
 نفر قیزغین صحبتیه مشغول ایدیلر . بونلاردان بیرى ، اورتا بویلو ، اوتوز
 اوچ - اوتوزدورت یاشلاریندا ، داخللی خولیا لارینین تأثیریندن نـاـرا -
 حتلیغینی گیزلده بیلممین ، مغرور گورونوشلو بیر آدم ایدی .

ایکنجیسی ایسه ، ساچلاری آغارمیش ، اوزو قیرخیخ ، داز باش، یاناخلا -
 رینین آلتی و بوخاغیندان ، جوانلیغین کوکلوپوندن بحث ائدن قات
 باغلامیش بوش قیریشیقلار ساللانان ، گوزلرینده عئینک ، قاری بیـــــ
 سیاستمدار ایدی . اولنجی دانیشاراق ،

- اولکهمیزده گوندن - گونه شدتله نن بو تلاطمی فقط ، سیزهاتیردا
 بیلرسیز . سیزین تدبیر و لیاقتیزه من اینانیرام . هندرسون و میدلتون
 جنابلارینین د ا اطمینانلاری سیزه دیر . دئدی . قوجا سیاستمدار نزاکتله ،

— شاهنشاه حضرتلرینین بنده یه قارشی اولان مرحمتلریندن سون
دره جهده منونم . گمان ائدیرم که ، بنده خاندانی سلطنته اولان صداقت
وفد اکارلیغیمی عملده نشان وئرمیشم . بنده ، یئنه ده شاهنشاه حضرتلر—
نین استدیگی کیمی ، ایران محورینی بارماغیملا دورا ائتدیره بيله جگیمه
اینانا بیلرسیز .

— جناب اشرفین مهارت و لیاقتی بیزه معلوم دور . آنجا ، خلقین
افکاریندا اویانان نفرت و عصیانکارلیق بیزی بیر آز ناراحت ائدیر دئدیکه ،
قوجا سیاستمدارین گوزلرینین دوره سینده صف باغلامیش قیریشیق—
یغیلدی . دوداقلاریندا خفیف بیر تبسم اوینادی . سانکه ، بونولا او ،
جوان شاهین ساده لیگینه گولمک ایسته یردی .

— خلقی اوز آرزو و ایستکلرینین دالینجا آزاد بوراخسان ، گرهک سیز
شاهلیقدان بیزده آغالیغیمیزدان ال چکهک . بویوک امپریالا را آرخالانان
بیر دولت الی یالین ، مدافعه سیز بیر یغین قویون سوروسوندن قورخاجاق ؟
... آذربایجان نهضتینی خاطرلایین . اودلو اسلحه لر ، دار آغاجلاری ،
هر ایشی دوزلدور . اونلاری سوسدورماق ، پهلوی دیکتاتورلوقونو دیریتمک
منیم عهدمه !

— آفرین ، جناب اشرف ! خلقین بوهیجان و احساساتینی فقط ،
اوز قانیله بوغمان اولار ! دئییب ، دوردو . سول الینده امضالانمیش فرمان ،
ساغ الیه اونون الینی سیخدی .

— جناب اشرفین موفقیتلری بیزیم آرزوموزدور . دئییب ، فرمانی اونا
اوزاتدی . قوجا سیاستمدار ایکی اللی فرمانی آلاراق ، گوزونون اوستونه
قویدو . یاغلی قویروق گیرینه دوشموش آج تولکو کیمی ، سئوینجک شاهین
حضوریندن مرخص اولدو . اونویولا سالاندان صونرا ، شاه ، گلزارلیغنا
طرف آچیلان پنجره نین قاباغیندا دایانیب ، کپرک چالما دان گوزلرینی ،

سود ره لرینی هواد اویناد ان فواره لره تیکمیشدی. سانکه ، فواره لردن قالخان
 سود املا لا رینین چیسگین یا غمورتک ، گول — چیچکلرین اوزرینه سپلندیگینی
 سئیراندیر، لذت آلیردی. آنجاق ، یوخ ! بود قیقهلرد هاونون نظرینی نه آلیاشیل
 گوللر — چیچکلر، نده انسانی تماشا یا چاگیران مجسمه لر، نده بیر — بیرینی
 یاریشا چاگیران فواره لر، هئج بیر اوزونه جلب ائده بیلمزایدی. اونون خیالی
 قبرستانلیق سکوتینه چئوریلیمیش بیر عالمده ایدی. اونون قلبینده آرتیق نه
 وطن و نده خلق محبتی و ارایدی. او، خارجی اربا بلارینا وئردیگی وعدهلر —
 صادق قالماق، ایرانی قانلی بیر محاربه میدانینا چئویرمک اوچون — آسیر — کسیر.
 آزادلیق ! دئییه، جوشان خلقین سینهمسیندن ، ککلیک تک قاققیلدا ای — ان
 آفتامات گولله لرینین آج دیغی قان فواره لریندن حظ آلیردی .

× × ×

شاه باشیندا گوز قاماشدیران ، آلماس و یا قوتلا بزه نمیش تاج ،
 چیگنینه لباده ، دوشونده ، گئجه نین قارانیلیغیندا اساسیز اولد و زلا رکیمی ،
 پاریلدا ایان نشانلار ، بویوک و مجلل سالونون قاپیسیندا ان ایچری گیریرکن ،
 وزیر وکیللر ، اللری دوشلرینده سجده یه گئتمیش، اورد و سرکردلری اللری
 گیجگاهلاریندا ، هیکل تک ، دونوب قالمیشدی لار .

او ، سیز گورد و یونوز " دموقراتیق " بیر ئولکه نین شاهی دگیل ایدی .
 او ، تام اختیارالده ائتمیش بیر حاکم مطلق ایدی . او ، طمطراقلی بویوک
 سالزون یوخاری باشیندا قویولموش " جمشید تختینه " د و غرو حرکت
 ائدیرکن ، " باخ ، بئله ! ایندی کیم منیم حکومدن بویون قاچیرا بیلر ؟
 کیم منه اعتناسیزلیغا جرئت ائده بیلر ؟ " دئییه ، اوز — اوزونه شیشیردی .
 ایری ، مغرور آد دیملارلا ایره لیله یردی . او ، اوز آرزو ائتدیگی مستبد بیر
 شاه اولموشدو . اونون اراده سین قارشى هئج کس چیخا بیلمز ایدی .
 اونون هر سوزو بیر قانون ایدی . اوزو آسیر — کسیر ، ایستدیگنین بونونو

وورد وورور . دار آغاجینا تابشیریر ، رژیمه و دیکتاتورلوغا قارشى چىخانلارى
یوزلر — مینلرله مسلسلله باغلاد یردی .

تختین یانینا چاتیرکن ، هجومه کئچن بیر جنوار چئویکلیگی ایله ،
بیردن گئری دوندو . قاشلارینی چاتدی . گوزلرینی قییدی . آغزینی —
بورنونو تورشودوب ، بد هیئت بیر گورنوش آلدی .

— مقصرلر گل سین ! دئییه ، امر وئردی . چوخ چکمدی که ، قوللاریندا
زنجیر ، آیاقلاریندا قاندا ال سسله نن اوچ نفر محبوس حضوره گتیریلدی .
بونلاردان بیرى جوان ، گوزلری چراغ کیمی برق ساچان ، هیکللی بییر
ایشچی ایدی . ایکسیده ، اگنی ، باشی توکولموش ، گون ایستیسیندن
یانمیش اوزلرینده ، گوزلرینده انتقام آرزولاری قاینایان کندلیلر ایدی . وزیر
تعظم ائده رک ،

— قبله عالم ! دئییه ، ایشچینی نشان وئریب ، — بوسلطنته و
استعمار — استثمار علیهنه ، کندلیلری گوستریب ،

— بونلاردا فتودال دبدبه لرینه قارشى ، خلقی عصيانا چاغیرانلا-
ردیر . هر اوچو عصيانچیدیر . دئدیکه ، شاه کنایه لی بیر قهقهه چکه رک ،
— هاهاها ! . . . عصيانکارلیق ، سلطنته قارشى ؟ ! دئییب ، کینله
اونلارین اوزونه باخدیقدا ، هر اوچو بیردن ،

— بلی ، سلطنته ، ظلم سارایلارینا ، فساد یوواسینا ، قولدورلیغا
قارشى ! . . . دئییه ، اونون سوزونو کسیدیلر . شاه عصيانچیلاری —
جسارتیندن حد تلندی . غضبیندن گوزلری قان چاناغینا دوندو . قان بئینینه
ووردو . قلنجی چکه رک ، هر اوچونون بوینونو ووردو . صونرا ، تکبرله قانلی
قلنجی یئره سوکمیپ ، اونلارین بوین داملارلاریندان فواره تک آخان قیزیل
قانا تماشا ائتمگه باشلادی . فقط باخدیقجا اوزونده لپهلنن غرور سونور ،
گوزلرینده وحشت قیغیلجیملاری پارلداماغا ، قورخو بوتون وجود نی —

سارسیلتماغا باشلادی . چونکه ، بو جسد لردن آخان قانلار قاینایب —
 آرتیر ، یاواش — یاواش بیرله شیب بیر گوله ، بو گول ایسه ، گئتدیکجه بیر
 قان دنیزینه چئوریلیر ، اونو کامینا آلیردی . شاه سونسوز بیر هیجانلا ، بو
 قان دنیزینده قول — قاناد چالاراق ، اوزونو ساحله یاخینلاشدیرماغا
 جان آتیردی . اما ، موج ووران قان لپهلری اونو داهادا دنیزی —
 دینلیکلرینه آتیردی . او ، لاپ الدن دوشموشدو . بیردن قدرتلی بیر
 ال ظاهر اولدو . اونو قان دنیزیندن آلیب ، کاخ خرابهلری اوزرینده یئر
 قویدو .

آرتیق ، شهرت و شهوت احتراصیله جوشوب — داشان سارای ،
 ندهالرده اوینایب ، چلغین قهقهه و فرح دغوران قیزیل قد حـلـردن
 نشان یوخ ایدی .

او ، اوزونو دغرولتدو . گوزونون قاباغیندا دوزولموش دار آغاجلا—
 رینی گوردو . پرپر چالان گوزلرینی اووکارلایب ، دقتله دار آغاجلارین—
 باخدیقدا ، وزیرلر ، وکیللر ، اوردو باشچیلارینی آسيلمیش گوردو . او ،
 هامیسینی تانیردی . لاپ باشدا بیر دار آغاجی بوش ایدی .

— ای ! . . . ایرهلی گل ! دئییه ، ائشیدیلن سسدن بوتـون
 وجودی تیتردهی . سس گلن طرفه دوندو . قاباقدابیرمیزقویولموش ، قاباغیندا
 " عدالت محکمهسی " یازيلمیش ، دالیندا محکمه هیئتی اگلشمیش ایدی .
 شاه وحشت ایچریسینده ،

— مندن نه ایسته یرسیز ؟ ! دئییه باغیردیقدا ، آرخاسیندان :
 " انتقام ، انتقام ، انتقام ! " دئییه ، بیر گورولتو قویدو ، او ، گئری دوندو کده ،
 اللرده چکیج ، بالتا ، بئل ، کرنتی ، اوراق ، یوز مینلرله خلقین غضبله
 آلولانان گوزلریندن شاشیردی . قورخو ایله دولو ، گولوش جیزگیلری
 اوزونده اویناماغا باشلادی .

— من ، من كه ، وطنه — ملته خدمت ائتمیشم . دئیه ، دیلی توپوق
وورماغا باشلادی . کنایه آندیران ، شدتلی ، آجی گولوشلرله ، ” خدمت ،
خدمت ، خدمت ! ” سسلری عکس صدا کیمی هوادا دالغالاندی .
بو آندا بیردن هوا قارالدی . ایندی شاه وئرلن بیر سینما قارشیسیندا
ایدی .

اوجسوز — بوجاقسیز بیر مئشه گورونوردو . بو مئشه یاخینلاشدیقجا ،
مئشه دگیل ، نفت بوروخلاری اولدوغو آیدینلاشیردی . بوردا قارا مازوتا
بولانمیش ایشچیلر قاریشقا کیمی قایناشیردی . آنجاق ، بوساده بییر
قایناشما دگیلدی . بوقایناشمادا بیر عصیان سسی دویولوردو هر طرفدن :
” انگلسلرین الی تورپاغیمیزدان کسيلمه لیدیر ! ” ” بیز آزادلیق ایستیمیز ! ”
دئیه سسلر گئتدیکجه دالغالانیب ، قورخونج بیر گورولتویا چئوریلیردی .
بو حالدا ، مدھش بیر قهقهه قویدو . مسلح دستلر گورونمگه ، آتوماتلار
سسلنمگه ، قارا قیزیلین اوزری ایشچیلرین آل قانیله بویانماغا باشلادی .
یئره سريلمیش جسدلر باش قالدیراراق ، ” بوشاهیمیزین بیزه خدمتیدیر ! ”
دئدیکلری زمان ، شاه داریلدی . بو منظره لری گورمک اوچون ، گوزلرینی
برک — برک یومدو . آنجاق ، یئنئ بیر صحنه اونون قاباغیندا جانلانمیشدی :
بوردا ، آزاد — شن بیر حیات قاینایردی . آزادلیق ماهنیلاری نئی کیمی ،
هر طرفه سس سالمیش ، خاننده لر بلبل تکجه — جه وورور ، گنجلیگیسن
اوزو گولوردو . بوردا نه مظلوم وارایدی ، نده ظلمدن نشان . اوزاقلاردا
ایکی هیولا شاهین ساغ سولونو آلیب ، حسدله بو آزاد حیاته تماشا
اؤدیردی لر . اونلارالترینده اولان بومبو شاه وئریب ، خلقین ایچریسینه
آتماغا تحریک ائتدی لر . شاه بومبو آتدی . بو زمان دهشتلی بیر گورولتو
قویدو . دنیا ظلماته دوندو . آنجاق ، بو اوزون سورمادی . یئنه هـ—وا
آچیلدی . او ، شن حیات یئرینده دار آغاجلاری ، قانلی جسدلر ، قالاق

— قالا ق انسان کلهلری گورونمگه باشلادی . بو کلهلرین اوزرینده همی—
هیولالار شیط گولوشلرله شاهین الینی سیخیر خد متی اوچون ، اونوتبریک
ا ئدیردی . شاه اوز عمللرینین گوزگوسوندن داریلدی . آنجاق ایندیده
یئنی منظره لر کئچیردی :

دسته — دسته الی قوینوندا قالیمیش ایشسیزلر ، سولغون چهره لی ،
ال آچان قادین ، کیشی ، اوشاقلار ، خرابه زارلیغا دونموش کندلر
گورونوردو . بونلار گوزونون اونوندن کئچدی کجه ، ” جوان شاهیمیزین ملت
دردی چکمکدن ساچلاری آغاریب . ”

” بو خوش حیات شاهیمیزین خد متلرینین نتیجه سیدیر . ” دئییب
اوتوردولر . بو کنایه لر ایگنه کیمی ، اونون اوره گینه سانجیلیردی . وجدان
عذابی اونو سیخیردی . بونوار قورتاردیقدا صونرا ، او ، اوزمثالینین
رسمی لباسدا دوردوغونو ، دسته — دسته ، آزادلیق و صلح ماهنیلاری
اوخویا — اوخویا حرکتده اولان گنجلری آفتوماتا باغلادیب ، افتخارلا تماشا
ا ئتدیگینی گوروردو . بئله لیکله سینما تمام اولدو .
محکمه صدی آیاق اوسته دوراراق ،

— سنین شاهلیغین بیزه اولوم ، آجلیق و فلاکتی ارمغان گتیردی .
سن اولمه لیسن ! دئدی کده ، اونوچکه — چکه باشدا بوش قالیمیش دار
آغاجینین دیبینه سورودولر . کندیری بوینونا سالاندا ، شاه یوخودان
آیلدی . او ، قان ترا یچینده ، قلبی قوش اورمی کیمی چیرینیردی .
یئریندن سیچرایپ ، شاقین آد دیملارلا اوطاقد ا قدم وورماغا
باشلادی . گورد و کلرینین یوخو اولدوغونا سئویندی . آنجاق ، یوخودا
ا ئشیتدیگی ” انتقام ! ” سوزلری ایندیده قولاق لاریندا سسله نییر ، دار
آغاجلاری گوزونون اونوندن چکیلیردی . قدم ووردوقجا ناراحتلیغی آرتیر ،
آغیر — آغیر نفس آلیر ، سانکه ، اوطاغین هوا سی اونا آزلیق ا ئدیردی . بو

حالدان اوزونو قورتارماق اوچون ، قاباغی گئیش باغ و گلزارلیغا آچیلان بالقونا چیخدی . قوشلار بو داقدان — بو داغا آتیلاراق ، اوزجه جهلری ايله سارای محیطینی شنلندیرمکه ، شهرین قوینوندا آرا بیر آچیلان توفنگ سسلری ، هردن بیر اوجالان گورولتولو شعارلار ایچریسینده بوغو — لماقدا ایدی . شاه دقتله قولاق آسدیقدا ، ” خائن ! اولوم ! ” رد اولسون خونخوار قوام ! ” سوزلری دالغالانا — دالغالانا هر طرفه یایلدیغینی ائشیتدی . بو حال اونون اضطرابینی داهادا آرتیردی . تئز یاتاق اوطاغینا قاییدی ، پالتارلارینی گئیدی . شاقین آد دیملارلا قبول اوطاغینا گلدی . دربار وزیر ع . و باشقا دربار آداملاری توپلا — نمیشدی . شاه گیریرکن ، هامی آیاق اوسته ایدی . اونلارین اوزونده چیرپینان هیجانی گورد وکده ، وزیره مراجعتله .

نه خبر دیر ؟ دئییه سوال وئردیکده . او ،

— شهرین وضعیتنی عادی دگیل قربان ! اوچ گوندن بری قوام دولتی علیه دوام ائدن اعتراضلار بوگون شدتله نیب بیر عصیان شکلی آلیب . هر طرفدن خلق سئل کیمی آخیب ، عصیانچی دسته لره قاریشیر . دئدیکه ، شاهین قاشلاری چاتیلدی . کئچن گون اوزنگرانلیغینی قوجا سیاستمدارا سویلمیرکن او ، آرخاینلیقلا ، ” شاهنشاه حضرتلرینین خاطر مبارکلی آسوده اولسون . هر تصادفه قارشی تدبیر گورولموشدور . ” دئییه وئردیگی وعده لرینی خاطرلادی . اونون بو سوزلری شاه ی آرخاین ائتمیه بیلمزدی . خلقین اعتراض و ایستکلرینه قارشی ، دولتین بوتون مسلح قوه لری سفر برلیگه آلینمیش ایدی . ” بس بیزیم جناب اشرف نه فکره مدیر ؟ ” دئییب تلفونو الینه آلدی .

— آلو ! بلی ، اوزودور . بلی ؟ وضعیت خوش دگیل ؟ نه اوچون ؟ جبهه واحد ؟ ! بوتون دموراتیک جمعیتلر ؟ حزب توده نین رهبرلیگی

آلتیندا ؟ آھا ! نه ؟ خیر ! ممکن دگیل ! سن استعفا وئره بیلمزسن !
 آتسه دوتمالی ! قیرمالی ، داغیتمالیدیر ! ۰۰۰ بلی ، بلی ! دئییب ،
 الینده کی دستهیی یئره آتدی . اللرینی دالیندا چارپازلا یاراق ، شاخ
 آد دیملارلا او طرف بو طرفه قدم وورماغا باشلادی . یادینا بیر شئی
 دوشموش کیمی ، بیردن وزیر یانینا چاغیریب ، بیرکناردا اونونلا
 خیسینلاشدیلار . وزیر هارا ایسه ، تلهسیک یولا دوشدو .

بو دقیقه لرده شاه اوزونو محاربه ده حس ائدیر ، بیر فرمانده کیمی ،
 اوردو باشچیلارینا ، ائله جهده ، علیرضا یا مأموریت وئریب ، تلهسیک
 شهره گوندردی . بیر تک شاه اضطرابدا دگیل ، بوتون سارایی هممه و
 هیجان بوروموشدو . شاهزاده خانملار ، شاهزاده لرین و بوتون دربار
 آداملارینین اوزونده اوچقونلوق ، حرکتلرینده شاقینلیق وارییدی . اونلاری
 ال — آیاغا سالیب قورخودان ، آتومات گولله لری قارشیسندا سینه گره ن
 جوشغون خلقلین " خائن شاها اولوم ! " " فساد یوواسی داغیتمالیدیر ! "
 دئییه ، شهرده لپه لهنن عصیان سسی ؛ دربارین دیوارلارینا ، حتا دروا —
 زه سینه بئله ، سلطنت و قوجا سیاستمدارین علیهنه یازیلیمیش شعارلارایدی .
 آرتیق اعلیحضرتین وطن و ملت خواهلیق پرده سی پارچالانمیشدی .
 ایندی ، اونون آدی محبوب دگیل ، خائن ! ۰۰۰ دئییه ، دیللرده نفرتله
 یاد ائدیلیردی . بو آندا سارای طوفانا دوتولموش بیر یلکانا بنزه یردی .
 سانکه تلاطم لپه لری اوزونو شدتله اونون دیوارلارینا چیرپاراق ، بوفساد
 یوواسینی پارچالایب ، داغیتماق ایستمیردی .

شاه آناسنین و شاهزاده خانملارین آلولانان اضطرابینی یاتیر —
 تماق اوچون ، اوز وقارینی پوزماغا ، حادثه نین ساده لیکله ساووشا جاغینا
 ایناندیرماغا چالیشیردی . آنجاق ، سیمسیر تلفون خبرلری دشمن قوه سیله
 حسابلاشمایب ، غفلتا " محاصره یه دوشموش بیر فرمانده کیمی ، اونو ، مات

قویموشد و . او گلن خبرلره باخدیقجا گوزلری بویویور ، آزالیردی عقلینی
شاشیرسین . " خلق آخینین قارشیمی آلینماز بر سئله دونوب . " هر
یئرده آتش امری وئریلدی . " توپخانا میدانیندا . . . نمره لی تانك
عصیانچی دسته لر طرفیندن اشغال اولوندو . " شاه آباد دا علیرضا
محاصره آلینمیشدیر . " شدتلی آتش و نظامی دسته لرین هجومی نتیجه سینده
علیرضا محاصره دن چیخاریلدی . " بعضی نظامی دسته لر خلقین اوزرینه
آتش آچماقدان بویون قاجیریرلار . "

بو خبرلر شاهین نظریندن کئچدیکجه ، باشینین توکلری بیز — بیز
اولوردو . غیرارادی اولاراق ، گوردویو یوخونو بیرده خاطرلادی . قورخودان
اونون رنگی کاغذ تك آغارمیشدی . گوزلری خسته آدم کیمی چوخورادوشمو-
شدو . تلفونو الینه آلاق ،

— آلو ! آلو ! بلی ، بلی ! منیم طیارم حرکتی آماده اولسون ! بلی ،
بلی ! دئییب ، تلفونو یئره قویدو . اونون بوتایبشیریغی دربار اهللی اوچون
خطر اشاره سی ایدی . چمدانلاری یغیشدیرماغا باشلادیلار .
شهرین هر طرفیندن " خائن شاهلار اولوم ! سسلری گئتدیکجه
اوجالیر ، " رد اولسون قوام ! " سوزلری داهادا یاخیندان ائشیدیلیمگه
باشلایردی . بو حالدا وزیر جنگ رنگی قاجمیش ، هیجان واضطراب
ایچریسینده اوزونو ایچری سالدی .

— شاهنشاه حضرتلری ، نه دورموسوز ؟ ! خلقین کین و غضبی
دربارا قارشیدیر !
— دربارا ؟ !

— بلی ، دربارا ! شخصاً " شاهنشاه حضرتلرینه قارشیدیر ایندییه
قدر اللرده گزن عکسینیز ، خلقین آياقلاری آلتیندا تاپدالانماقدادیر .
مجسمه لرینیزی دارماداغین ائدیبلر .

— مجسمه لریمی ؟ !

— بلی ، قربان !

— بس مسلح قوهلر نه ائدیر ؟

— مسلح قوهلر آخنین قارشیسندا تاب گتیره بیلیرلر . آتومات لار

بیچدیکجه ، اونلار قیزمیش نرکیمی ، سربازلاری چیغنایب ، کئچیرلر .
دئدیکده ، شاه هولولوندن یئنه تلفونو الینه آلدی .

آلو — آلو ! بلی ! طیاره حاضردیر ؟ " چوخ گوزل ! دئییب ، تلفونو
یئره قویدو . بو حالدا دربار وزیر ایچری گیدی . اونون گلیشی شاه ،
بئیننده چاپان آت دیر ناقلارینین ضربه سیندن یاخا قورتارماغا بیر آرزو
وئردی . یئنه هر ایکسی بیر آرزو خیسینلاشدیلار . اونلارین مایوس
باخیشلاری و چهره لرینده قیملدانا امید سیزلیک ، اربابلارینین منفی
نظریندن حکایت ائدیردی .

ساعت اوچه آرزو قالدیردی . قوجا سیاستمدارین گلدیگینی خبر وئردیلر
او ، هولناک ایچری گیریرکن ، یخیلماق اوچون قاپییا سوکندی . رنگی
سارالمیش ، چوخورا دوشموش گوزلری ، جانی چیخماخدا اولان آدمکیمی ،
آخماقدا ایدی . جلد اونون قولتوغونا گیریپ ، یوموشاق صندلینین اوزرینه
یخدیلار . کیمی اوزونه سوسه پیر ، کیمی بورنونا نشاتیرد و تور ، کیمی
یاخاسینی آچیردی . او ، یاواش — یاواش اوزونه گلدی . تئز بیر ایستکان
شربت ایچیر تدیلر . اورهی بیر آرزو خدادیقدا ، تیترهیه — تیتوهیه اللرینی
جیبینه اوزاتدی . وئردیگی کاغذه شاه گوز دولان دیریب تله سیک ، — یوخ ابو
وضعیتده استعفا وئره بیلمزسن . دئدیکده ، او ، دوداقلاری اسه — اسه
— اعلاحضرتا ! منیم استعفای قبول ائدین ! کابینه مین سقوطینی
تئز خلقه یئتیرین ! والا ، بو عصیان اگر ، بیر آزدا دوام ائدرسه ، نه اینکه
تخت تاج ، حتی حیاتی میز بئله خطرده دیر دئییب ، یئنیدن — بو عصیان دگیل

انقلابدیر ! دئییه میریلداندی . بو دقیقه لرده ، هر طرفدن " خائن شاهها
اولوم ! " " محو اولسون قوام ! " شعارلاری گئتدیکجه شد تلهنن تلاطم
لپه لری کیمی ، ساراین دیوالارینی آشاراق ، اوزونو ایچری وورور ، شهرت
و شهوت حریصلرینی تیتره دیردی . سالوندا بیر آنلیغا ، مد هس بیر
سکوت حاکم اولدو . هره اوز فکرینده : " نه ائتمه لی ؟ " " من نجه اولاجا-
غام ؟ ! " دئییه ، دوشونوردو . آنجاق ، آرتیق دوشونمگه وقت یوخ ایدی .
قوجا سیاستمدارین پیشنهادی صون علاج ایدی . بو ایسه ، شاهها چوخ
آغیر گلیردی . او ، اوز توپوردویونو یالامالی ، جانلی بته ستایش ائدنلر
یانیندا اولان حیثیتینی الدن وئرملی ایدی . بو اونون اوچون آغیر بیر
ضربه ایدی . آنجاق ، نه ائده بیلردی ؟ قاباقدان خلقین غضبی ، انتقام ،
بلکده اولوم دورور ، بوتون ، بوتوکولن قانلارا او — اوزوسبب دیر . بونو
خاطرلایاراق ، قوجا سیاستمدارین استعفا سینی قبول ائتدی .
بیر آرزونرا ، تهران رادیو سو قوام دولتینین سقوطینی ، هوا
دالغالاری ایله ، بوتون دنیا یا یئتیردی . بو سس ایران خلقینی —
دیکتاتورلوغا قارشو ، غلبه سسی ایدی .

۱۳۳۱ / ۵ / ۲۴ شمسی

(دوستوم حسین جاویدین خاطره‌لریندن)

او ، سوزونه بئله باشلادی :

بو نه افسانه‌دیر ، نه ده ناغیل ، منیم اؤز باشیما گلن بیر حکایه‌دیر .
اووچیلیغا سونسوز بیر علاقم وارایدی . هله ۱۴ — ۱۵ یاشاریندان ، الیمده
توفنک ، قاراداغین داغلاریندا — باغلاریندا ، قالین مئشه‌لرینده اوودالیزجا
قاچاردیم . هرگون قیرقاوول ، توراج ، یا ککلیک اوولایب ائویمیم — زه
قاییداردیم ، هئچ یادیمدان چیخماز . باغیمیزدا بیر خارتوت آغاجی
وارایدی . بوتوتو من چوخ سئوردیم . اؤز آدیما چیخیمشیدیم . هئچ کسده
اونال وورماغا جرئت اولمازدی . هرگون اونا باش ووراردیم . صبرسیزلیکله
توتون یئتیشمه‌سینی گوزله‌یردیم . توت قیزاریب خارلانان وقتی ایدی . بیر
گون سحر باغا گیرنده ، بیر دسته سیغیرچینین توت آغاجینین بوداقلاریندا
جه‌جه وورا — وورا ، توتدان یئدیکلرینی گوردوم . ائله بیل باشیما بیر قایا
سالدیلار . اوزومو ساخلایا بیلمدیم . حرصدن ائوه قایتدیم . قیرما اوو
توفنگینی گوتوروب باغا قایتدیم . توفنک آچیلاندا ، سیغیرچینلار آغاجین
دیینه ائله توكولدوکه ، سانکه ، دگمیش اریک آغاجینی سیلکه‌لدی —
اونلارین هامیسینین باشینی اوزدوم اوتوزا قدر اولاردی . ائوه گتیردیم .
نهم بونلاری منیم الیمده گورونجه ، اوزوندن چیخدی .

— ایت بالاسی ! دئدی . — مگر بونلاری سن یاراتميسان کهسند ه

قيريرسان ؟ واللّاه ، بو حيوانلارين آهي بيرگون سني دوتاجاق ، دئيه ،
منيم اوستومه قيشقيردي .

نهم اوجا بوي ، قد — قامتلي گوزل بيرقادين ايدى . ياشى
آلتيميشا چاتسادا ، اوزونده — گوزلرينده هله ده جوانليق طراوتي وارايدى
او ، آت بئلينه ميننده ، آتين باغرينى ياراردى . آجيغى دوتاندا ، ايلديريم
كىمى شاخاردى . عادى حاللاريندا ايسه ، بير پارچا مهر — محبت ايدى .
او ، قارا چورلو طايفاسينين آغ بيرچهمى ايدى . هامى اونا بير آنا كيمى ،
احترام قويار ، خان قيزى ! ديه ، چاغيراردى . هئچ كسده ، سوزونون
قاباغيندا سوز قايتارماغا جرئت اولمازدى . من اونون حرصينى سويوتماق
اوچون ، قوجا قلايب او اوزوندن — بو اوزوندن اوپدوم . عذر ايستهديم .
بونون اوستوندن اوچ — دورتگون گنجميشدى . سحرئمگينى يئيپ ،
چاي ايچندن صورنا ، توفنگى گوتوروب اوومقصديله ائودن جيخديم اوزمان
آت مينيب صفالى يئرلرى گزمكدن ، توفنگ گوتوروب آوا چيخماقدان باشقا ،
آيرى بير اگلنجه (تفریح) يوخ ايدى . چاي قيراغيله بلبللرين جه جهينه
آخان سولارين اورميه ياتان شيريلتسينا قولاق آسا — آسا ، هردن بير
اوزومده اونلارين سسينه — سس وئريب ، آغاجلارين آراسى ايله گئديرديم
بيردن قاباقدكى آلما آغاجينين لاپ آلچاق بوداغينا قونموش ، گوزل بير
قوش گوردوم . توفنگى آشريب نشان آلاق ايستديم . اونون گوزلليگى منى
واله ائتدى . اليمى ساخلاديم . گوگرچين بويدا ، باشيندا كاكيلي ، توكلرى
الوان رنگلرده ، قويرغو طاووس قويرغو كيمى ، گوزل ، آنجاق گودك ايدى .
اونا گولله آتماغا اليم گلمدى . آستا آد ديملارلا اونا ياخينلاشديم . او ،
اصلاً يئرندن ترينميردى . ديرى دوتماق ايستديم . او گرنميش ال قوشو
كىمى ايدى . هئچ قورخموردو . آغاجين ديبينه چاتديم . عمرومه بئله
گوزل قوشا راست كلمه ميشديم . سئوينجيمدن نفسمى سينمه حبس

ائتمیشدیم که قوش اولکمه سین . الیمی اوزاتدیم ، دوتماق ایسته‌ینده قاناد
 چالیب الیمدن چیخدی . ائله بیل اوره‌یمین سای قیریلدی . اونو دوتماق
 امیدیم یاسا دوندو . اینجه وارا او ، اوزاق گئتمدی . بیرنجه آد دیم او
 طرفده باشقاییر آغاجین بوداغینا قوندو . آخارچایین آنا لایلاسینا اوخشار ،
 اوره‌یه یاتان سسی ، نه هوادا اوچوشان قوشلارین اوخوماغی ، نه ده سر-
 چهلرین بوداقدان — بوداغا سیچرایب ، هارای-داد سالمالاری منی
 اُزونه جلب ائده بیلمیردی . سونسوز بیر هیجان ایچریسینده ، من یئنه
 اونا یاخینلاشدیم . بو دفعه داها آرتیق احتیاطلا اونا یاخینلاشدیم .
 یوزه — یوزدوتا جاغیما اینانیردیم . آنجاق ، اوئنه الیمدن چیخدی . او ،
 چای کناریندان تپه‌نین اتکلرینده‌کی آغاجلارا دغر یوئلدی . بوداقدان —
 بوداغا سیچراماقلا ، منی اُز آرخاسینجا چکیر ، ائله بیل منی اله سالیب ،
 لذت آلیردی . نهایت یئنه بیر آغاجین لاپ آلچاق بیر بوداغینا قوندو .
 اونا یاناشدیم . دوتماق ایسته‌ینده همین آغاجین ایکنجی بوداغینا قوندو .
 همده چوخ سایماز یانا . الیم چاتمادیغیندان آغاجلار دیرماندیم . من اونا
 یاخینلاشدیقجا او ، یوخاری بوداغا سیچرایردی . آغاجین لاپ کلله‌سینده ،
 آخیرینجی بوداغیندا قرار دوتدو . گونوم میوه آغاجلارینین باشیندا کئچد-
 یگیندن ، میمون کیمی ، بوداقدان — بوداغا سیچراماق منیم الیمده سو-
 ایچیم کیمی آسان ایدی . اُزومو صون بوداغا یئتیردیم . الیمی اونا —
 یاخینلاشدیردیقجا او ، بوداغین اوج طرفینه چکیلیردی . سانکه ، منه
 آجیق وئریر ، قورخمورسان گل ! دئیردی . ساغ الیمی بوداغین دوتارلی
 یئرینده برکیدیب ، سول الیمی اونا اوزاتدیقدا ، بوداغین شاققیتلیسینی و
 اُزومون بوداقلایا برابر آشاغا دوشدویمو یادیمدادیر .

گوزومو آچدیقدا اُزومو یورغان — دوشکده ، قوهوم - قبیله‌نی باشیمین
 اوستونده گوردوم . ایلک قولایمدا دالغالانان ننه‌مین سسی ایدی .

— سن آغاچین باشیندا نه غلط ائدیردین که ، یخیلایدین؟ دئییه،
منی سوالا دوتدو . اوزومو دوغرولدوب ، باشیما گلهنی اولدوغو کیمی اولارا
سویله دیم .

— من دئمهدیم می اوقوشلارین قارقیشی سنی دوتاجاق ؟ سن
گوردویون حق قوشوایمیش . قوشلارین انتقامینی سندن آلمایا گلیمیش ایمیش .
الله آنانا رحم ائدی . دئدی . آنام باشیمین اوستونده ایدی . دولموش
گوزلرینی سیخدی . حالقالانان داملالاریناغینا آخدی . بونولانقدرد
اورهک چیرپینتییسی چکدیگینی منه آنلاتدی . قیچیم یارالانمیش ، بدنیم ده
بیر آزار ایلیمیشدی . ۱۵ گون ائودن ائشییه چیخا بیلمدیم . من سوزونون
آراسینا گیردیم .

— دئمک ، آوچیلیغیدا اوگون یئره قویدون ، ائلهمی؟ دئییه، سوال
وئردیکده . او گولومسه دی .

— یوخ ! دئدی . — او گوندن قوش آوینی یئره قویدوم آوچیلیغی
یئره قویما دیم . من سوزومون ایلکینده دئدیم ، آوچیلیقدان تمیزویاخشی
اگلنجه تاپا بیلمز دیم . همده منیم اوچون قیمتلی بیر ورزش ایدی .
دوستومون یاشی یئتمیشی آشادا ، ساچ — صاققالی تزه جه
چاللانمیشدی . توکمه . ساغلام بدنی ، آلیجی باخیشلارینی گورن اونا
الیدهن آرتیق یاش وئره بیلمز ایدی . اونون بئله ساغلام قالماغینا منیم
قیدیغیم گلردی . آخی من اوندان جوانتر اولدوغوم حالدا ، باشیمدا بیر
دانه ده قارا توك تاپیلمازدی . قوجالیق نشانه لری بوتون وجودیمی قاپلا-
میشدی . اونا گوره — ده بیرگون ظرافته سالیب ،

— هامی یاشینی گیزلدنده ، سن یاشینین اوستونه آرتیریرسان .
گورونور که ، بیزی سریمیسن ، دئینده او ، گولدو .

— دئییه سن من جوان قالماغیمین رمزینی بیلکم ایستهیرسن . چوخ

گوزل ، دئهرم : " عارسيزليقدیر . " دئيب اوزومه باخد ی . سانکه ، بوسوزون منده نجه تأثر بوراخد یغینی ، گوزلریمدن اوخوماق ایسته یردی . من دایانا بیلمدیم .

— بوردا اوزونه بهتان دئیرسن . سن هئچ وقت عارسيز اولما—
ميسان ! دئدیم .

— عارسيز اولماسامدا ، غیرتیمده اولمايب . فارسيلاردئمشکن ، "هر چه پیش آید، خوش آید،" دئیشم . هرذالته بویون اگیشم . دئيب ، دایاندی . جیبیندن بیر سیغار چیخاردیب ، آلیشدیردی . ایکي دوداقلاری آراسیندا محکم سوموردو . جدی بیر حال آلیشیدی . فکری هارالاردا کزدیگینی—
آنلامان چتین ایدی . یئنه سوزه باشلادی .

— " عارسيزلیق " جوانلیغین برنجی رمزیدیر . بونو قبول ائتمه لیسن . آنجاق ، منی ساخلایان ، یاشیمی گیزلدهن او ، قارتالار اویناغی اوجا—
داغلار ، پلنگ سئیرنگاهی اولان قالین مئشهر ، داغلارین اتکیندن قاینایب — قالخان دورو ، بوزکیمی سرین سولار ، بیرده ورزش اولوبدور . دئدی . بو سوزلری او قدر غرورلا سویله دی که ، ائله بیلکئچمیش جوانلیق گونلرینه قاییدیب — اونا گوره ده ، من وطنیمه ، دوغما یوردوما ، قاراداغ —
منتد ارام . دئيب سوسدو . دالغین باخیشلاری اوزاقلاردا بیر نقطه یه زیللنمیشدی . من اونو جوموش اولدوغو فکر دیزیندن آیردیم .

— آوچیلیقدان نیه ال چکدیگینی دئمدين . دئدی که ، آلینیدا یغیشمیش قیریشیقلار آچیلدی . قدینی دوزه لتدی .

— بو صحبتلر منی عمرومون قایغیسيز او ، آزاد گونلرینه ، حیاتیمین ایلک بهارینا . جوانلیغیمین جوشغون گونلرینه قایتاردی . دئيب ، یئنه سوسدو . آنجاق بو سکوت چوخ چکمدی . — دئدیگیم کیمی ، او گوندن منیم قوشلارلا ایشیم اولمادی . داغکئچسی ، جیران ، مارال ، آوونا—

گیریشدیم . د اغلاردا ، سیلدیریم قایالیقلاردا ، چوللرده آج قورت کیمی ، بوسقویا دوروب ، اوو گودوردوم . ساعتلرله قاجیردیغیم آوون د الینجا بعضا "گونلرله سورونوردوم . دئیب درین بیر آه چکدی . — گوزل گونلر! ای جوانلیق ، هاردا سان؟ قایادان قایایا آتیلار ، داغدان — داغدا آود الینجا قاجاردیم ، یورولماق بیلمزدیم . قابانلارلا قارشیشار ، جانیمی خطرده سالاردیم . آنجاق ، ائوه الی بوش قایتمازدیم . بونو دئمدیم ، همیشه مندن قاباق گندن وفالی بیر یولداشیمدا وارایدی . او ، اووایتیم "قاپلان" ایدی . او ، اوز ایشینده او قدر آیق و ماهر ایدی که ، چوخ وقت اوز گوردویو ایشلرله منی حیرته سالاردی . حتی بیر نچه دفعه منی اولومدن ده قوتارمیشدی .

بیرینی قویوب او بیرینه کئچسم سوز اوزانار . بیرگون ناھارا یاخین ایدی . گویده اوچوشان بولوتلار سانکه ، گونشله باش — باشا قویموشدولاز قارا پارچالاریله اونون اوزونو اورتیه چالیشیر ، گونش ایسه ، اونو — داغداراق اوزشعالارینی جهانا یایماغا جان آتیردی . حزین — حزین اسن کولک ، داغلارین دوشونده آچیلیمیش گوللری ، یاشیل اوتلاری ، آخان سولاری ، حتی منیم تئللریمی بئله اوخشایردی . بیر دسته قارغا قاریلداشا — قاریلداشا باشیمین اوزریندن کئچدی . ائله بو آندا قاپلانین هورمک سسی دره لره یاییلدی . من توفنگی سینمه باسدیم . بارماغیمی آتش یئرینده حاضر ساخلادیم . هوروش سسیندن آنلادیم که ، گیره سالدیغینی منه د وغرو گتیریر . قارشیمایا چیخان ایری بیر مارال ایدی . من اونون دوشونو نشان آلدیم . گولله آچیلاندا ائله بیل حیوانی گویه گوتوروب ، یئره ووردولاز او ، چابالادیغی یئرده ، بوتون قوه سینی توپلایب ، داغین یوکسکله رینه د وغرو یونلدی . یارالی انسان کیمی ، ناله ائتمیه باشلادی . آیدین حس ائتمک اولوردو که ، اوز جانینین هایندا دگیل ، من اونا یاخینلاشدیقدا ،

آنا اولدوغونو آنلادیم . زواللی آنانین دوشلری دولو ایدی . جانسی
 آغزیندان چیخانا قدر ، نگران و دردلی باخیشلارینی داغلاردان آیرمادی .
 بو آندا او ، باشیسز قالمیش بالاسینی دوشونوردو . اونون حالینا چوخ
 آجیدیم . بالالی اولدوغونو بیلسم ، اصلاً اونا آتش آچمازدیم . اورمیـم
 کوورهلدی ، گوزلریم دولدو . اونون اولوسو ایله عهد — پیمان باغلادیم که ،
 بالاسینی تاپیب اوزوم بسلهیم — بویودم ، اونا آنالیق ائدم . ائلهده
 ائتدیم .

کندین آوچیلارینی توپلایب ، جریانلی اولدوغو کیمی اونلاراسویله —
 دیم . آخی ، اونلارین تجربه سی مندن چوخ ایدی . چوخ گوتور — قویدان
 صورنا ، داغلارین جانینا دوشدوک . یئنه ده " قاپلان " منمله ایدی . او ،
 کشفیاتچیلار کیمی ، همیشه قاباقدا گئدیر ، بعضاً " دایانیب دورت طرفی
 اومسولایردی . هر دنده بیر منیم یانینا باش ووروب ، یئنه گوتورولوردو . بیز
 اختارماقدا اولاق .

بونودا دئمهلیم که ، همین گونلرده بیزیم کند ، ائله جهده اطراف
 کندلرده بیر پلنگ تاپیلیمشدی . مال — حیوانلاری یرتیب ، داغیتماقلا ،
 خلق آراسیندا سونسوز بیر وحشت دوغورموشدو . هر یئر ده صحبت
 اونون خطریندن گئدیردی . هئچ کسده جرئت یوخ ایدی که ، بو یرتیجینین
 شرینی ائل — اوبادان سووسون . کندین آغصاقلالاری بو پلنگین اولومونه
 جایزه ده تعین اتمیشدیلر . اما هئچ کسده اوز جانینی بوقمارا قویماغا
 جرئت یوخ ایدی .

" قاپلان " ایله منیم یولوم داغ و سئیرک مئشه لیک اولماقلا سیلدیریم
 قایالیق لاریدا وارایدی . دقتله اطرافیمیزا باخا — باخاداغین بوکسکلیکلرینه
 دوغرو حرکتده ایدیک . بو آندا منیم اوره یمدن کئچن آنجاق ، مارالین
 بالاسینی تاپیب ، اونا نجات وئرمک ایدی . او ، اولورکن هیجان و حسرتله

بالا سینی آختاران گوزلرینده کی حالت هله ده گوزومون ئونونده ایدی .
 من بئله دالغین (در فکر فرو رفته) فکده ایکن . " قاپلان " قابقداکی
 دیکدن چیخیب اوزونو منیم آرخاما وئردی . قورخاق هوروشلرله گلدیگی
 طرفه هورمهیه باشلادی . " قاپلان " دأ قورخو گورولمه میش بیر ایش ایدی
 خطر قارشیسیندا اولدوغومو یقین ائتدیم . توفنك الیمده دیکه چیخدیم .
 ایری بیر قایانین دیبینده اوزانمیش هیوهره بیر پلنگ گوردوم . او ، قاپار
 میش بیر حالدا ، خروشا کلیب یئریندن قالخدی . قورخودان بدنیمده
 توکلریم بیز — بیز اولدو . چوخ قورخومشودوم . آنجاق ، قایدیب قاجماغا
 فرصتیم یوخ ایدی . باشینی اگری دوتوب . گوزلرینی چپ — چپ منه زیلله
 میشدی . آغیر آد دیملارلا منه دوغرو (به طرف) ایره لیله یردی . وحشت
 بوتون بدنیمی بوروموشدو . اولوم — دیریم آیاغیندا ایدیم . آتا — آنام ،
 قوجاننم ائله جه ده بوتون قوهوملار ، بیر آندا گوزومون اونوندن کئچدی
 هئچ کسدن منه هارای اولما دیغینی خاطرلادیم . ائله بیل منه های
 ووردولار . " کیشی اول ! وقتی فوته وئرمه ! " اوزومو یغیشدیریب ، پلنگی
 نشان آلدیم . گولله آچیلاندا او ، حرکت ائتدیگی یئرده جه فیملانیب یئره
 دگدی . قیوریلیب ، بیردن ایلان کیمی آچیلدی . دهشتلی بیر نریلتی
 ایله ، منه دوغرو هجوم کئچدی . او ، یخیلیب اوزونو دوزلده نه کیمی ، من
 ایکنجی آتشی آچماغا آماده ایدیم . اولومله لاپ اوز — اوزه دورموشدوم .
 او ، اوز قانلی گوزو ، کسکین دیشلریله ، اوستومه آتیلیرکن ، ایکنجی گوللم
 آچیلدی .

داها نه اولدوغونو بیلمه دیم . من اوزمدن کئتمیشدیم . گوزلریمی
 آچاندا . اوچ — دورت آد دیملیغیمدا پلنگین نهنگه اوخشار ایری گووده
 (تنه و بدن) سینی گوردوم .

گون اورتادان اوچ — دورت ساعت کئچمیشدی . قاپلانلا کنده

قایندیق . من پلنگی وورد و غومو نقل ائتدیکده ، هامی گولد و . هئچ کس اینانماق ایسته میردی . من لش دوشد و یو یئری اونلارا نشان وئردیم . گون باتانا یاخین اونون اولوسونو مسجدین قباغیندا یئره قوید و لا ر . هامی تماشا سینا یغیلیمیشدی . دئییب ، یئنه سیغارینی آلیشدی — دی . او ، صحبتینی قورتارمیشدی . من یئنه سکوتی پوزدوم .

— بس مارالین بالاسی نه اولدو ؟ دئییه سوال وئردیکده او ،
 — آوچیلار اونو تاپیب گتیرمیشدیلر . دئدی . آغ صاقلالار پلنگ
 اوچون تعین ائتدیکلری جایزه : بیر آو توفنگی بیرده بیر قوچ ایس — دی .
 توفنگی مارالین بالاسینی تاپیب گتیره نه وئردیم . ق — وچودا
 خطر دن قورتاردیغیم اوچون ، نه من قربانلیق کس دیریب اتینی پایلادیلار .
 من ایسه ، او گوندن آوچیلیغی یئره قویدوم . محبتیمی مارالین بالاسینا
 سالدیم . اونو بویوتدوم . او ، داغلار یاراشیغینی ، داغلارا اوتوردوم ، اوزوم
 ایسه ، بوش و قتلریمی داغلاردا ، داغلارین زیروه لرینده ، ورزشد ه کئچیر —
 دیم ، دئییب ، سوزونو تاماملادی .

۱۳۵۰ — نجی ایل — شمسی

تهران

سحره یاخین ایدی . گوزتچینین قفیلا سالدیغی ایری آچارسکوتی
 پوزدو . قایی بئینی جیرماخلایان بیر صدا ایله آچیلدی . کشیکچی افسر
 ایچری گirdی . اونون دالینجا ، ایکی مسلح پلیس حاضر بیر حالدا ،
 قاپنین ساغ - سولوندا دایاندی . سهه آییلانلار یاریم یوخولو حالدا ،
 قیزارمیش گوزلرینه هیولا شکلینده گورونن اولوم جارچیسینین ، کیمین آدیندا
 جار چکه جگینی گوزله یردیلر . افسر هامینی گوزدن کتجیرتدی . صونرا ،
 هله شیرین یوخودا اولان اژدره یاخینلاشیب ، تپیکله ووروب اونو اویاتدی .
 — دور پالتارلارینی گئی ، تنز اول ! دئییه ، امر وئردی .

گئجه لر محبوسلاری یوخوسوز ، گنج بیر حالدا چاغیریب دانیشیغنا
 آپارماق ، اشکنجه وئرمک ، مستنطقلرین همیشه کی ایشی ایدی . آنجاق
 اژدرین هارا آپاریلدیغی مبهم ایدی . چونکه اونون اولوم حکمی اوزونه
 اوخونموشدو . اونو آپاردیلار . یوخودا کیلاردا اویانمیشدی . یوخو گوزلر -
 دن چکیلدی . بئینلر قارا ، قورخونج فکرلرین جوولا نگاهنیا دوندو .
 دقیقه لر ایله دوندو . نهایت ، هوا ایشقلاندی ، گون چیخدی . آنجاق ،
 اژدر قایتمادی .

ساعت سکیزی ووروکن . قایی یئنه آچیلدی . گوزتچیلر اژدرین یور -
 غان — دوشگینی و پالتارلارینی ییغیشدیریب ، آپاردیلار . بو ، اولوم خبری

ایدی . دئمك ، اودا دار آغاجینا تابشیریلدی .

قاشلار چاتیلیمیش ، اوركلر شدتله چیرینیردی . کیمی دیزلرینی قوجاقلایب ، اوزگله جگینی دوشونور . کیمی ، اوز هیجانینی سوندورمك اوچون دوداقلارنی گمیریر ، کیمیده ، قدم ووروردو . اورهك سیخان بوغوجو بیر سكوت حكم سورمكده ایكن ، غلامرضانین یاواش — یاواش زمزمه ایله باشلادیغی :

”بیز دنیانین قورخوبیلمز بیر قهرمان ائلیك .

آلا ولاردان یارانمیشیق ، آذربایجان ائلیك !

یورد وموزو یاشاداجاق آدیمیزلا — سانیمیز ،

تاریخلرین زینتیدیر شهرتیمیز ، شانیمیز !”

والا . . . ائل ماهنیسی گئدیكجه بویوك بیر خور دستهسینه چئو—

ریلرهك ، زندان محیطینی دوتدو . نغمه قورتاردیقدا ، غلامرضا دولغون ، معنالی باخیشلارینی چهرهلرینی غم توزو اورتوموش یولداشلارینا گزدیرهرك بیر نقطه ده — بوشلوقدا ساخلادی . هیجانلا ،

— عزیز دوستوموز ! سن ، ای خلقنین دوغما مبارز اوغلو ! سن

وطن آزادلیغی اوغروندا دار آغاجینا تابشیریلدینسادا ، مبارز انسانلارین اورمینه همیشه یاشایاجاقسان ! عشق اولسون سنه ! دئدیكده ، اونون سسی ، یولداشلارینین وئردیگی ”عشق اولسون !” دئییه جوابلا ، بوتون زندانا یاییلدی . جاویدان سوزونه دوام ائدهرك .

— قوی آزعین دشمن بونو آنلا سین که ، قوللارد اسسله نن زنجیرلر ،

اشکنجهلر ، مینرله آخیتدیقلاری گناهسیز قارداش قانی . نده دار آغاجلاری بابك نسلینی اوز آزاد ديلك و ایستکلریندن آیرا بیلیمه جکدیر ! بوائللرین شاهینلری همیشه اوز آزاد لیقلاری اوچون ووروشموش ، دشمنه باشاگمه — میش ، تاریخلرین زینتی اولموشدور بیزجه اولوم ، یادلارا باشاگیب ،

ياشاماقدان چوخ شرفليدير ! دئيىب ، بير آزدا ياندى . گوزلرى طوفانلى
 دنيزلر تك . دالغالى ايدى . ساكت بير تونلا ، يئنه سوزه باشلادى :
 — من ايندييه كيمي حقيمه اوخونموش حكمو سيزدن گيزلهديرديم .
 اولوم ، دار آغاجى منيده گوزلرير . منده يولداشلاريميز كيمي ، اولومو گوله
 — گوله قارشيلاياجام . من بونا اينانيرامكى ، من و اژدرلر اولسوده ،
 آرزو و ديلكلريميز آزادلىق سئون انسانلارين اورده ينده ياشاياجاق . گله چك
 بيزلرى محبتله ياد ائده چك ! من ايستميرم كه ، اولوم خبريم سيـــــز
 چاتاندا ، منى گوز ياشى ، پریشانلىق ايله يوخ ، مى سرودلا ياد ائدمسيز ،
 دئدى .

گون باتماغا آزاليردى . سحر دن برى اوطاغا چوكموش ياس بولودو
 هله ده چكىلمه ميشدى . قاپى آچيلدى . كئشيكچى ، افسر ، — غلامرضا
 جاويدان ! دئيه سسلدى . بو سس دن ديكسينميش كيمي ، هامى آياغا
 قالخدى . هر طرف دن افسره دوغرو آد ديملار آتيلدى . ائله بيل كه هر نفر
 ” منم ” دئيه اوزونو جاويدانين يئرینه تانيتديرماق ايستميردى . افسر
 اولكموش كيمي اولدو . قورخودان تاپانچاسيني قينيندان چكهرك ، قاپييا
 طرف چكىلدى . گوزلر ده غضبله دولو اعتراض دويولوردو . يولداشلارينين
 آرخاسيندا قالميش جاويدان ، اللريله اونلارى گئري وورراق ايرهلى
 كئچدى .

او ، قيرخ ياشيندا ، اورتا بويلو ، قالين قارا قاش ، كسگيـــــن
 باخيشلى . انلى كورهك ، ايگيد بير آدام ايدى . يولداشلارينا دونرهك ،
 — نيه متاثر اولدونوز ؟ دئيه ، سوال وئردى . بير آندا دوداقلـــــ
 ريندا قيميلدانا تبسم ، غضبه چئوريلدى . — يوخ ! دئدى . — دشمن
 قارشيسيندا پوزولماق قورخاقلارا ياراشا سوزه يوخ ! بير — بير اونلارال
 وئريب ، اوپوشدو .

رحیمین ها میدان آرتیق دوتولدوغونو ، دولغون گوز ، جاتیلیمیش
قاشلاریندان آیدین گورمک اولاردی . او ، بیردن اوزونو جاویدانیــــن
قوجاغینا آتدی . بلی ! بو ، ایکی هم پیمان ، ایکی مبارزین سون گوروشو ،
ابدی آیریلیغی ایدی .

غلامرضا قاپیدان چیخیرکن ، بیرده دونوب حسرتله اونلارا باخدی .
یئنه دوداقلاریندا تبسم اوینایردی .

— الوداع ! عزیز دوستلار ! دئییب ، اوطاقدان چیخدی .
— الوداع ! ای وطنین شرفلی اوغلو ! دئییه ، یولداشلارینیــــن
اوجالان سسی ایله قاپی باغلاندی .

محبوسلار د میر قفسده سیخیلان آسلان کیمی ، اوطاغا سیغمایر—
دیلار . اوز هیجانینی . هره بیر جور سوندورمگه چالیشیردی . آرتیق او ،
یوخ ایدی . آنجاق ، یاتدیغی یئرده باشی اوزرینده اوزو یازیب ، دونه
— دونه اوخودوغو شعر پارچاسی هله ده دوروردو . اونو اوخوماغا باشلا—
یان صمدین احساساتلادولو آهنگی . هامینی اوزونه گتیردی .

”قوی شاهیدیم اولسون تاریخ یازانلار ،

آزادلیق اوغروندا چکیلدیــــم دارا .

شرافتله اولدوم . آنجاق باشیمی ،

اگدیم هئچ دنیا دا جــــلادلارا !

× × ×

شهربانی ادارهسی بویوک بیر زندانا چئوریلیمیشدی . اوطاقلار
آغزینا قدر استنطاق آلتیندا یاتان گناهسیزلارلا دولموشدو . آدامین
چوخلوغوندان اوتورماغا یئر یوخ ایدی . قاپی و پنجره لر همیشه قاپالی
اولدوغوندان ، ایی قوخدان باش چاتلایر ، نفس آلماق اولمــــسوردو .
کشیکچیلر مسلح حالدا قاپیلاردا قدم وورور ، آغیر و یونگول مسلسلر

ایله ، نظامی قوه‌لر شهریانین د وره‌سینی آلمیشدیلار . بو آغیر محیط اؤز
یئرینده ، گنجه — گوندوز ، آراسی کسيلم‌دن اوطاقلاردان استنطاغ—
چاغیریشلار ، سویوش — توهین و اشکنجه‌لر محبوسلارین روحینی سیخیر ،
بد بینلشدیریر ، حیات و یاشایشا اولان امیدلرینی سوندورورد و . بعضیلری
دئیلن بهتانلار ، توهینلر قارشیسیندا سوسور ، جواب وئرمیردی . باشقا—
لاری چیلغینلاشیر ، وورغون حالی آلیردی . بو گئدیش ایستر — ایسته‌مز
هامینی دوشونمیه ، یادلار — یابانچیلار الینه دوشدویونه اوره‌کدن یانیر ،
بو وحشیلیگین سونونه اولاجاغینی فکرلرینده ووروشدورور ، عائله‌لرینی—
فلاکت و قورخو ایچریسینده کئچیندیکلرینی نظرلرینده جانلاندیریر ،
سارسیلیردی‌لار . چوخلاریدا — ”یئنده‌می اسارته بویون اگمه‌لییک؟“ ،
”یئنده‌می طالعمری یادلارا — ساتقینلارا تابشیرمالییق؟“ نه اوچون؟
نه اوچون؟ ! دئییه ، دوشونور ، بیئلرینده دومانلی ، قارا فکرلرآت
چاپیردی .

گونش داغلارین دالینا چکیلدی‌کجه ، سولغون ساچاغلارینی—
داغلاردان ، دوزلردن یغیردی . گنجه قارانلیغی ، شهی قوینونا آلدیقجا ،
زندان محیطینه قیزدیرمالی بیر سکوت چوکورد و . بودوزولمز ، بوغجوسکوت
ایچریسینده گوزله‌نیلمدن ، روحی اوخشیان گوزل بیر سسله ،

”آنا یورد و مسان ای گوزل وطن ،

همیشه‌لیک یاشا آذربایجان !

گولوم ، بلبلوم ، گلشنیم ، چمنیم ،

همیشه‌لیک یاشا آذربایجان !”

دئییه اوخونان نغمه هامییا تانیش ایدی . اوره‌کلری اوخشیان بو
سس — اولوم انتظاریندا اولان آزادلیق قارتالینین سسی ایدی . اونون
سسی قارانلیغا سالینمیش قوی بیر نورکیمی ، اورکلری ایشیق‌لاندیردی .

بد بینلیک ، امید سیزلیک بولود ونو تمیزلدی . بو سس همین گئجه نین سحری
دار آغاجینا تابشیرماق اوچون ، زنداندان — شهربانییا کوچرولموش
غلامرضا جاویدانین سسی ایدی .

عمومیتله ، اولوم حکمی آلتیندا یاتان محبوسلار اولومون یاخینلا —
شدیغینی دویورکن ، قورخویا دوشر ، وحشت وارلیغینی سارسیدار . ساغ
ایکن اولوم توزو اوزرنه قونار . لکن ، دار آغاجی — اولوم اونو گوزله یرکن . او ،
آزالدیق ماهنیسی اوخویوردو .

× × ×

آزان سسلری شفق سوکوله جهینی بیلدیریرکن ، شهربانیی —
قاباغیندا مسلح بیر دسته گوروندو . گئجه سرخوشلوغوندان خمار گوزلری
قان چاناغینا دنموش افسر " دایان ! " امری وئردی . بیرنجه نفر ایله
ایچری گirdی . گئجه نین سکوتینی پوزان ماهنی سسی اونو حیرته سالدی .
نوبتچییه دونه ک .

— بو بایغوشون سسی هله ده کسيلمه ییب ؟ دئییه ، وئردیگی سوالا
نوبتچی تعظم ائده رک ،

— خیر ، قربان ! او ، بوتون گئجه نی ماهنی اوخوماقلا کچریم ،
تک اوزو اولسایئنه جهنم !

او باشلادیغی هر ماهنی ، دوسداقلار طرفیندن خوراچئوریلیب .
دئدیکه ، افسرلویا بیر گورونوش آلیب ،

— اونلارین سسینی آنجاق ، اودلو اسلحه لر ، دار آغاجلاری کسه
بیلر . دئدی . قاپی آچیلدی . غلامرضا قوللاریندا قانداال ، غرورلا دور —
موشدو . افسر استهزالی بیر تبسمله ،

— بویورون جناب ! آمریکا فوقولو سیزی گوزله یر . سیز اوخوماقدان
دویمادیغیز کیمی ، دار آغاجلاریدا سیزدن دویمور . دئدیکه ، اومعنالی

و کسگین بیر باخیشلا ،

— من حاضرام ! دئییب ، گولومسه دی . افسر .

— اولوم آیاغیندا ایکن ، یئنمه ده گولورسن ؟ دئییه کنایه لی بیر حالدا

سوال وئردی . جاوید انین بیاقدان بری اوزونو ایشیقلا ندیران تبسم یو خ
اولدو . نفرتله دولو کسگین باخیشلارینی افسرین گوزلرینه زیلله دی .

— شرف و افتخارلا اوز — اوزه گلیرکن ، نه اوچون گولمهیم؟ آلنیم

آچیق ، اوزوم آغ . باشیم اوجا دیر ، فقط ساتقینلارین اوزو گوله بیلم — ز !

دئدیکه ده ، بو سوزدن افسر د وتولدو . رنگ وئریب — رنگ آلدی . خجالت

اوخشار بیر دومان اوزونه چو کدو . چونکه ، جاوید انین سون سوزو اونون

اوزونه ایدی . او ، " وطن و آزادلیق ! " دئییه دوش قاباغا گر نلردن ایدی .

آنجا ق ، دشمنین اوستونلویونو دویورکن . چنلی ، دومانلی بیر سحر

قاچیب ، دشمن دسته سینه قوشولموشدو . اوز خلقینه ، وطنینه خیانت

ااتمیشدی . جاوید انین سوزونه جواب تاپمادیغیندان ، داریلیمیش حالدا ،

— بویورون ! دئییه اونا یول گوستردی . جاویدان اونلارین قاباغینا

دوشدو . یئنه اوزونو تبسم ایشیقلا ندیردی . هر طرفدن آتومات و توفنگله

اونون دوره سینی آلدیلار .

— ایره لی ! دئییه ، حرکت امری وئریلدی . غلامرضا آتدیغی ایلک

آد دیملار ، آذربایجان ملی سرودینی اوخوماغا باشلادی . بو ، اونون اوز

یولداشلاری ایله ودا ع ماهنیسی ایدی . اویانمیش محبوسلار ، اونون سسینه

سس وئریب اوخوماغا باشلادیلار . بو استقبال اونو داها دا روحلاندیردی .

اوز آد دیملارینی اوخونان ماهنی آهنگی ایله اویغونلاشدیراراق ، بیر

سرباز کیمی ، شاخ آد دیملارلا ایره لیلدی .

× × ×

دورت آیدان بری قان حریصلرینین دوشگونلویونو هله ده سوندوره

بیلمین دار آغاجلاری نین دیبینده " دور ! " امری وئریلدی .

سوکولن دان یئرینده قارا بولودلار قایناشیردی . تبریز قارادونونو
آتماق ایسته میردی . سانکه ، اوغلو اولموش آناکیمی ، یاس ساхлаماق
ایسته یردی . اسن کولک اووولتوسو ، آرابیر اوچان قارغالارین قاریلتیسیندا ن
باشقا ، بیر سس ائشیدیلمیردی . غلامرضانین حکمی اوخوندو . دکتر
معاینه سینی بیتیردیکدن سونرا ، حیرت ایچریسنیده ،

— گورونمه میش ایشدیر ! قلبی عادى حالدا وورور . دئیب ، اوزونه
اینانمیرمیش کیمی ، یئنیدن بیرده اونو معاینه ائتدی . — بلی ! قلبی
طبیعی حالدا وورور . دئییه سوزونو تکرار ائتدی . بو حال سوست ، هد —
فسیزلر اوچون تعجیلی اولابیلردی . آزادلیق اوغروندا چارییشان سار —
سیلماز بیر انسان اوچون ، یوخ !

او ، ایل یاریم بوندان قاباق ، اوز فدائی دسته لريله " اولوم ، یا
آزادلیق ! " دئییه . قارتال کیمی ، دشمن اوزرینه شیغایب . آنا توریاغی
غصبکارلاردان تمیزلدیگی زمان ، اوزونده غرور ، گوزلرینده ظفرالغالانیردی .
بوگون دار آغاجینین دیبینده ده او ، اوز غرورینی الدن وئرمه میشدی .
قورخونج اولوم بئله ، اونو دگیشه بیلمه میشدی . چونکه ، او ، اسارت آلتیندا ،
ننگین یاشاماقدانسا ، اولومو اوستون دوتوردو . او ، آزادلیق عاشیقی
ایدی . رسمی مراسم بیتدی . سون سوزه بئله باشلادی : — من دار آغاجی
دیبینده ایکن ، یئننده اوز خلقیمی سئویرم . وطنیمین استقلالینی و خلقیمین
آزادلیغی منیم آرزومدور ! دئیب ، اوزونو ایشیقلا نماقدا اولان شرقه طرف
دوتدو . — باخین ! دئدی . — گئجه نین حکم سورهن قارانلیغینی ،
چیخماقدا اولان گونشین نورو بوغور . بو بیر حقیقت ایکن ، ظلم — ستمین
ابدیلیگینه کیم اینانار ؟ . . . دئیب . دالغالی سسله

" ای وطنیم آذربایجان اودلا ریوردوندان بیر نشان ،

سن بويوتد ون ستارخانلار آدلى سانلى كئچميشين وار .
قوجا شرقين چيراغيسان آزاد ليغين بايراغيسان .
والا . . . اوخويوب ، قورتارديقدا ،

— من حاضرام ! دئدى . ايكي دقيقه كئچمه ميش . دار آغاجى
اونو ، وطن و خلقينين اليندن آلدى . او ، اولدو . آنجاق ، آدى " جا —
ويدان " اولاراق ، آزادليق سئوھن انسانلارين اورمىندە ياشير و ياشاياجاق!

۱۳۳۰ شمسى

لغت

د الغین	فکرلی ، فکره گئتمیش
سوزدو	باخدی ، گوزدن کئچیردی
صیرا	جرگه، ردیف
کوگسونه	سینه سینه
قارشیلماق	استقبال ائتمک
قارشیلاشماق	اوز – اوزه گلکم (روبرو شدن)
دویماق	آنلاماق ، درک ائتمک ، حس ائتمک
منلیک	شخصیت
سارسیلماق	سیلکه لنمک ، (تزلزل)
داریلماق	داریخماق ، ناراحت اولماق
دویغو	حس ، احساس
توخذ اقلیق	آرامش ، راحتلانماق
کدر	غم ، غصه
شاشقین	اوزونو ایتیرمیش (دیوانه وار)
وورغون	دهلی ، دیوانه
مراقلانماق	علاقه نشان وئرمک
اگلنجه	تفریح
گووده	بدن
وارلیق	حیات (هستی)
قایغی	دردینه قالماق ، فکرینده اولماق
	(همدردی)

× × ×

او، ایل یاریم بوندان قاپاق، اوز فدائی دسته‌لرله
"اولوم، یا آزادلیق!" دئییه قارتال کیمی، دشمن
اوزرینه شیغایب. آنا توریاغی غصبارلاردان تمیزلدیگی
زمان، اوزونده غرور؛ گوزلرینده ظفر دالغالانیردی بوگون
دار آغاجینین دیینده ده او، اوز غرورینی الدن
وئرمه‌میشدی. قورخونج اولوم بئله، اونو دگیشه
بیلمه‌میشدی. چونکه، او، اسارت آلتیندا، ننگین
یا شاماقدانسا، اولومو اوستون دوتوردو.